

35653 / B

MARTINE, G.

Jo. Gregory 1770.

Georgii Martinii M. D.

DE

SIMILIBUS

ANIMALIBUS

ET

ANIMALIUM

CALORE

LIBRI DUO.



LONDINI:

Impensis A. MILLAR, prope ædem Divi Clementis in vico vulgo dicto *the Strand*.

M.DCC.XL.



Homo, Naturæ minister & interpretēs, tantum facit & intelligit quantum de ordine Naturæ opere vel mente observaverit. Bacon.

ORNATISSIMO VIRO

Richardo Mead

Medico consummato,

Elegantiorum Literarum

& Bonarum Artium

Cultori, Patrono perpetuo,

Hæcce dicat opuscula

GEORGIUS MARTINIUS.



Digitized by the Internet Archive
in 2019 with funding from
Wellcome Library

<https://archive.org/details/b30520708>



I N D E X

Capitum totius operis.

Nostra de *Similibus Animalibus* doctrina in sequentia dividi potest capita.

Proœmium.

p. I

Cap. I. *De proprietatibus Similium Animalium maxime generalibus.* 6

Cap. II. *De Motibus & Viribus sanguinis.* 15

Cap. III. *De Vasorum Firmitate.* 60

Cap. IV. *De Membrorum Velocitate Motus.* 69

Cap. V. *De Musculorum Viribus.* 77

Cap. VI. *De Organorum Robore.* 104

Cap. VII. *De Mutationibus per ingesta inducendis.* 112

Cap.

- Cap. VIII. *De Motibus & Viribus Aëris.*
p. 123
- Cap. IX. *De illorum Animalium Calore.*
126

De Animalium Calore.

- Proæmium.* 129
- Cap. I. *De Animalium Calore generatim.*
136
- Cap. II. *De Calore in variis ejusdem Animalis partibus.* 166
- Cap. III. *De Calore Similium Animalium.*
205
- Cap. IV. *De Diversitate Caloris Animalium secundum mutationes iis illatas.*
212
- Cap. V. *De Caloris Animalium differentia secundum Sexus varietatem.* 270



DE

SIMILIBUS

ANIMALIBUS

LIBER.

Τὰ δὲ περὶ τὰ νοσήματα, ἐξ ὧν διαγινώσκουμεν, μα-
θόντες ἐκ τῆς κοινῆς φύσεως πάντων, καὶ τῆς
ιδίης ἑκάστου. Hippocr.

*Conjicio eum, qui propria non novit, com-
munia tantum intueri debere: eumque,
qui nosse propria potest, illa quidem
non oportere negligere, sed his quoque
insistere. Cels.*



D E
SIMILIBUS ANIMALIBUS
L I B E R.

P R O O E M I U M.

RERUM & numerorum *propor-*
tiones diligentissime excoluerunt
olim Pythagoras, ejusque seque-
ces, & mathematici philosophi.

Imo tantos in hac scientia fecit progressus
magnus ille ac sagax naturæ myſta, ut, pul-
cherrimo planetarum percepto ordine, an-
tiquitus adeo celebratam, sed a paucis intel-
lectam, veram *Sphærarum harmoniam*, ele-
ganti involutam fabula, suis declaraverit
discipulis. Qua nimirum *harmonia* (saltem
anti nonnulli eam interpretantur fabulam²)

B

corpora

² Vid. Gregor. Elem. Astron. Præf.

corpora illa cœlestia circa *Phæbum*, sive solem in medio residentem, revolvuntur; viribusque, quæ sunt in reciproca duplicata distantiarum ratione, in propriis retinentur orbibus.

2. MAGNI Kepleri inventa hocce locupletarunt systema; ex quibus nempe certiores sumus tempora planetarum periodica distantiarum a vi solis centrali sesquiplicatam exactissime conservare rationem. Quam elegantissimam *cælorum harmoniam*, stupendum divini conditoris opus ac monumentum, vir in mysteria secretioris physicæ altissime progressus, philosophorum ac mathematicorum princeps Neutonus, novis adornatam phænomenis, ex ipsis mechanicæ legibus geometrica stabilivit evidentia.

3. QUOD nostro aptius convenit proposito, venerandus Euclides veras *longi, lati & profundi* excoluit, atque patefecit rationes; docens solida similia triplicatam, superficies vero duplicatam respondentium diametrorum sortiri rationem.

4. ATQUE præclarus denique geometricæ physicæ instaurator eximius Galilæus similes quasdam *proportiones* de solidorum viribus & resistentiis ex ipsa mechanica demonstravit.

5. QUORUM ergo magnorum virorum
ego premens vestigia,

*Non ita certandi cupidus quam propter
amorem*

Quod ipsos imitari avelo,

Meam quoque, exiguam licet, concinnæ huic,
quæ tam late pateat, *rationum* doctrinæ,
simulque medicæ adaugendæ scientiæ, opem
conferre volui. Expendens nempe, ac simul
comparans leges & rationes virium motuum-
que solidorum ac fluidorum, quæ insunt
animalibus, discrepantibus, utcunque velis,
magnitudine, quæ simili tamen supponamus
gaudere fabrica & constitutione.

6. ATQUE proinde generalis erit hæcce
animalium abstracte consideratorum contem-
platio; nec veris animalibus adplicanda, nisi
quatenus geometriam, & accuratam mecha-
nicam adplicare solemus corporibus machi-
nisve similibus, vel potius fere similibus,
arte nostra fabricatis, & propterea imperfec-
tis, minusque accuratis. Discrepantiis itaque
minoribus neglectis, si nullæ præter tales ad-
sint, illa corpora tanquam perfecte similia
consideremus; majores interim, si quæ sint,
differentias, harumque effectus, quasi toti-
dem *æquationes*, astronomorum more, se-

cundario ex ipsa rerum natura & phænomenis examinantes.

7. RATIONES ergo virium motuumque particularum corporum, machinarumve, quæ vita fruuntur, primario adplicandas proponimus animantibus fabrica quam proxime *similibus*. Quæ eadem rationes sive regulæ & aliis competere possint, si modo ex structuræ anomaliis sedulo collatis, harum anomaliarum a *similium* generali regula deflectionum effectus rite considerentur. Quemadmodum plane leges absolutas motus corporum perfectè durorum, mollium, elasticorum & fluidorum, aliaque hujusmodi satis accurate se determinare existimant phisici: atque hinc corporum in concreto motiones absque sensibili errore sibi mutuo, istisque conferunt legibus; quanquam nullà apud nos sint corpora vel perfectè dura, vel omnino mollia; nullave prorsus elastica, aut perfectissime fluida in rerum natura reperiuntur. Quarum pulcherrimarum contemplationum de generalibus actionum motuumque corporum legibus cum usu & experientia consensus hinc oritur, quod conclusiones ex generalibus regulis elicitas per *æquationes* corrigere satagunt philosophi. Quorum exemplum in sequentium de *similibus animalibus*

libus regularum adplicatione nos ipsi imitabimur, aliisque in iisdem adplicandis, si id quipiam dignentur, imitandum suademus.

8. HAUD corpora, magnitudineſve abſtractas, non meras geometricas dimensiones cum Euclide; non machinas ſimpliciſſimas cum Galilæo contemplanur: ſed machinas, ut elegantiffimas, ſic maxime compoſitas, ſumme intricatas, ex variis varii generis & firmis & fluidis particulis conflatas, uno verbo *corpora animata* geometricè, mechanicè & hydraulicè comparanda proponimus, omniaque ratiocinio ſimplici & facili, ex principiis itidem facillimis ſimpliciſſimiſque deducenda. Res ardua. Scientia nova. Quæ conſideratio, quemadmodum in ſcribendo animum mihi addidit & ſtimulos, ſic eandem defectuum noſtrorum excuſationem ab aliis procuraturam confido.

— *juvat integros accedere fonteis,
Atque haurire; juvatque novos decerpere flores.*

9. ISTÆ de *ſimilibus animalibus* diſſertationes jamdudum conſcriptæ fuerunt, me admodum juvene, & tum primum rebus medicis incumbente. Eas nonnulli principes in arte noſtra viri examinare dignati ſunt,

meosque fovere juveniles impetus. Unde postmodum, prout occasio ferebat, multum fuerunt auctæ, variisque in locis interpolatæ, & si quid mea valeant, formatæ in melius.

CAPUT PRIMUM.

De Proprietatibus similium Animalium maxime generalibus.

DEFINITIO.

Similia Animalia sunt illa, quorum structura ubique similis deprehenditur: quorum idcirco homologæ, correspondentes vel similes partes habent ad se invicem eundem situm & proportionem; atque iisdem usibus & operationibus inserviunt.

HAS Aristoteles^a hunc in modum explicat.

“ Ταυτα δε μεν ειδει των μοριων εσιν· οιον ανθρωπου
 “ ρις και οφθαλμος ανθρωπου ρινι και οφθαλμω, και
 “ σαρκι σαρξ, και οσω οσυν. του αυτου δε τροπον και
 “ ιππων και των αλλων ζων, οσα τω ειδει ταυτα λεγο-
 “ μεν αυτοις.” Id est, “ *partes easdem specie*
 “ *intelligi volo, ut hominis nasus aut ocu-*
 “ *lus specie cum naso aut oculo hominis*
 “ *alterius convenit, & caro quævis cum*
 “ *carne simili, & os cum ossè. Quod idem*
 “ de

^a Hist. Anim. I, 1.

“ de equo & cæteris, quæ *specie* inter se CAP. I.
 “ consentire statuimus intelligi debet.”

HYPOTHESIS.

SIMILIMUM Animalium *constituentes*
partes, quæ sibi mutuo respondeant, naturā
& constitutione elementorum easdem sup-
pono ; id est solidas solidis, fluidas fluidis
ubique similes densitate, atque gravitate spe-
cifica, particularum cohæsione, &c.

P R O P. I.


Soliditates, superficies, longitudines *qua-*
rumcunque correspondentium parti-
um similium Animalium *sunt ut in-*
tegrorum Animalium soliditates, su-
 perficies *atque* longitudines.

VEL aliter in phrasi Aristotelica^b, “Ὡςπερ
 “ το ὅλον ἐχει πρὸς το ὅλον, καὶ τῶν μορίων ἐχει
 “ ἕκαστον πρὸς ἕκαστον, τὰ δὲ ταυτὰ μὲν ἐστὶ, διαφέρει
 “ δὲ καθ' ὑπεροχὴν καὶ ἐλλείψιν, ὅσων το γένος ἐστὶ
 “ ταυτὸν.” Id est, “ Ut totum habet ad to-
 “ tum, sic partes singulæ sese ad singulas
 “ habeant necesse est. Hæc quidem ita in-
 “ ter se conveniunt; differunt tamen secun-
 “ dum majus & minus quorum idem est
 “ genus.”

B 4

HÆC

^b Hist. Anim. I, 1.

CAP. I.  HÆC certe propositio satis est manifesta ex definitione: quum integra animalia sint adgregata ex cunctis omnino ipsorum partibus similibus, quæ constantem ad se invicem rationem servare supponuntur.

Coroll. 1. QUUM firma & fluida spectari possint^c. tanquam partes animal quodvis constituentes, patet illorum quævis, & proinde *massas sanguinis* vel totales, vel in quibuscunque partibus homologis dato temporis momento contentas, esse proportionales soliditatibus seu ponderibus integrorum animalium.

Coroll. 2. HINC in iisdem specie morbis, levamen aut remedium a sanguinis missione poscentibus, quantitates ejus educendæ ex corporibus hominum *similium* suppositorum, debent servare rationem massarum integrarum; id est, ponderum ipsorum hominum; si similitudinem operationum, seu similes effectus ab adhibita ista medendi methodo expectandos proponimus.

IN praxi autem quam maxima circum-
spectione & summa diligentia considerandæ
sunt variæ circumstantiæ & conditiones par-
ticulares naturæ morbi, atque ipsius ægri
corporis,

^c Vid. Aristot. de part. Animal. II, 2. Senec. Nat. Quæst. II, 3.

corporis, sanguinis detractionem vel majorem vel minorem suadentes, quas apud auctores videas. Sufficiat hic generalem indicasse regulam illud remedii genus ad ægros adplicandi, aliis omnibus conditionibus, præter solam corporis molem, iisdem positis.

“ Cum enim ad recte medendum plurimum
 “ conferre & temporis occasio, & *auxilio-*
 “ *rum quantitas*, videatur : invenies autem
 “ hæc unicuique ægrotanti propria, nihil
 “ autem proprium possit sermone explicari :
 “ hoc pacto quod commune est cogimur
 “ scribere, quamvis id sit usu secundum ^a.”

CAP. I.

P R O P. II.

Moles seu pondera similium animalium
 vel suarum partium homologarum,
 sunt in triplicata ratione suarum lon-
 gitudinum, vel latitudinum, vel ma-
 gis generaliter, distantiarum inter
 duo ipsorum correspondentia puncta.

PATET. Quoniam ex geometriæ elemen-
 tis soliditates vel moles similium quorum-
 cunque corporum, & consequenter *similium*
animalium eam inter se habent rationem
 quam cubi rectarum inter duo in iis similiter
 posita puncta ductarum.

P R O P.

^a Galen. de Art. Curat. ad Glauc. I, 1.

PROP. III.

Superficies similium animalium, vel suarum partium homologarum sunt in duplicata ratione similium in his distantiarum. Item ut soliditates talium animalium ad istas distantias adplicatæ: hoc est in ratione sub-sesquuplicata istarum soliditatum.

NAM ex geometricis discimus superficies similium omnium corporum esse ut quadrata rectorum similium in iis ductarum. Atque observante Galilæo^e novimus itidem soliditates vel moles similium corporum esse in sesquuplicata suarum superficierum ratione. Ex quibus facile constat veritas nostræ propositionis in qua dictæ proportionales ad *similia* referuntur *animalia*.

Schol. SI moles vel pondera duorum *similium animalium* vel *suarum partium homologarum* dicantur eam inter se habere rationem quam habet A ad a; tunc illorum *longitudines* vel *latitudines*, vel universaliter *distantiæ* inter duo in ipsorum corporibus correspondentia puncta, quas appellare liceat D, d, erunt in ratione $\sqrt[3]{A} .. \sqrt[3]{a} :: A^{\frac{1}{3}}$

^e Disc. Meccan. I. p. 534.

$A^{\frac{1}{3}} \dots a^{\frac{1}{3}}$. Atque *superficies similes* S, s ut CAP. I.
 $D^2 \dots d^2 :: \sqrt[3]{A^2} \dots \sqrt[3]{a^2} :: A^{\frac{2}{3}} \dots a^{\frac{2}{3}}$.

P R O P. IV.

*In similibus animalibus similia orificia,
 vel sectiones vasorum correspon-
 dentium sunt in ratione subsestuplicata
 magnitudinem istorum animalium.*

Similia vasorum orificia, $A^{\frac{2}{3}} \dots a^{\frac{2}{3}} :: S \dots s :: D^2 \dots d^2$.

DIAMETRI enim similes talium *secti-
 onum* in *similibus animalibus*^f sunt (ut $\sqrt[3]{A}$
 $\dots \sqrt[3]{a}$) in suorum ponderum (A, a) ratione
 subtriplicata. Unde earundem *sectionum*
amplitudines, in ratione duplicata diame-
 trorum existentes, uti in elementis demon-
 stratur, sunt necessario (ut $D^2 \dots d^2 :: A^{\frac{2}{3}} \dots a^{\frac{2}{3}}$)
 in istorum ponderum ratione subsestuplica-
 cata. Q. E. D.

Coroll. I. EODEM prorsus modo demon-
 stratur hanc rationem quoque obtinere in
similibus sectionibus correspondentium mus-
 culorum, tendinum, ossium, aliorumque in-
 strumentorum in corporibus *similium ani-
 malium*.

Coroll.

^f Prop. 2.

CAP. I. *Coroll. 2.* MAGNITUDINES *particularum* seu *molecularum maximarum* per parva quævis respondentia *similium animalium* vasa *transmeabilia* sunt in ratione magnitudinum ipsorum animalium. Diametri enim talium vasculorum, & propterea particularum maximarum per ipsa transmeabilia, sunt ^s in data, subtriplicata nempe magnitudinum animalium, vel magnitudinum dictarum particularum ratione.

Schol. PARUM firmo inniti videntur fundamento quæ ab Erasistrato (omnia quæ in nostro corpora contingunt secundum leges mechanicas explicanda statuente ^h) & quibusdam medicinæ novæ Mechanicæ principibus, Erasistrataeos se profitentibus, traduntur de *secretione* liquorum in corpore animali. Quorum nimirum diversitatem oriri statuunt primario ex diversis amplitudinibus vasculorum ipsa fluida a reliqua sanguinis massa eliminantium. Quo nempe *secretio animalis* non aliud apud ipsos sit quam admissio particularum determinatæ cujusdam magnitudinis, cum simultanea exclusione omnium aliarum istam magnitudinem superantium ⁱ.

At,

^s Prop. 2. ^h Vid. Galen. Nat. Facult. II, 2, &c.

ⁱ Vid. Pitcarn. Diss. de Circ. Sang. per Vas. Min. §. 16—19. de Mole qua fuit sang. in genit. &c. p. 119. Morland in Phil. Transf. 283. Abr. V, 1. p. 299. Keill Tentam. Præf. p. 23, & IV. p. 128. aliosque.

At, præter alia contra ingeniosam hanc hypothesis argumenta, attente consideremus ex incremento nati animalis, ad usque statum ejus adultum, quantam pati debeant mutationem amplitudines omnium vasculorum, & moles particularum per ipsa transmeabilium? Exinde itaque, si natura & constitutio secretorum humorum ex secernentium vasculorum capacitate primario dependeat, expectandi forent secundum varias animalis ηλικίας, alii atque alii diversissimi liquores, in datis organis visceribusque secreti: prout immensum quoque differrent correspondentium viscerum humores in animalibus mole multum discrepantibus. Contrarium vero dicitur ipsa natura & accurata rerum observatio. Eiusdem enim speciei humores in omnibus quibuscunque haud multum dissimilibus animalibus, utcunque hæc discrepent magnitudine, mire inter se conveniunt. ^k In pullo circa medium incubationis tempus hepatis fel viride adnectitur. ^l Atque in foetu humano quarti mensis urina in propria vesica, & bilis in cysti fellea inventæ sunt nostris, ut credo, non multum dissimiles. Multa præterea hujusmodi unicuique

^k Harv. de Gener. Anim. 55. p. 183.

^l Ibid. p. 185.

CAP. I. cuique hisce de rebus meditati facile occurrent. Ex alia ergo prorsus origine, aliisque causis deducendæ videntur *secretiones* diversorum liquorum in corpore animali: hinc facessere iussu omni prorsus *cribrationis* genere; cui nullum cedunt locum ipsa natura & humorum phænomena; sive secundum Cartesii^m consilium, sive secundum Borelliⁿ placita, sive modo memorata Erasistrati atque Pitcarnii methodo illam exponere volueris.

P R O P. V.

Actiones vel pulsus cordium similibus animalium æque frequentes sunt.

ALITER enim illorum corda actiones suas systoles & diastoles quandoque iisdem temporis momentis celebrarent, alias autem has actiones variis temporibus perficerent. Qualis sæpe mutata varietas manifeste destrueret suppositam similitudinem situs correspondentium partium istorum animalium, contra definitionem.

NOBIS tamen sufficit isochronismus actionum cordium eorundem animalium, de perfecto & constante illorum synchronismo parum interim sollicitis.

Coroll.

^m De Hom. I, 11.

ⁿ De Mot. Anim. II.

Prop. 138. 140. 145. & apud Bellin. de Renib. p. 22.

Coroll. IDEM omnino dictum puta de *iso-* CAP. I.
chronismo actionum auricularum cordis, de
 motibus arteriarum, pulmonum, & thoracis,
 aliorumque organorum quæ sibi mutuo re-
 spondere supponimus.

CAPUT SECUNDUM.

*De Motibus & viribus sanguinis
 similium animalium.*

P R O P. VI.

*In singulis cordium similium animalium
 pulsibus naturalibus, & ab externis
 causis non perturbatis, quantitates
 sanguinis ex illorum cavis in arte-
 rias ejectæ sunt ratione magnitu-
 dinum ipsorum animalium.*

EX natura *similium animalium*^a ad fi-
 nem suorum cordium diastoles con-
 tinentur in horum cavis quantitates sangui-
 nis ipsorum animalium ponderibus propor-
 tionales: Atque peractis ipsorum systolis re-
 lictum manet vel nihil sanguinis, quicquid
 prius receptum fuerit toto penitus expulso^b,
 vel

^a Prop. I. Cor. 1.

^b Vid. Harv. de Mot. Cord. IX. p. 43. 44. Wepfer. de Apoplex. p. 79. Lower de Cord. II. p. 44. III. p. 111. Bellin. Opusc. ad Pit- carn. XX. p. 128.

CAP. vel saltem per modo dictam *similium ani-*

II. *malium* legem, supersunt hujus quantitates
in eadem ponderum animalium ratione.
Ergo per doctrinam *proportionum*^c, ex cavis
cordium *similium animalium*, singulis pulsi-
bus naturalibus, ejiciuntur *sanguinis quanti-*
tates (homologorum scilicet differentia, quæ
sunt totis proportionales, vel ipsa homo-
loga) in eadem quoque magnitudinum ani-
malium ratione. Q. E. D.

Schol. VIDEMUS ergo quanta cum rati-
one dixerit Loverus^d, “ in diversis anima-
“ libus, pro varia ipsorum *magnitudine* cor-
“ dis ventriculos plus aut minus continere
“ & ejicere.”

P R O P. VII.

Quantitates sanguinis^e *eodem tempore*
ex cordibus similium animalium
ejectæ,

^c Euclid. Elem. V, 19.

^d De Cord. p. 110.

^e “ Nomine *sanguinis* hic intelligi volumus quicquid
“ naturaliter fluit per arterias & venas, Galenum (de
Melanchol. 2. De Elem. II, 2. 5. Com. in vi Epid.
IV, 29.) “ & artis Medicæ peritos imitati, qui passim
“ *sanguinem* nuncupant, hunc ipsum humorem fluentem
“ per arterias & venas, licet fluens illud non sit purus
“ sanguis, sed compositum ex vero sanguine & aliis
“ humoribus.” Bellin. de Febr. I. p. 272. XXII. p. 376.
De Urin. p. 1. Gulielmin. de Sang. Nat. &c. §. 2.
Sed consule imprimis Keillii Tent. I. de Quant. Sang.
p. 24.

ejectæ, & idcirco per quasvis ipso- CAP. II.
rum partes, vel correspondentium
vasorum sectiones homologas, per-
currentes, proportionales sunt mag-
nitudinibus ipsorum animalium, vel
massis integris eorum sanguinis.

Quantitates sanguinis, &c. A .. a :: S³ .. s³ :: D³ .. d³.

MANIFESTUM est tales *sanguinis quan-*
titates esse in composita ratione quantita-
 tum singulis pulsibus ejectarum, & numero-
 rum, vel frequentia ipsorum pulsuum. ^f At-
 que in dato tempore æquales sunt cordium *si-*
miliū animalium numeri pulsuum; in quo-
 rum singulis ejiciuntur ^g quantitates sanguinis
 vel integris animalium molibus, vel fluidorum
 massis proportionales. In qua ergo sunt ra-
 tione *quantitates sanguinis* per similia vasa
 trajectæ. Q. E. D.

Coroll. I. SI in similiū animalium simi-
libus vasis artificiales fiant incisiones amplitu-
dinibus aut transversis sectionibus horum vaso-
rum proportionales, vel in subsesquuplicata
magnitudinum animalium ratione, tunc dato
tempore effluerent quantitates sanguinis
integris massis proportionē respondentes.


C

Unde

^f Prop. 5.

^g Prop. 6.

C A P. Unde constat erroneam esse cl. Cheynæi^b

II.  regulam de invenienda proportionem massarum sanguinis diversorum ejusdem fabricæ animalium, vel dati cujusvis animalis pro varia ejus ætate ac mole. Quas nempe massas existimabat sequi debere rationem quantitatum emissæ sanguinis ex *æqualibus*ⁱ correspondentium vasorum incisionibus.

Coroll. 2. IN similibus animalibus liquorum homogeneorum quantitates eodem tempore a reliqui sanguinis tramite secretorum sunt in ipsorum animalium ponderum ratione.

Coroll. 3. HINC ab experimentis de *quantitatibus humorum* institutis in vivis bestiis, quarum structura humani corporis fabricæ non usque adeo sit difformis, satis commode argumentari poterimus de *quantitatibus homogeneorum liquorum* in corpore humano secretorum. Quas nempe *liquorum quantitates* variis molibus vel ponderibus animalium proportionales æstimare conveniet; donec ex perfectiore fabricæ solidorum, & naturæ humorum animalium notitia, & alias varietatis

^b Theor. of Fev. p. 137.

ⁱ “ Making (as near as may be) the *same orifice* and
“ *ligature in the same place of the vein or artery.*”

varietatis harum quantitatum causas accurate dignoscere contigerit, easque sibi mutuo conferre.

CAP.

II.

UT facilior reddatur hæcce ratiocinatio, juvat illam utili illustrare exemplo. Rerum anatomicarum peritissimus Regnerus de Graaf^k, per experimenta in canibus molossis facta, septem vel octo horarum spatio collegit *succi pancreatici* unc. i, atque *bilis* unc. ii, vel iii; id est, totidem drachmas unius horæ spatio. Et Reverkorstius^l per experimentum summa cum cura in cane majore factum, *bilis* per ductum cholidocum de vectæ singulis horis drach. ii. excepit. Cui omnino consentit simile Keillii^m nostri experimentum. Ex quibus concludi poterit in canibus majoribus, quales se in experimentis adhibuisse tradunt dicti authores, unius diei, vel hor. xxiv spatio, naturaliter in intestina depluere *succi pancreatici* drach. xxiv vel unc. iii, atque *bilis* ad minimum unc. vi. Si ergo supponamus, prout jure supponere possumus, canes in quibus dicta instituta fuerunt experimenta, triplo fuisse minores homine mediocris staturæ, tunc secundum *similium animalium* leges, atque

C 2

(quoniam

^k De Succ Pancreat. V. p. 553.

^l De Mot. Bil. §. 40. ^m Tentam. IV. p. 98.

CAP. (quoniam hujus generis experimenta in hominum corporibus fieri vetat & natura & religio) tales interdum leges necessario sequimur, tum inquam singulis diebus *liquoris pancreatici* unc. ix vel x, atque *bilis* quasi hujus ponderis duplum in intestina deferrentur. Atque velocitates *bilis* & *succi pancreatici* per ductus suos latorum non adeo exiguae deprehenduntur ac assumpsit magnus Bellinusⁿ, unam nempe hujus liquoris, illius vero duas tantum uncias octo horarum spatio per canales proprios diffluere; sola nimirum Graafii experimenta in canibus facta attendens; prorsus neglecta, aut, quod verisimilius est, non satis perspecta analogia inter *similes* diversorum animalium proprietates.

UNDE quoque patet, ut obiter hoc moneam, in corporibus sanis, & pharmaco non utentibus excretionem naturalem per *ductus hepaticos & pancreaticos*, simul & *glandularum intestinalium vias* non esse adeo mole contemnendam & exigui momenti, ac collegio medicorum Edinburgensium persuasum voluit disertissimus Pitcarnius^o: cui Cheynæus^p & nonnulli alii alacres præbuere consensum.

ⁿ De Febr. XIX. p. 337.

^o Diss. de Cur. Febr. &c. §. 12.

^p Theor. of Fev. p. 55.

sensum. At ne te quoque illis adjungas, præter ea quæ nos modo ostendimus de hepatis & pancreatis humoribus, cogita quæso amplam ventriculi superficiem internam; & longe adhuc ampliorem tubi intestinalis interiorum laminam. Utraque quam numerosis ubique scatet glandulis, liquorum longis ductibus excretoriis non remoratum, in illorum cavitatem perpetim mittentibus? Tecum quoque reputa quanta liquidi moles stillare debeat ex tam multis millibus fistulis arteriosis, tunicam ventriculi & intestinorum villosam undequaque obsidentibus, atque in illorum cavum directe hiantibus, hisque adeo patulis, ut exigua quadam vi liquor per eas adigi queat. His inquam perspectis, ac denique notato plusquam libram salivæ quotidie deglutiri^a, facili quidem negotio percipies illam Pitcarnii hypothesein adeo distare a vero, ut istæ a massa sanguinea secretiones in ventriculum & intestina derivatæ deprehendantur *cuticularem perspirationem* longe superare; quamvis in naturali rerum statu illi liquores multo maxima ex parte a bibulis orificiis venularum gastricarum & præcipue Meseraicarum absorpti suscipiantur, reliquæ sanguinis massæ ejusque

^a Vid. Nuck Sialogr. II. p. 29. 30.

C A P. regiis viis iterum reddendi. Unde medicamentum quodcunque *secretiones* omnes *intestinales* vel in data ratione augens, immutata interim quantitate a venis suscepta, vel easdem vi sua stimulante extra corpus, prius quam absorbeantur, ejiciens, majore momento corpus evacuabit; seu, quod idem est, sanguinis quantitatem minuet, quam medicamentum aliud *Sanctorianam perspirationem* in eadem ratione promovens. In cuius tamen contrario totus est in sua dissertatione Pitcarnius.

Coroll. 4. QUUM in animalibus exacte *similibus egesta* vel *excreta* sint ^r ut ipsorum animalium magnitudines, sequitur *ingesta, cibum, potum, &c.* necessario debere eandem servare rationem, ut conservetur illorum similitudo. Hoc autem intelligi velim de animalibus quatenus nempe *similibus* suppositis, tam scilicet ratione fabricæ, quam operationum, atque simul iisdem prorsus alimentis secundum eandem normam victitantibus.

PER mediam quandam assimilationem viri ut plurimum mulieres supercminent dimidio quasi capitis, sive $\frac{1}{5}$ parte totius suæ altitudinis ;

tudinis: ut, a formæ sexuum varietatibus ab- C A P.
 strahendo, inveniantur mediæ virorum atque II.
 foeminarum moles in ratione 15^3 ad 14^3 ,
 vel 3375 ad 2744, vel 5 ad 4 quamprox-
 ime: In qua ergo ratione in suam sustenta-
 tionem alimenta requirunt. Atque ita qui-
 dem in plebeiis nostratium nuptialibus, aliis-
 que hujus generis conviviiis, in quibus unus-
 quisque, mas & fœmina, debitum suum per-
 solvit expensum, viri sumptus muliebrem
 superare solet parte quasi tertia, quarta,
 quinta, aut interdum forte sexta. Nam in
 hisce rebus accuratum, aut undequaque jus-
 tum, non est quod expectes calculum.

SIMILITER rure operariis nostris singu-
 lis hebdomadis in victum conceduntur fari-
 næ avenaceæ duo modii; dum focia servæ
 sesquimodio contentæ vivunt, ut eorum de-
 mensa sint in ratione 4 ad 3, paullo majore
 quam exigent diversæ corporum magni-
 tudines. Nam præter minorem corporis
 molem, in rebus tantum domesticis, occu-
 patæ mulieres, non adeo copiosum hanc
 etiam ob causam sibi exposcunt alimentum,
 ac agricolæ operarii, labori incumbentes fe-
 veriori.

CAP.

II.

Schol. SI in diversis animalibus varia supponatur pulsuum frequentia, tum *moles sanguinis* per similia vasa lati a propositionis nostræ regula non parum deflecterent; nisi quantitates singulis cordis pulsibus ejectæ, præter rationem magnitudinum animalium, illi etiam frequentiæ inverse respondeant. Quo fit ut istæ duæ conditiones sibi mutuo quasi antagonismum constituent. Pueri v.g. pulsus habent longe frequentiores viris adultis^r: at hi contra magnitudine suorum pulsuum tanto majorem indicant sanguinis molem singulis systolis e corde propelli, ut sic, æquilibrio factò, sanguinis quantitates per data vasa trajectæ *similium animalium* regulam forte conservent; aut ab ea saltem non multum abludent.

QUANDOQUIDEM vero in consuetam normam peccant animalia sive pulsuum frequentia, sive mole sanguinis singulis pulsibus e corde ejecta, sive alia quacunque nobis percipienda conditione, in comparandis illorum animalium motionibus sanguinis, ejus velocitatibus, viribus, &c. cunctas illas conditiones, harumque effectus diligenter & sigillatim esse attendendos ipsa dicat res, & nos supra^r monuimus. Et sagacissimus
Harveius

^r Vid. Harv. de Mot. Cord. &c. XVII. p. 71.

^r Proœm. §. 6. 7.

Harveius " nos admonitos vult, " quod ali- CAP.
 " quando uberiore copia pertransit sanguis, II.
 " aliquando minore, & sanguinis circuitus
 " quandoque tardius peragitur secundum
 " temperamentum, ætatem, causas externas
 " & internas, & res naturales, & non natu-
 " rales, somnum; quietem, victum, exer-
 " citia, animi pathemata & similia."

P R O P. VIII.

*Fluida circulantia in ipsorum per si-
 milium animalium vasa trajectu si-
 militer impediuntur.*

LIQUORES animalium circulantes haud-
 quaquam fluunt per tota sua vasculosa syste-
 mata integris viribus, quas primis ipsorum
 motoribus, cordibus scilicet, acceptas refe-
 runt: sed ex impedimentis assiduís in illo-
 rum progressu occurrentibus longe maximam
 istarum virium partem ante suum ad corda
 reditum omnino amittunt. Id testatur ar-
 teriosus sanguis longe majore impetu, qua
 data porta ruens, quam placatior sociarum
 venarum sanguis. Sed in *similibus anima-
 libus*, ut conservetur partium omnium &
 operationum similitudo, manifestum est cir-
 culantium

CAP. culantium fluidorum velocitates, &c. tam
 II. amissas, quam adhuc vigentes, in correspon-
 dentibus illorum partibus aut vasis constan-
 tem necessario servare debere ad se mutuo-
 rationem. Unde patet propositum.

LEMMA I.

*Velocitates liquorum æquabiliter per
 quascunque canalium sectiones vel
 orificia fluentium sunt ut illorum
 quantitates dato tempore transflu-
 entes ad ipsas sectiones applicatæ.*

QUANDOQUIDEM, nisi necessitate co-
 acti, ea quæ peregerunt alii, repetere non sit
 animus, sufficiat indicare hocce theorema
 ex vulgaribus hydraulicorum principiis fa-
 cile deduci.

PROP. IX.

*Celeritates sanguinis fluentis per par-
 tes, vasorum sectiones vel orificia
 correspondentia similium animalium
 sunt in horum ponderum ratione
 subtriplicata.*

Sanguinis velocitates, $A^{\frac{1}{3}} \dots a^{\frac{1}{3}} :: S^{\frac{1}{2}} \dots s^{\frac{1}{2}} :: D \dots d$.

QUAN-

QUANTITATES enim sanguinis per il- CAP. II.
lorum animalium partes, vel vasorum sec-
tiones quasvis homologas dato tempore flu-

entes sunt ^w ut $(A \dots a)$ ipsorum animalium moles; cum interim illæ sectiones sint ^x ut $(A^{\frac{2}{3}} \dots a^{\frac{2}{3}})$ in illorum molium ratione subsefquuplicata. Ergo *celeritates sanguinis* per correspondentes partes, vasorum orificia vel sectiones *similium animalium* fluentis, existentes ^y ut illæ quantitates ad has sectiones applicatæ, sunt ut $\frac{A}{A^{\frac{2}{3}}} \dots \frac{a}{a^{\frac{2}{3}}} :: A^{\frac{1}{3}} \dots a^{\frac{1}{3}}$ in magnitudinum ipsorum animalium ratione subtriplicata. Q. E. D.

Coroll. HINC solvitur problema non contemnendi usus & elegantiae in physico-anatomicis; cujus defectu tam enormiter errarunt scriptores in suis diversorum animalium comparationibus, atque ratiociniis; dum ex aliqua, vel ope scientiae, vel experimenti, jam explorata unius animalis affectione, similem in alio animali proprietatem investigare conantur. Problema autem tale est.

Data celeritate sanguinis in quacunque parte cujusvis animalis, invenire ejus

ejus celeritatem in correspondente parte alterius priori similis, suppositi nempe ejusdem cum illo structuræ & fabricæ, magnitudine tamen utcunque diversæ.

Hujus solutio ex propositione patet. Nam posita V tanquam cognita sanguinis *velocitate* in data parte noti animalis cujus magnitudo A , tum v quæsitæ *velocitas* in correspondente parte alterius animalis ei priori similis, facile innotescit. Est enim

$$A^{\frac{1}{3}} \dots a^{\frac{1}{3}} :: V \dots v. \quad \text{Unde } v = \frac{V \times a^{\frac{1}{3}}}{A^{\frac{1}{3}}}.$$

Q. E. I.

Schol. I. IN diversorum animalium comparisonem caste cauteque ratiocinandum esse cum ipsa ratio tum aliorum hallucinationes satis aperte nos commonent. Male intellectis diversorum animalium periodis motibusque sanguinis innititur doctrina de differentia caloris & frigoris in hominibus diversorum sexuum, ætatum & magnitudinum, quæ traditur in *Elementis Medicinæ physico-mathematicis* Pitcarnii nomine insignitis. Illic quippe asseritur ² universaliter, cæteris paribus, homines breviores staturæ procerioribus

² Elem. Medic. I, 3. §. 14. 15. 19. 20.

oribus esse magis calidos ; atque propterea C A P. II.
mulieres (maximam partem utpote minores) }
viris, pariterque puerulos præ adultis, esse
calidiores. Idque quoniam, secundum auc-
toris non veras hypotheses ^a, calor in qua-
cunque animalis parte fit *ut illius velocitas*
& vicinia cordis conjunctim. Cujus utri-
usque conditionis ratione minora animalia
majoribus præcellere statuit ; & propterea
illorum quam horum correspondentes partes
calidiores existere.

SED in tota hac ratiocinatione *eadem* in
omnibus *assumpta cordis contractione*, dif-
ferentiæ virium & impulsuum cordium ani-
mantium mole differentium, & hinc ortæ
variæ sanguinis velocitates in respondentibus
eorum partibus, haudquaquam considerantur,
prout in similibus supputationibus accurate
considerari debent. Hisce enim omnibus
rite pensitatis facile percipimus ^b celeritatem
sanguinis minorum animalium non æquare,
nedum excedere celeritatem in similibus par-
tibus majorum animalium, secus longe quam
existimasse videtur Pitcarnius ; siquidem illa
vere Pitcarnii sint. Magni quippe hujus viri
manes jure postulare videntur, ut notemus,
quod, licet nonnulla in posthumo isto opere
vivacem

^a Ibid. I, 4. §. 4. 5. 6. 7.

^b Prop. 9.

C A P. vivacem auctoris ingenii subtilitatem redole-

II. ant, quicunque tamen errores per illud occurrunt haud jure illi sint imputandi, aut tanquam ejus genuina cogitata censendi. Quum scilicet confarcinatus fuerit mutilus iste liber ex ejus prælectionibus, dum medicinam Leidæ doceret, a quibusdam suis discipulis, corrente & sæpe errante calamo conscriptis; ac tandem ipso mortuo sine ejus vel permisso vel consilio in lucem protrusus. A qua injuria frustra sibi præcaveri voluit. Quamobrem istam de velocitate & calore sanguinis animalium opinionem non memorare, nedum confutare voluisssem, nisi quod eadem hypothesis semel atque iterum in illo libro repetita, & quasi serio inculcata, in causâ sit, quod multi olim cum primum proponebatur, & nonnulli adhuc cæco animo acquiescerent in eadem ratiocinatione, auctoritati immortalis Pitcarnii nominis soli innixa. Sed de comparato *animalium magnitudine differentium* calore, alias fusius agendum.

Schol. 2. SI quandocunque experimenta in brutis facta corpori humano applicare vo-
lueris, id caute & subactò judico fieri debere
nullus

• Diff. de Circ. Sang. in genit. &c. §. 16.

nullus inficiabitur. Contra quam tamen regulam multiplici ratione peccasse curiosissimum Levenhoekium fatendum est; cum supponat^d in cunctis omnino corporis nostri vasis, five minoribus five majoribus, sanguinem decurrere velocitate tantum ea, qua corpus quoddam describere possit dig. 288 in una hora, five dig. $4\frac{4}{5}$ unius minuti primi temporis spatio. Idque quoniam hanc invenerat celeritatem sanguinis per pellucida quædam anguillæ vasa repentis.

SED præter diminutam sanguinis cujuscunque animalis velocitatem in minutioribus vasis a Colio^e aliisque animadversam, & a Keilio^f fuse demonstratam, quicquid contra redarguat Levenhoekius; atque præter específicas hominis & anguillæ differentias; præter hæc, inquam, a Verheyenio^g quoque animadversa, in præsentī notanda præcipue venit varia utriusque magnitudo. In cujus saltem ratione subtriplicata major censenda venit velocitas sanguinis corporis humani, quam respondens velocitas sanguinis anguillæ, etiamsi illa sibi mutuo *similia* concedamus. Atque ita si corpus humanum millies tantum


^d Arcan. Nat. Detect. Epist. 67. p. 196.

^e De Secret. Animal. VII. p. 56. &c.

^f Tentam. II. p. 42. &c.

^g Suppl. Anat. IV, 4. p. 269.

C A P. tantum superare dicatur pondus anguillulæ

II.  Levenhoekianæ, tum sanguinem ($^3\sqrt{1000^h}$) decies celerius movere agnoscendum est per partem quamcunque nostri corporis, quam per correspondentem istius animalculi particulam. Ex quibus omnes Levenhoekii computationes de velocitate, & temporibus circulationis sanguinis in diversis corporis humani locis, microscopico experimento in anguilla facto innitentes, non magni videntur esse usus, subductoque suo, quod falsum ostendimus, fundamento facile corruunt.

LEMMA 2.

Seposita consideratione resistentiæ aëris, altitudines, atque etiam distantiae ad quas, in data ad horizontem inclinatione, projici possunt corpora, sunt in initialium celeritatum, item & temporum motus, ratione duplicata.

VIDE Galil. Discors. Meccan. &c. III De Mot. Accel. Pr. 2. Prop. 23. Schol. IV De Mot. project. Prop. 5. Borell. de Vi Percuss. Prop. 115. 116. 117.

P R O P.

^h Prop. 9.

C A P. similibus *similium animalium* vasis profilientis, existentes ut $(A^{\frac{2}{3}} \dots a^{\frac{2}{3}})$ energeticarum celeritatum quadrata, esse in magnitudinum animalium $(A \dots a)$ ratione subsestuplicata. Q. E. D.

Schol. INGENIOSISSIMUS Keillius¹ experimento facto tradit se invenisse sanguinem ex arteria iliaca canis incisa profilire eo impetu, quo sursum converso perpendiculariter ascendere potuisset ad altitudinem dig. $11\frac{1}{2}$ sive, nonnihil tribuendo resistentiæ aëris, &c. dig. 13. Si ergo istum canem sextuplo fuisse minorem homine mediocris staturæ, quam esse proportionem horum cordium statuit ipse Keillius, itemque hæc animalia *similia* supponantur, tum altitudo ad quam ex iliaca humana projici potest sanguis, secundum nostræ propositionis regulam calculo facto, æqualis prodit dig. $13 \times 6^{\frac{2}{3}} = \text{dig. } 43.$

SED nescio quo pacto experimentum istud Keillianum exhibet vim & velocitatem sanguinis justo longe minores, siquidem cum similibus aliorum tentamentis conferatur. Ego quidem experimento satis accurate facto in cane, Keillii canem magnitudine non multum

¹ Tentam. III. p. 56. 57.

multum superante, ex sanguine & horizontaliter projecto, & cum angulo inclinationis supra horizontem semirecto, comperi altitudinem, velocitatis sanguinis effluentis generatricem, ista, ex calculo Keilliano elicitâ, altitudine plus duplo majorem. Quapropter in homine sanguis ex crurali arteria vulnerata ascenderet fortasse ad altitudinem digitorum quasi 100: non multum differentem a calculo Baglivianis experimentis innixo.

Hic^m quippe apertis arteriis cruralibus duorum molossorum canum invenit sanguinem magno cum impetu exsurgentem conficere arcum altitudinis quatuor aut quinque palmorum circiter, ac proinde sanguis perpendiculariter projectus ad altitudinem quinque aut sex palmorum sive dig. 50 ascenderet. Unde ponendo hosce canes triplo fuisse minores corpore humano, sanguis ex arteria hominis crurali ascenderet ad altitudinem $\text{dig. } 50 \times 3^{\frac{2}{3}} = \text{dig. } 104.$

SED veras altitudines ad quas vi cordis sanguis ex cruralibus perumpens canum arteriis sursum trudi queat, longe majores invenit Halesius, huic rei indagandæ aptissima usus methòdo. ⁿ In cane quippe minore ad

D 2

dig.

^m Specim. de Fibr. Motr. I, 5. p. 289.

ⁿ Veget. Stat. Exp. 36. p. 115.

C A P. dig. 78, in majore vero Hispaniense cane ad

II. dig. 84 sursum per tubum vitreum adigi
 sanguinem comperit. Quare dicendum est
 cruorem ex iliaca salientem arteria in modo
 memoratis Keillii, &c. experimentis non
 egressum fuisse tota vi quam cordi accep-
 tam retulit, ex hujus sinistro thalamo erum-
 pens. Unde supponendo majorem illum
 Halefii canem triplo fuisse homine minorem,
 aut ratione generalis circuitus sanguinis ei si-
 milem, tum altitudo, ad quam cor nostrum
 adigere possit sanguinem, prodiret $\text{dig. } 78 \times 3^{\frac{2}{3}} = 175 \text{ q. p.}$

SUSPICOR tamen cor humanum, canino,
 aliarumque quarundem bestiarum cordibus
 utplurimum flaccidius, sanguini ad tam gran-
 dem altitudinem, quæ ex hac canis compara-
 tione eruitur, adigendo impar omnino exi-
 stere. Et certe Halefii experimenta ° de qui-
 busdam aliis animalibus, canes magnitudine
 multum superantibus, *similium animalium*
 regulis parum congruunt. Nam maximus
 ascensus sanguinis ab equino corde in tubum
 vitreum impacti inventus fuit dig. 99 : ex
 alterius equi arteria ascendit ad dig. 105,
 atque ex cerva ad digitos tantum 67. Quid
 si tamen conjectare liceat equos, in quibus
 sua

sua instituit experimenta, senecta aut morbo inutiles decrepitosque fuisse, atque sic parum vel viribus, vel prætio valentes? Timidamque cervam propellendo sanguini cum consueta sua vi ex pavore imparem fuisse redditam? Atque, quoniam in talibus diversorum animalium comparationibus variæ omnes conditiones diligenter sunt attendendæ, videas an non cor cervæ laxius flaccidiusque sit, & propterea debilius firmis, compactisque cordibus caninis. Id eo majore cum ratione augurare posse mihi videor, quod naturalium rerum scriptores^p proderint, cor secundum varias atque varias ipsorum animalium îndoles, variam sortiri naturam & constitutionem: cor scilicet magis feris, sive (ut ait Plinius) magis brutis audacibusque bestiis durum contingere, spissum & contractius; esse contra grandius, mollius, flaccidiusque magis delicatis, pavidisque animantibus, atque maximum proinde proportionem muribus, lepori, asino, cervo, pantheræ, mustelis, hyenis, & omnibus timidis, aut propter metum maleficis.

Additamentum. ATQUE hæ jam olim factæ nostræ conjecturæ tam de cervis quam

D 3

de

^p Aristot. de Part. Anim. III, 4. Plin. Histor. Nat. XI, 37.

CAP. de Halesii equis, ex posterioribus ejus experimentis nuper editis veræ deprehenduntur.

II.

^a In cerva quippe ob pavorem animalis impossibile fuit dinumerare tremulos arteriarum pulsus. Ejusque cor laxum admodum ad capacitatem fere cordis equini facile distendebatur^r. Atque ipse nos certiores facit^f equos, quos hisce experimentis adhibuit, morbo redditos fuisse prorsus inutiles, & propterea morti damnatos. Et videmus parvulum & senio confectum canem p. 42. N. 10. sanguinem ad digitos duntaxat 18 sursum propellere valuisse: dum alter haud tantæ molis (Ibid. N. 4.) illum ad altitudinem dig. 39, adigebat: ac canem N. 2. quamvis æqualem cani N. 13. atque & corporis pondere & cordis capacitare duplo majorem alio cane N. 4, & aorta multo ampliore potitum, tamen sanguini pellendo longe imbecilliolem. Quare non mirandum experimenta Halesiana etiam sibi mutuo non convenientia, nostris regulis haudquaquam congruere. Variæ animalium ætates & nonnullæ aliæ conditiones nimis fuere neglectæ. Et præterea animalium pondera ipsa animalia haud satis accurate distinguunt, nisi ipsos æque obesos supponamus.

^a Hæmastat. Exp. 6. p. 31.

^f Ibid. Exp. 3. p. 13.

^r Ibid. p. 29.

ponamus. Et videmus ventriculorum cordis capacitates, si modo ex intrusa cera recte fuere dimensæ, istis ponderibus non fatis accurate respondisse: Neque aortarum orificiis consentiunt. Nec mirum. Nam imbecilliores canes laxiores prodere cordis caveas jure expectabis.

ET sane quando quæstio fit de circulationis viribus, præter alias conditiones non negligendas, videtur maxime nobis attendenda moles carnosæ cordis, cujus vi in orbem protruditur sanguis, & amplitudines canalium per quos perpetim urgetur. Nam adeps & ceteræ corporis inertes partes, per quas vix celebratur circulatio, parum nos morari debent. Ut, si obesam caniculam cum macilento sed sano cane ejusdem fortasse ponderis & ætatis conferamus, attendendæ præcipue veniant veræ moles cordis, atque vasorum caveæ per quas circulatio peragitur. Longe magis in conferendis specie diversis animalibus abjiciendæ sunt magnæ ingestorum moles, quæ in primis viis hærentes inertæ sua mole pondus multum augment corporis in omnibus bestiis quæ herbis victitant; & ruminantibus præsertim animalibus, ratione eorum animantium, quæ, perfectioribus vescentia alimentis, ventricu-

CAP. lum atque intestina & longitudine & amplitudine minora fortiuntur, & minus infarcta.

II.

ATTAMEN patet Halefii experimenta, quamvis primo adspectu nostris regulis multum contraria, his utcunque conciliari posse. Supponamus Halefii canem qui N. 14. prostat, mediocris fuisse ætatis, habitus & constitutionis, atque calculo videbimus reliquos eas fere habuisse vires in altum projiciendi sanguinis, quæ ex nostra eliciuntur theoria, variæ eorum obesitati (& præterea iis, quos vegetiores supponimus, paullulum ultra altitudinem a nobis constitutam sanguinem adigentibus) nonnihil tribuendo, dum contra alii, vel ægritudine, vel senio, vel forte & naturali temperie debiliores, illum non valuerunt debetis viribus impellere.

Canes juxta Halesii nu- meros. p.42.	Animalium Pondera Libr. Averd.	Altitud. fan- guinis per experimenta. Digit.	Altitudines fan- guinis per the- oriam. Digit.	Differentiæ.
1	52	80	84'5	— $\frac{1}{19}$
2	24	32	50'5	— $\frac{1}{3}$
3	18	56	41'7	— $\frac{1}{3}$
4	12 $\frac{1}{2}$	39	32'7	+ $\frac{1}{5}$
7	43	80	74 $\frac{1}{2}$	+ $\frac{1}{13}$
10	15	18	36'9	— $\frac{1}{2}$
11	37	57	67'4	— $\frac{1}{7}$
12	36	79	66'2	+ $\frac{1}{5}$
13	24	59	50'5	+ $\frac{1}{6}$
14	37 $\frac{1}{2}$	68	68	0
17	19	62	43'2	+ $\frac{1}{2}$
18	35	55	64'9	— $\frac{1}{7}$
19	32	47	61'2	— $\frac{1}{4}$
20	23	58	49'1	+ $\frac{1}{6}$
Homo medi- ocris staturæ.	128	* * *	154'9	* * *

LEMMA 3.

Si mobilia temporibus æqualibus motu æquabili quæcunque pertranseant spatia, erunt ipsa spatia ut velocitates. Et si spatia sint ut velocitates, erunt tempora lationum æqualia.

HÆC propositio est fere theor. 2. Tractatus Galilæi de *motu Aequabili*, in *Discors. Meccan.* &c. Dialog. III. p. 574.

P R O P.

*Liquores per vasa similium animalium
commeantes transeunt per homolo-
gas vias vel distantias in eodem
tempore.*

QUONIAM sanguis in progressu ejus a corde non movetur æquabiliter, sed perpetim in arteriis retardatur; atque, ob similes quasdam rationes, in venis ad cor rediens acceleratur; ponamus vasorum *similium animalium* correspondentes distantias in infinitas sed numero æquales minores, totis tamen semper proportionales dividi. In quibus propterea singulis minutulis distantibus velocitatem sanguinis ab initio cujuscunque ad ipsius finem spectare liceat tanquam uniformem. At istæ distantiolæ similiter positæ^t, item velocitates sanguinis per eas transeuntis^u, sunt ambæ in data, subtriplicata nempe, magnitudinum animalium ratione. Et proinde^w sanguis per hæc distantias, in *similibus animalibus* similiter positas, decurrit temporibus æqualibus, vel eodem tempore. Sed quæcunque, utut magnæ, homologæ vasorum istorum *animalium* distantia

ex

^t Prop. 2.^u Prop. 9.^w Lem. 3.


ex æquali illarum distantiarum, in eodem CAP.
tempore descriptarum, numero constare sup- II.
ponuntur. Ergo sanguis per eas quoque
maiores distantias transit in æquali numero
temporum æqualium, id est eodem vel æ-
quali tempore. Q. E. D.

Coroll. 1. HINC in similibus animalibus tempora lationum vel circulationum sanguinis ab ipsorum cordibus per correspondentia vasa vel vias ad corda iterum redeuntis sunt æqualia.

Coroll. 2. HINC quoque sequitur medicamenta, per ipsorum cum sanguine misturam & circulationem operantia, similibus animalibus idoneis dosibus adplicata, per homologas vias cum sanguine progredi, atque producere debitos effectus in eodem tempore. De idoneis autem istis medicamentorum dosibus differendi commodior postea dabitur locus.

Coroll. 3. QUÆCUNQUE supponatur causa proxima, vel ipsa natura febrium periodicarum, aliorumque morborum statis temporis intervallis redeuntium, ex hac doctrina rationem reddere possumus, quare hi
qui

C A P. qui sunt ejusdem, ut ita loquar, genii & constitutionis, iisdem symptomatibus se pro-

II.  dentes, iisdem quoque statibus temporibus in hominibus, vel procerioris vel contractioris staturæ regulariter redeant, nisi ab accedente aliquo extrinsecus adveniente ordo naturæ perturbetur.

Coroll. 4. Ex hisce quoque principiis, & penitiorum humorum nostri corporis consideratione intelligere datur, qua ratione, secundum curatas probatissimorum auctorum observationes, plerique regulares epidemici morbi datæ speciei in cunctis fere ægris, nec aliis præter illos morbis, nec incongrua medendi methodo vexatis, in iisdem fere definitis temporis spatiis diversa sua stadia decurrant, & simul integri ipsorum morborum decursus statibus temporibus plerumque absolvantur, modo negotium naturæ permiseris. Quæ benigna natura in multis morbis opus suum suo tempore exequitur, materiamque morborum debito ordine ac via tum secernit, tum etiam expellit, ut nostra ope, nostris artificiis atque auxiliis non indigeat, suis viribus optime instructa, suis opibus locuples, suo denique ingenio satis edocta.

DE hisce & similibus morborum phænomenis, stadiis & periodis præter Hippocratem & Galenum, aliosque quos ex eorum monumentis sua compilasse commentaria suspicari forte poteris, multi supersunt alii fide dignissimi scriptores, quorum observationum syllogen alias proponemus.

C A P.
II.

Schol. VIDEAS etiam an non ex mechanicis hisce legibus, si præsertim in subsidium advocaveris chemicas quasdam observationes & principia, aliqualis lux inferri queat adhuc haud satis explicatæ, & propterea a multis temere nimis rejectæ, doctrinæ Hippocraticæ de morborum febrilium *crisibus* & *periodis*; quam longa & diligenti observationum serie stabilivit sagacissimus ejus auctor, in praxi simplicissimus, atque perraro hypothesium sectator. Atque cum plurimæ morborum historiæ ab accuratioribus quibusque apud alias gentes, aliisque temporibus notatæ, & præsertim hoc quasi nostro seculo, & hisce regionibus a candidissimo Sydenhamo descriptæ, adeo consentientes videantur antiquis medicinalibus Coorum observationibus, dixeris forte tibi, pristinam doctrinam amplexanti, a recentioribus quibusdam Asclepiadis

C A P. clepiadis^x æmulis, qui nasutiores videri vo-
 II. lunt, frustra objici diversitatem climatum &
 diversitatem temperamentorum particularum
 humani corporis, “quo minus certo aut le-
 gitimo tempore ægritudines solvantur; aut
 iidem dies apud nos *critici* sint; qui Hip-
 pocrati & Galeno fuerunt.”

ET si quando pro veterum *criseon* doc-
 trina penitus convellenda ad experientiam
 procovaverint Hippocraticorum dogmatum
 contemptores^z, scio te, si ab antiquorum
 partibus stare volueris, continuo regeſtuum
 hodiernorum experientiam parum in hacce
 valere cauſſa. Quam utique argueres ſe-
 cundum varias variorum hypotheſes in-
 ſtitutam, inconstantem, forte malefidam,
 mille caſibus obnoxiam, incongruis deni-
 que medelis turbatam. Simplicem enim
 illam Hippocratis medendi methodum, na-
 turæ tantum miniſtrantem, non imperan-
 tem adſpernantes, conſilium & molimen ip-
 ſius, morbum ad *Criſin* debito tempore ut-
 plurimum perducturæ, gnaviter interdum fruſ-
 tramur inutili noſtra ope, & ingrata medi-
 camentorum

^x Vid. Celf. Medic. III, 4. p. 121. Cœl. Aurelian.
 Acut. Morb. I, 14. §. 109.

^y Pitcarn. Elem. Medic. I, 7. §. 3.

^z Pitcarn. Ibid. §. 4.

camentorum farragine^a. Quibus regulares C A P.
 & spontaneas febrium *crises* interturbamus, II.
 contra genium & naturam morbi, pauca
 pharmaca poscentis, si Hippocraticis oraculis
 fidem habere voluerimus. Cujus methodum
 experientia edoctus secutus est sagax Syden-
 hamus. Quos auctores nos quoque imite-
 mur, & forte veridicos comperiemus, si feli-
 citer mederi velimus. Sed tempus est ut eo,
 unde sumus digressi, redeamus. Hæc ad Hip-
 pocratem, ejusque sequaces aliququaliter vin-
 dicandos in præsentī dicta sufficiant.

LEMMA 4.

*Absolutæ seu intendentes vires fluido-
 rum æque densorum sunt in ipsorum
 velocitatum ratione duplicata. At-
 que vires seu momenta integra flui-
 dorum per canalium orificia vel sec-
 tiones fluentium sunt ut ipsorum
 vires intendentes, sive velocitatum
 quadrata, & amplitudines harum
 sectionum conjunctim.*

HANC motus fluidorum legem adproba-
 runt celeberrimi de hisce rebus scriptores
 Mariottus,

^a Vid. Galen. de Dieb. Decret. I, 11. Malpigh.
 Oper. Posth. p. 80. Bagliv. Prax. Med. II, 12. Mead
 de Imper. Solis, &c. p. 59.

CAP. Mariottus, Varignonius, Hermannus, &c. ast

II. haud adeo veris certisve rationibus innixi.

Eam autem ex veris principiis simplicissimo deductam ratiocinio alias fortasse opportunius confirmatam dabimus.

P R O P. XII.

Absolutæ vires circulantium fluidorum in respondentibus similium animalium vasis sunt in magnitudinum animalium ratione subsestuplicata.

Sanguinis vires absolutæ, $A^{\frac{2}{3}} \dots a^{\frac{2}{3}} :: S \dots s :: D^2 \dots d^2$.

VELOCITATES sanguinis in correspondentibus *similium animalium* vasis ^b sunt (ut $A^{\frac{1}{3}} \dots a^{\frac{1}{3}}$) in magnitudinum eorum (A, a) ratione subtriplicata: ergo ejus *absolutæ vires*, existentes ^c ut harum velocitatum quadrata ($A^{\frac{2}{3}} \dots a^{\frac{2}{3}}$) sunt in subsestuplicata ratione magnitudinum ipsorum animalium.
Q. E. D.

P R O P. XIII.

In similibus animalibus momenta integra sanguinis per similes sectiones vel orificia correspondentium vasorum fluentis sunt in sestitriplicata molium eorum ratione.

Sanguinis momenta, $A^{\frac{4}{3}} \dots a^{\frac{4}{3}} :: S^2 \dots s^2 :: D^4 \dots d^4$.

ABSOLUTÆ

^b Prop. 9.

^c Lem. 4.

ABSOLUTÆ vires sanguinis per corre- CAP.
spondentes sectiones vel orificia vasorum II.

similium animalium transfluentis^d, item istarum sectionum vel orificiorum amplitudines^e, sunt ambæ ut $(A^{\frac{2}{3}} .. a^{\frac{2}{3}})$ in magnitudinum animalium (A, a,) ratione subsesquuplicata. Unde illius *integræ vires* seu *momenta*, quum sint^f in harum duarum ratione composita, erunt (ut $A^{\frac{2}{3}} \times A^{\frac{2}{3}} .. a^{\frac{2}{3}} \times a^{\frac{2}{3}} :: A^{\frac{4}{3}} .. a^{\frac{4}{3}}$) in ponderum animalium ratione sesquitriplicata. Q. E. D.

RATIONEM *sesquitriplicatam* cum Caravaggio appellamus eam quæ est subtriplicatæ quadruplicata, quamque alii *sesquiter-tiam* dicerent.

Coroll. VIREs ergo; quibus sanguis per aortas *similium animalium* ab ipsorum cordibus projicitur, sunt in eadem magnitudinum animalium sesquitriplicata ratione; sive ut quadrato-quadrata latitudinum horum vasorum.

Schol. Si hæc *similium animalium* leges perspexisset eruditissimus Ja. Keillius, in suo de *vi cordis* examine^g, non posuisset mo-
E *menta*


^d Prop. 12.

^e Prop. 4.

^f Lem. 4.

^g Tentam. III. p. 57.

CAP. *menta* sanguinis in arteriis aortis hominis

II.  atque canis esse cordium illorum ponderibus proportionalia. Cum hic demonstratum habeamus esse ea *momenta* in istorum ponderum ratione sesquitriplicata, si modo hominem atque canem *similia* esse animalia supponamus. Qualia licet minime sint, & quamvis fortasse vix in tota rerum natura bina reperiantur animantia perfectissime similia, attamen in comparandis phænomenis cujusvis animalis cum proprietatibus vel phænomenis, quæ in alio quolibet animali, eandem præparationem passo, nobis exhiberi deberent, ista tanquam *similia* censenda sunt animalia (idem etiam asserente Keillio) usque dum assignare queamus fabricæ differentias, quæ dicta phænomena a similibus animalium regulis deflectere facerent.

LEMMA 5.

Fluidorum in suis per canales motibus similiter impeditorum pressuræ absolutæ vel intendentes in continentium canalium latera sequuntur rationem suarum virium absolutarum, vel quadratorum velocitatum. Atque eorum pressiones integræ in datas parietum continentium canalium portiones

portiones sunt in ratione composita CAP.
istarum pressio- num absolutarum, & II.
magnitudinum portionum in quas
niti supponuntur istæ pressiones.

HUJUS demonstratio petenda est ex Hy-
 grologicis: quam ergo fusius alias exponemus:

P R O P. XIV.

*Sanguinis intendentes pressiones in la-
 tera correspondentium vasorum fi-
 milium animalium sunt in horum
 molium ratione subsesquuplicata.*

Sanguinis intensivæ pressiones, $A^{\frac{2}{3}} \dots a^{\frac{2}{3}} :: S \dots s :: D^2 \dots d^2$.

QUONIAM nimirum in ista sunt ^h ratione
 sanguinis per ista vasa lati absolutæ vires;
 quarum rationem istæ sequuntur *pressiones*ⁱ.

Q. E. D.

P R O P. XV.

*Pressiones integræ sanguinis in homo-
 logas portiones parietum vasorum
 correspondentium similibus animalium
 sunt in magnitudinum horum
 ratione sesquitriplicata.*


Sanguinis integræ pressiones, &c. $A^{\frac{4}{3}} \dots a^{\frac{4}{3}} :: S^2 \dots s^2 ::$
 $D^4 \dots d^4$.

E 2

SAN-

^h Prop. 12.

ⁱ Lem. 5.

CAP. SANGUINIS *intendentes pressiones* in
 II.  similes & similiter positas portiones parietum horum correspondentium vasorum ¹, tum ipsæ illæ homologæ portiones ^m, sunt ambæ (ut $A^{\frac{2}{3}} \dots a^{\frac{2}{3}}$) in magnitudinum *similium animalium* (A, a) ratione subsefquipli-
 cata. Quare *pressiones integræ* in has vasorum portiones, existentes ut istæ intensivæ pressiones, & ipsæ hæ portiones conjunctim ⁿ, sunt ut $A^{\frac{2}{3}} \times A^{\frac{2}{3}} \dots a^{\frac{2}{3}} \times a^{\frac{2}{3}} :: A^{\frac{4}{3}} \dots a^{\frac{4}{3}}$ in ponderum, seu magnitudinum animalium ratione sefquitriplicata. Q.E.D.

Coroll. 1. Vis ergo qua sanguis e corde pulsus premit cavi cordis comprimentis latera, sequitur rationem ejus ponderis sefquitriplicatam. Unde ex æqualitate actionis & reactionis sequitur *vires compressivas cordium* in sanguinem contentum esse quoque cæteris paribus in dicta ipsorum molium ratione; sive ut superficierum suarum cavitarum quadrata.

Coroll. 2. EADEM quoque est ratio virium comprimentium similium fibrarum circularium, quæ cava arteriarum ambientes, sanguinem comprimunt, atque systole, seu contractione

¹ Prop. 14.

^m Prop. 3.

ⁿ Lem. 5.

contractione sua illum ulterius trudent; CAP.
nempe sesquitriplicata magnitudinum cor- II.
dium; sive longitudinum dictarum fibrarum
quadruplicata ratio.

Schol. MAGNUS ille Laurentius Bellinus^o perhibet se in sua de *motu cordis atque sanguinis* doctrina monstrasse facultatem agentem liquida in corpus seminis ab initio generationis & intra uterum, ad facultatem agentem liquida in corpus hominis post generationem & extra uterum, & in totam suam magnitudinem deductum; item vim qua resistit corpusculum illud trusioni liquorum per seipsum, ad vim qua resistit corpus hoc, habere proportionem incredibili parvitate minorem, quam exigua illius magnitudo ad prægrandem hujus molem.

NON adhuc contigit, &, proh dolor! nunquam forte continget nos compotes fore divini hujus viri operum non adhuc luci datorum, æternis tamen tenebris minime dignorum, quæ sane, uti ait Pitcarnius^p, lucem inferrent nobis & diem, quæque non perisse multum medicinæ interfuit. Hujus tamen propositionis demonstrationem invenies,

E 3

fi

^o Opusc. ad Pitcarn. V. p. 24.

^p Epist. ad Bellin.

CAP. si serio mediteris de motibus & viribus fluidorum animalium, & de impedimentis quæ
 II. hisce fluidis per vasa latis obviam fiunt; atque simul contemplari velis admirandam naturam incrementi molis corporis, incrementum item motuum viriumque fluidorum per illud vi actorum, atque augmentum resistentiarum hosce impredientium motus; his, inquam, consideratis, si rerum peritus accedas, percipies te jam incidisse in demonstrationem pulcherrimi illius theorematis Belliniani, & plurium aliarum rerum maximi momenti in scientia naturæ & operationum animalium.

LEMMA 6.

Fluidorum in canalibus conicis vel cylindricis contra renixum motorum vires, quibus illos in sectionibus datis distendere pollent, sunt ut harum sectionum peripheriæ (vel diametri) & fluidorum in canalium latera absolutæ pressiones conjunctim.

Hujus demonstratio facilis est, atque levi negotio deducitur ex hydraulicorum principiis. Vide, si lubet, D. Parent. in Mem. Acad. Sc. 1707. p. 138. Herman. Phoron.

Lib.

Lib. II. Prop. 7. §. 264. 265. 270. Atque CAP.
ibi monstrata proposito usui rite applicentur. II.

P R O P. XVI.

*Vires, quibus similium animalium fluida
motu circulari propulsa distendere
valent sua correspondentia vasa,
sunt ut ipsorum animalium moles.*

Sanguinis vires distendentes, $A \dots a :: S^{\frac{3}{2}} \dots s^{\frac{3}{2}} :: D^3 \dots d^3$.

IN *similibus animalibus* fluidorum circu-
lantium pressiones absolutæ in respondentium
vasorum latera ^q sunt (ut $A^{\frac{2}{3}} \dots a^{\frac{2}{3}}$) in
magnitudinum animalium (A, a) ratione
subsesquuplicata : dum interim similes ho-
rum vasorum peripheriæ & diametri ^r sunt
(ut $A^{\frac{1}{3}} \dots a^{\frac{1}{3}}$) in earundem magnitudinum ra-
tione subtriplicata. Ergo fluidorum motu
circulari propulso *vires* correspon-
dentia vasa *distendentes*, quum sint ^r in ratione
ex binis hisce composita, proveniunt (ut
 $A^{\frac{2}{3}} \times A^{\frac{1}{3}} \dots a^{\frac{2}{3}} \times a^{\frac{1}{3}} :: A \dots a$) ipsorum *simili-
um animalium* molibus proportionales. Q.
E. D.

E 4

P R O P.

^q Prop. 14.

^r Prop. 2.

^r Lem. 6.

Sanguinis in curvis vasorum sanguineorum locis circulantis vires absolutæ centrifugæ sunt in magnitudinum similium animalium ratione subtriplicata.

*Sanguinis absolutæ vires centrifugæ, $A^{\frac{1}{3}} \dots a^{\frac{1}{3}} :: S^{\frac{1}{2}} \dots s^{\frac{1}{2}}$
 $:: D \dots d.$*

PRÆTER exaratum liquorum circulantium pressionem in cunctorum continentium canalium latera, quæ nascitur ex impedito eorundem motu, & ex iis propterea hinc inde quaquaversum nitentibus, superest & alia sanguinis vis incurvis vasorum portionibus propria, nec ab illius pendens resistentiis. Hic quippe in motum actus, aliorum corporum more, recta via tendere nititur, ut, si quando proprii ejusdem canales curvi supponantur, aut quomodocunque inflexi, constet illum vim horum coercentem pati, & propterea in ipsorum occurrentes curvaturas quadam reagere vi, quam *centrifugam* nominare consueverunt. Si autem duo mobilia æqualibus temporibus circumferentias inæquales percurrant, erit vis centrifuga in maiore circumferentia ad eam quæ in minore,

nore, sicut ipsæ inter se circumferentiæ vel earum diametri ^t. CAP. II. { *Æqualibus autem tem-*

poribus similes quasvis vasorum sanguineorum longitudines percurrunt circulantia *similium animalium* fluida ^u; qua ergo de causa *absolutæ vires* sanguinis *centrifugæ*, quoniam sunt ^w ut istæ similes vasorum longitudines, vel curvationum diametri, redduntur in magnitudinum animalium ratione subtriplicata. Q.E.D.

Coroll. I. HÆC itaque proportio exprimit variorum animalium *absolutam vim* sanguinis *centrifugam* in curvatis eorundem vasis. Ast, quoniam in majoribus animalibus majora sunt omnia vasa, eorumque superficies seu parietes in ampliorem molem fusi, in quos hæcce niti queat *centrifuga vis*; in minoribus autem cuncta ista minora sunt, idque (ut $A^{\frac{2}{3}} \dots a^{\frac{2}{3}}$) in magnitudinum ipsorum animalium (A, a,) ratione subsepticuplicata ^x; hinc colligimus *integras centrifugas vires* quibus sanguis rectam affectans viam in vasorum inflexorum convexas curvationes *premit*, vel quibus hæcce convexa sive externa vasorum latera similia *distendere*,

^t Vid. Hugon. de Vi Centrifug. Theor. 1.

^u Prop. 2.

^w Prop. 2.

^x Prop. 3.

CAP. *stendere*, atque *perrumpere* nititur, esse in
 II. composita ratione dictarum absolutarum vi-
 rium & amplitudinum similium parietum
 istas vires sustinentium, id est ut $(A^{\frac{1}{3}} \times A^{\frac{2}{3}} \dots a^{\frac{1}{3}} \times a^{\frac{2}{3}} :: A \dots a)$ ipsorum animantium
 moles.

Coroll. 2. CONVEXÆ ergo hæ inflexo-
 rum vasorum curvationes duplicem patiun-
 tur vim; alteram vim communem disten-
 dentem, quæ æqualiter circumquaque niti-
 tur, alteram centrifugam, in ipsas illas cur-
 vatas partes solummodo agentem.

Schol. SI animalium humores forent per-
 fectissime fluidi, atque decurrant per tubos
 politissimos & accuratissime læves, ut nihil
 patiantur in suis motibus resistantiæ, tum
 equidem progredieretur sanguis liber, nec
 ullo modo impeditus, atque in vasorum
 latera vix premens, nisi quatenus hac cen-
 trifuga vi in convexas inflexorum sangui-
 ferorum canalium curvationes fortius ali-
 quantulum nitatur. Atque in hocce qui-
 dem casu non levis foret momenti confi-
 deratio hujus centrifugæ sanguinis vis in
 corporibus animalium. At, quoniam revera
 omnes nostri humores lenti quodammodo
 sunt,

sunt, & vasa sanguinem vehentia utcunque aspera existunt, hujusque motum impediencia, hinc delati liquores vi magna nituntur undequaque in quorumcunque continentium vasorum latera: ut hisce de causis, & propter tardum sanguinis motum, *vis centrifuga* in curvata vasorum latera exigui, ratione reliquæ pressionis, reddatur momenti, & parvi effectus. Ergo in consideratione pressionis sanguinis in vasorum latera attendenda præcipue venit illa superius exposita *vis*, quæ ex impedito fluidorum progressu nata, in vasis superficiem circumquaque æqualiter diffunditur.

NEQUE tamen *distendentis vis centrifugæ* pressionem in vasorum Curvaturis, ubi præcipue magno fluit impetu sanguis, negligendam prorsus, aut nihili faciendam concludas. *Interna* aut *vera* dicta ancurismata in magna trunci aortæ curvatione longe sæpius occurrentia, quam alibi corporis^z, satis indicant, præter vulgarem ex resistentia anterioris sanguinis *prementem vim*, majorem sive superadditam *distendendi* facultatem a *vi centrifuga* factam, qua velox sanguis insignem

^z Vid. Littre in Mem. Acad. des Scienc. 1712. p. 108. Morgagn. Advers. Anat. II, 41. p. 81. Freind Hist. Phys. I. p. 198. Douglas of the Periton. p. 27.

CAP. signem istam curvationem dilatare nititur
III. atque perrumpere.

CAPUT TERTIUM.

De vasorum similium animalium firmitate.

LEMMA 7.

*Firmitates sive vires quibus canales seu
tubi ex simili materia conflati re-
sistere valent laterali pressuræ vel
distensionis fluidorum contra renixum
per illos actorum, crassitie ipsorum
parietum sunt proportionales.*

VID. Parent. Mem. Acad. Sc. 1707. p. 141,
&c. Herman Phoron. Lib. II. §. 272—276.
306.

Schol. **R**OEMERUS equidem statuebat
has tuborum *firmitates* duplica-
tam suæ crassitie sequi proportionem; ra-
tionibus tamen parum firmis innixus. Quod
tamen illi supputationi favere videtur prostat
unicum Musschenbroeckii ^a experimentum, cui
experimento atque Roemeri sententiæ innixus
regulas & tabulam exhibet a Parentii & Her-
manni

^a De Cohær. Corp. Firm. p. 665.

manni theoria multum diversas. Utinam C A P.
hanc rem uberius exponere atque experi- III.
mentis illustrare dignatus fuisset diligens &
accuratus ille Muffchenbroeckius. Si tandem
re penitus examinata, verior comperietur
Roemeri calculus, aliquantulum immutan-
dum foret unum atque alterum nostrorum,
quæ proxime sequuntur, theorematum, hinc
tamen parum turbato generali nostro de va-
forum animalium viribus ratiocinio.

P R O P. XVIII.

*Firmitates, quibus similium animalium
correspondentia vasa suorum circu-
lantium fluidorum laterali pressuræ
resistere valent, sunt in magnitudi-
num animalium ratione subtripli-
cata.*

Vasorum firmitates, $A^{\frac{1}{3}} \dots a^{\frac{1}{3}} :: S^{\frac{1}{2}} \dots s^{\frac{1}{2}} :: D \dots d$.

PATET ex prægresso Lem. 7; quum laterum
seu parietum talium vasorum crassities, ut
nimirum rectæ inter similiter posita puncta
ductæ, in ista sit ratione ^b.

Coroll. Ex hac cum Prop. XVI. collata
sequitur vires quibus similium animalium
fluida

^b Prop. 2.

CAP. fluida suorum correspondentium vasorum
 III. latera valent *distendere*, esse in firmitatum
 horum vasorum, quarum ope illorum pressuras sustinere iis datum est, ratione triplicata; prout scilicet A ad $A^{\frac{1}{3}}$ & a ad $a^{\frac{1}{3}}$, id est ut animalium moles ad ipsorum similes diametros, sive radices cubicas.

Schol. SECUNDUM Roemeri regulas istæ vasorum similium animalium *firmitates* forent (ut $A^{\frac{2}{3}} .. a^{\frac{2}{3}} :: S .. s :: D^2 .. d^2$) in suarum magnitudinum ratione subsesquipli-
 cata.

P R O P. XIX.

*Majorum quam minorum similis fabricationis animalium correspondentia vasa ab impetu circulantium fluidorum distentioni & ruptioni magis sunt obnoxia. Atque hoc in magnitudinum horum animalium ratione subsesquipli-
 cata.*

QUUM distendentes vires fluidorum circulantium ponderibus animalium (A, a,) sint proportionales ^c, dum interim tuborum sustinentes firmitates sunt tantum (ut $A^{\frac{1}{3}} .. a^{\frac{1}{3}}$) in horum ponderum ratione subtriplicata;

cata^d ; satis constat majorum animalium vasa, CAP. III.
 præ minorum similibus vasis, ab impetu fluidorum circulantium *distentioni* & *ruptioni* esse magis obnoxia. Atque ista *distentionis* vel *ruptionis* pericula, existentia nempe directe ut vires distendentes fluidorum, atque ut firmitates vasorum inverse, fore (ut $\frac{A}{A^{\frac{1}{3}}} \cdots \frac{a}{a^{\frac{1}{3}}} :: A^{\frac{2}{3}} .. a^{\frac{2}{3}}$) in magnitudinum animalium ratione subsestquuplicata. Q. E. D.

Schol. 1. Ex hisce videtur in *similibus animalibus* tolli æquilibrium inter *vires fluidorum moventium*, & *firmitates continentium vasorum*, quæ fluidorum actionibus per corporis animati mechanicam sunt obnoxia : quum nempe augeantur vires fluidorum in majore ratione, quam firmitates canalium, in quibus motus suos concelebrant ; atque sic animalia minora multo minus obnoxia sint læsioni a liquorum gyantium actionibus inferendæ, quam majora animalia. Quamobrem si verum sit, prout verisimillimum videtur, inter solidorum & fluidorum omnium quorumcumque animalium vires justam & ratam proportionem stabilivisse æquam naturam ; quantum fas est tenui nostræ & imbecillæ

C A P. becillæ mirabilium ejus operum cognitioni,
 III. inquiramus & scrutemur vias Omniscientis
 Geometræ; cujus infinitam in rebus crean-
 dis, & creatis disponendis sapientiam, longe
 longeque a nostra remotam e longinquo tan-
 tum intueri liceat.

N O T U M est ex anatomicis majorum vaso-
 rum corporis animalis latera seu parietes fa-
 bricari ex vasis minoribus, varie inter se con-
 textis & involutis. Quæ rursus minora vasa,
 per analogiam, supponunt physiologi ex aliis
 minoribus vasculis conflari; atque hæc ite-
 rum ex aliis, & sic deinceps per plures gra-
 dus, quorum numerum non novimus, do-
 nec tandem desinat hæc series in vasa mi-
 nima, quorum parietes sint solidi, sive per-
 fecte simplices membranæ, ex ultimis ele-
 mentis conflatae, quarum constitutivam fa-
 bricam nulla subeunt minora vascula. Qui-
 bus ergo positis ex mechanica necessitate
 manifestum putamus per modo demonstrata,
 vel primo, cæteris paribus, integras vasorum
 series numerosiores esse debere in minori-
 bus quam in majoribus animalibus; ita ut
 in his, loco tubulorum qui ultimis & pen-
 ultimis minorum animalium vasculis re-
 spondere deberent, dentur solidi cylindri,
 aut coni, a circulantibus fluidis non permea-
 bilis :

bilis: vel secundo, majorum animalium CAP.
 vascula minima, præ minorum respondentibus III.
 vasis, parietes habere crassiores, quam
 animalium *similitudo* postularct: vel tertio
 denique, majorum ultima solida ex materia
 magis firma & tenaci, quam minorum ani-
 malium solida esse confecta. Quibus nempe
 modis, vel horum uno aut altero, vel saltem
 quodam alio iis persimili firmari queant ma-
 jorum animalium ultima vascula, & proinde
 alia omnia vasa ex iis conflata, cunctas soli-
 das corporis animalis partes constituentia, ut
 fluidorum viribus & impressionibus sustinen-
 dis paria fiant.

Schol. 2. QUANTUM ad comparationem
 animalium *specie* differentium attinet, facile
 est concipere aliqualem fabricæ diversitatem,
 qua majorum vasa æque tuta construi possint,
 ac exigua minorum vascula. Sed in stupendo
 ejusdem animalis incremento a semine ad
 statum adultum, a parvitate vix perceptibili
 ad ingentem molem, quantam pati debent
 mutationem omnia vasa, & ultima inprimis
 componentia vascula, si quidem isto etiam
 in casu locum obtineant modo dicta nostra pro
 firmandis vasis ratiocinia? Hæc autem non
 esse vana ingenii commenta, non fictas de-

CAP. ceptæ imaginationis hypotheses, sed veram
 III. naturæ viam, & verum nostri conditoris opus
 { exprimere, docere videtur accurata rerum
 observatio & curiosum examen.

SEMEN futuri animalis in generatione vix percipimus: nec magnitudo, neque ejus partium cohæsiō in nostros facile incurrit sensus. Atque embryones primum conspicui haud facile a difffluente distinguuntur muco; adeo parum cohærent eorum elementula. Foetus in utero latentes quam molles, & quam fluxiles sunt? neque nascuntur prius quam firmiorem nacti fuerint compagem. Nata animalia quam tenera, quam imbellia primum apparent? indies postea in majorem molem & robur surrectura. Atque ut vasa prompte sustineant impetus fluidorum, & copia & viribus augescentium, observamus animantium solida firmiora, duriora, crassiora, ficciora omni momento reddi, uno verbo, consistentes accrescere particulas in majore, quam fluidas partes, ratione; idque ex lege circuitus humorum, partiumque nutritionis. Quibus nempe ultimæ componentes membranulæ crassescunt, ultima vascula obstruuntur, solidescunt, & parietes firmant vasorum, quibus construendis inserviunt. Unde patet tam ex phænominis, quam ex mechanica necessitate,



cessitate, in adolescenti animali vasorum numerum perpetuo imminutum iri^e; hominemque hac etiam de causa, præter multas alias, pro varia ejus ætate sibi dissimilem reddi.

Schol. 3. QUID ergo dicemus de Keilliana^f nutritionis & incrementi animalium idea; quam propriam quoque fecisse, suosque docuisse discipulos videtur anatomicorum hujus sæculi princeps Morgagnus^g? Qua nimirum statuunt magni hi viri constantem repletionem atque dilatationem vasculorum componentium, & propterea cæterorum omnium vasorum ex hisce contextorum, integro animali alendo, eique augendo, sufficere, absque ulla consistentium particularum accretione, absque solidorum aucta mole aut robore.

HANC tamen ingeniose confictam hypothefin, & quamvis geometricis argumentationibus suffultam atque illustratam, recta ratio convellit, & accurata rerum contemplatio. Quid memorem necessitatem reparationis solidorum ex constanti & perpetuo ipsorum dispendio, quum omni vitæ momento

F 2

ab

^e Vid. Boerh. Inst. Med. §. 467, &c.
Tentam. I. p. 36.

^g Adv. Anat. II, 21. p. 51.

C A P. ab iis excutiantur particulæ abrafæ & deperditæ, cum ex violento humorum motu, tum ex organorum perpetuis fluxionibus, in quibus aliquid mutatur semper atque dissolvitur. Id a medicis passim agnitum, & Malpighio^h clare perspectum, a Bellinoⁱ denique & Boerhaavio^k uberius expositum habemus. Atque de animalium incremento breviter Fernelii^l verbis notamus; “ si quod augetur pristinam soliditatem debet asservare, necesse est hanc nutritione, alimentique appulsu confirmari, ut quod auctum est in ampliorem molem fustum, inde sibi robur firmitatemque conciliet.” Quod accuratius demonstravit Boerus^m noster, &, quæ præsentior est, nostra de *similibus animalibus* doctrina evincit luculentissime. Unde omnimodo patet necessarium esse tam firmas quam fluxiles corporis animalis partes, omni vitæ momento attritas, assiduo quoque renovari debere, in crescentibus animalibus utrasque augeri, sed maxime firmas. Id necessarium docet recta ratio, confirmant rerum phænomena.

Coroll. CÆTERIS paribus animal adulescens circa incrementi ἀκμῇ hæmorrhagiis maxime

^h De Ext. Taët. Org. p. 30.

ⁱ Opusc. ad Pitcarn. p. 206. 256—260.

^k Inst. Med. §. 435. 436. ^l Physiology. V, 3.

^m Epist. ad Pitcarn. p. 207. 208. 209.

maxime est obnoxium; dum scilicet maximo impetu fluit sanguis, priusquam adhuc perfectiore solidorum accretione continentia vasa debitam adquisiverint firmitatem & robur. Hinc ephebis hæmorrhagiæ familiares: atque, opitulantis aliis quibusdam causis, puellis satis adultis, & venter aptis, mensium contingunt eruptiones. Neque multum nostri interest, sive per disrupta vasa, sive per dilatata vasculorum oscula (quod probabilius crediderim,) istæ fiant effluxiones sanguinis.

CAPUT QUARTUM.

*De Membrorum similium animalium
velocitate motus.*

P R O P. XX.

Similes motus correspondentium membrorum similium animalium in iisdem peraguntur temporis spatiis.

HOC necessarium est ut supposita conservetur similitudo situs omnium partium, & circuitus fluidorum.

Coroll. Iisdem ergo temporibus similes sunt gressus similium animalium.

PROP. XXI.

Correspondentia similibum animalium membra, homologis musculorum actionibus mota, describunt spatia, quæ sunt in subtriplicata ponderum animalium ratione.

Ex animalium quippe fabrica, & musculorum motibus, constat ista *spatia similibum animalium* longitudinibus, vel diametris esse proportionalia, & propterea ^a in subtriplicata suorum ponderum ratione. Q.E.D.

Coroll. IN hac ergo sunt etiam ratione similes singuli *gressus similibum animalium*, quæ ope musculorum cruralium similiter agentium incedunt. Prout adpositissime apud Virgilium ^b puer Ascanius sequitur patrem *non passibus æquis*.

PROP. XXII.

Celeritates correspondentium membrorum similibum animalium, similibus musculorum suorum actionibus motorum, sunt in magnitudinum ipsorum animalium ratione subtriplicata.

Membrorum celeritates, $A^{\frac{1}{3}} \dots a^{\frac{1}{3}} :: S^{\frac{1}{2}} \dots s^{\frac{1}{2}} :: D \dots d$.

SPATIA

^a Prop. 2.

^b Æneid. II, 724.

SPATIA a correspondentibus *similium animalium* membris similiter motis descripta^c sunt in eorum ponderum ratione subtriplicata, atque peraguntur iisdem temporibus^d. Si vero mobilia quævis iisdem vel æqualibus temporibus spatia quæcunque pertranseant, erunt illorum velocitates spatiis hisce proportionales^e. Unde *celeritates* membrorum *similium animalium*, similibus musculorum actionibus motorum, sunt ut ipsorum longitudines, seu similes diametri, sive in magnitudinum animalium ratione subtriplicata. Q. E. D.

C A P.
IV.

Coroll. Progressivæ velocitates corporum *similium animalium* gradientium; sive *itinera* eodem tempore ab iis confecta, sunt in eadem ipsorum ponderum ratione subtriplicata, si similibus cruralium musculorum motibus agitentur.

P R O P. XXIII.

Similium saltuum, sub eodem elevationis angulo a similibus animalibus *descriptorum*, altitudines, amplitudinesque

F 4

^c Prop. 21.

^d Prop. 20.

^e Lem. 3.

DE SIMILIBUS

nesque sunt in magnitudinum animalium ratione subsesquuplicata.

$$\text{Saltus, } A^{\frac{2}{3}} \dots a^{\frac{2}{3}} :: S \dots s :: D^2 \dots d^2.$$

ANIMALIA salientia dictos similes *saltus* perficiunt cum velocitatibus initialibus sive energeticis, quæ sunt (ut $A^{\frac{1}{3}} \dots a^{\frac{1}{3}}$) in magnitudinum animalium (A, a) ratione subtriplicata^f. Istæ vero *amplitudines, altitudinesque*, ex natura motus projectorum^g, sunt ut harum energeticarum velocitatum quadrata, & ea propter (ut $A^{\frac{1}{3}} \times A^{\frac{1}{3}} \dots a^{\frac{1}{3}} \times a^{\frac{1}{3}}$:: $A^{\frac{2}{3}} \dots a^{\frac{2}{3}}$) in subsesquuplicata ponderum animalium ratione. Q. E. D.

Coroll. 1. “ANIMALIA ergo minora & minus ponderosa majores saltus efficere respectu sui corporis, si cætera fuerint paria,” verissime dixit Borellus^h: Ejus quamvis demonstrationem perplexam, nec satis evidentem agnoscimus.

Coroll. 2. *Tempora* quibus illi similes perficiuntur *saltus* sunt in subduplicata ratione istarum sive altitudinum sive amplitudinumⁱ, & proinde ut velocitates energeticæ, seu sal-

tutum

^f Prop. 22.

^g Lem. 2.

^h De Mot. Animal. I. Prop. 177:

ⁱ Lem. 2:

tuum generatrices, atque in ratione subtri- CAP.
plicata ponderum *similium animalium*. IV.

Coroll. 3. Itinera quæcunque dato tem-
pore *saltuatim* peracta sunt ut singulorum
saltuum amplitudines temporibus, quibus hi
saltus peraguntur, applicatæ. Unde *itinera*
a similibus *similium animalium* motibus si-

mul peracta sunt (ut $\frac{A^{\frac{1}{2}}}{A^{\frac{1}{3}}} \cdots \frac{a^{\frac{1}{2}}}{a^{\frac{1}{3}}} :: A^{\frac{1}{3}} \cdots a^{\frac{1}{3}}$)
in subtriplicata magnitudinum animalium
(A, a) ratione. Hæc itaque est ratio velo-
citatum incessus similium animalium, five
gressu^k, five saltu iter faciant.

Coroll. 4. SI ergo animalia saltuatim
progredi supponantur, quemadmodum ut
plurimum veloces suos cursus absolvunt qua-
drupeda, tum *similia* hæcce *itinera* dato
tempore peracta paucioribus saltibus confi-
ciunt majora quam minora animalia. Nu-
meri enim saltuum, qui in itineribus faci-
endis impenduntur, sunt ut itinerum inte-
gra spatia ad singulorum saltuum amplitu-
dines applicata. Quo fit ut numeri saltuum
quos in *similibus itineribus* dato tempore
faciendis impendunt *similia animalia* red-
dantur

^k Prop. 22. Cor.

CAP. dantur (ut $A^{\frac{1}{3}} \dots a^{\frac{1}{3}}$) in subtriplicata ponde-
 IV. rum animalium ratione directa ¹, & (ut
 $\frac{1}{A^{\frac{2}{3}}} \dots \frac{1}{a^{\frac{2}{3}}}$) reciproca subsesquuplicata eo-
 rundem ponderum ratione ^m; id est (ut
 $\frac{A^{\frac{1}{3}}}{A^{\frac{2}{3}}} \dots \frac{a^{\frac{1}{3}}}{a^{\frac{2}{3}}} :: A^{\frac{1}{3}} \times a^{\frac{2}{3}} \dots a^{\frac{1}{3}} \times A^{\frac{2}{3}} :: a^{\frac{1}{3}} \dots A^{\frac{1}{3}}$) in
 reciproca subtriplicata ratione ponderum a-
 nimalium. Hinc patet majora animalia præ
 minoribus longe minore saltuum numero
 similia conficere itinera. Q. E. D.

*Coroll. 5. Itinera ab æquali saltuum nu-
 mero confecta sunt ut singulorum saltuum
 amplitudines; ac proinde in subsesquipli-
 cata magnitudinum animalium ratione: fi-
 untque temporibus quæ sunt in subtriplicata
 ratione earundem magnitudinum.*

*Coroll. 6. AST contra in æqualibus spa-
 tiis seu itineribus peragendis numeri sal-
 tuum requisiti sunt in reciproca singulorum
 saltuum, id est in reciproca subsesquuplicata
 magnitudinum animalium ratione. Atque
 tempora æqualibus iis itineribus infumpta
 sunt in reciproca subtriplicata ratione dic-
 tarum magnitudinum.*

Schol.

¹ Cor. 3.

^m Prop. 23.

Schol. SI vero dentur majora animalia C A P.
crassioris, inertiorisque fabricæ, minora con- IV.
tra gracilioris agiliorisque, quod persæpe re-
vera obtinet, tum modo exaratis legibus in

contrarium itur ; hæc minora animalia cele-
rius gradiuntur, agilius, longiusque saliant,
omnesque consimiles operationes facilius
edunt. Unde patet nostra ratiocinia, &
proportiones haud commode adplicari posse
animalibus specie diversis, aut structuræ valde
diversæ. Quibus de causis interdum magis,
interdum minus agilitate differunt animalia,
quam postularet diversa ipsorum magnitudo,
aut *similium animalium* norma. Sic vide-
tur generosus equus celeritate cursus magis
quam proceritate corporis mitem superare
ovem, aut tardigradum asinum. Et similiter

*Quidnam tremulis facere artubus hædi
Consimile in cursu possit, ac fortis equi visⁿ.*

Atque olim Pacuvius ° notaverat caprigeno
pecori *grandiorem esse gressionem* ; id est,
credo, si cum strictioribus incessus ovium
passibus fiat comparatio. Ita ex altera parte
observare est cervos, lepores, & quarundem
specierum canes, æque pernici ferri motu
ac

ⁿ Lucret. III, 7.

° Apud Macrob. Saturn. VI, 5.

C A P. ac ipfos equos ; cunctosque hos celerius

IV. longe currere posse quam bovem, aut elephantem, cæteras quascunque terræ bestias mole, & robore multum superantem.

SED talia, quæ nostris regulis contradicere videntur phænomena, minime procedunt adeo ex parvitate ovis aut asini, & longe minus, ex altera parte, a parva cervi, leporis, canisve mole, respectu equi ; aut equi, cervi, &c. respectu bovis, atque elephantis, quam ex particulari partium omnium horum animalium diversa formatione. Ex agili scilicet canis, cervi, leporisve fabrica, diversa a minus habili structura membrorum equi, & adhuc inertiore forma ovis, bovis, aut asini, atque omnium inertissimi elephantis gigantea figura. Necessitatem cujus differentiae, quantum attinet ad agilitatem minorum animalium respectu majorum, subtiliter habemus excogitaram a divino illo Lynceophilosopho Galilæo^p. Quum eodemonstrante magna animalia, præ minoribus, fiant oportet inertioris, ut ita loquar, constitutionis, ut habeant vires & robur molibus suis quodammodo respondentes : de qua re fusius postea^q. Interea tamen fatendum est, hacce

^p Discors. Meccan. II. p. 559.

^q Prop. 32. Schol. 1. 2.

hacce de caussa agilitatem animalium, tam CAP. V.
 robore quam magnitudine pollentium im-
 maniter diminui. Istud vero provenit ex
 mechanica necessitate naturæ corporum. Et
 quantum ob has vel alias caussas forma sive
 structura differant inter se animalia, cen-
 senda non sunt *similia*, nostrisve *similium*
animalium legibus obnoxia.

CAPUT QUINTUM.

De Muscularibus similium anima- lium viribus.

IN præsentî quæstione solvenda, ad con-
 fusionem evitandam, observare necesse
 est illarum *virium* nullam universalem af-
 signari posse regulam: illæ quum sint reapse
 diversæ, & propterea variis modis confide-
 randæ, secundum varios nimirum actiones
 musculares applicandi modos.

PRIMO enim datur *vis* musculorum *ab-*
soluta seu *contractoria*, qua nimirum con-
 trahi supponuntur, & suos fines sibi mutuo
 propius adducere. Secundum hujus contrac-
 tionis conatum æstimandæ sunt *vires* anima-
 lium *nitentes* dicendæ; in quibus nempe
 membrum, per musculorum actionem in cer-

C A P. to situ & directione determinatum, contra
 V. potentiam quandam nititur, eique æquilibra-
 tur. Hinc pendent hominum *vires* in ponderibus elevandis, aut in data positione suspendendis, in obstaculis fixis e pristino loco removendis, in magnis materiæ molibus, quocunque modo impeditis, trahendis, in arcibus tendendis, in omnibus denique actionibus, ad quas perficiendas musculorum contranisus quidam adhibetur. Huc referenda sunt cuncta *virium* musculorum exempla in Par. I. egregii Borelli operis de *motibus animalium*.

SECUNDO datur membri vel corporis animalis moti, vel etiam molis materiæ cujusvis externæ ab applicatione actionis muscularis in motum actæ, momentum, sive *vis motrix intensiva*. Secundum quam nempe considerationem judicandum est de *viribus* animalium quæ *projectoriæ* appellari queant: cum v. g. tela, discos, bolosve quoscunque jaculamur, aut globos cavos pulvere pyrio aliisque rebus lethiferis onustos, & cætera manu missilia nostris viribus proportionata, magno nisu & contentione projicimus. Qualium omnium *virium* seu *momentorum* rationes ex generali de motu corporum doctrina determinantur.

TERTIO

TERTIO denique consideranda venit CAP.
vis membri moti, vel instrumenti moto V.
 membro affixi, quam appellare possimus *im-*

pressoriam; quando nempe totus ipsius motus in facienda impressione in corpus firmum compressibile, molle vel elasticum consumitur. Ratio cujus *vis* a magnitudine talis impressionis est dijudicanda, & determinatur per doctrinam resistentiæ corporum firmitatis: quam, cum adhuc non sit expedita adeo, & ex omni parte perfecta, ulterius explanare adnitemur. Huc reducenda sunt dira vulnera in pugnantium carnes a dura martis acie facta; hic quoque sistendi malleorum ictus, & impressiones in res fabricatas, quemadmodum in operibus nostris manuariis, &c.

HAC ergo distinctione præmissa, illarum *similium animalium virium* determinatio clarior multo & facilior reddetur.

P R O P. XXIV.

Contractoriæ vires *correspondentium musculorum* similium animalium sunt in harum molium ratione *sesquitriplicata*.

Musculorum contractoriæ vires, $A^{\frac{4}{3}} \dots a^{\frac{4}{3}} :: S^2 \dots s^2 :: D^4 \dots d^4,$

Ex

CAP.

V.

Ex eo quod motus muscularis adeo abstrusæ sit naturæ, & explicatu difficilis, præsentem propositionem eâ demonstrationis vi, quam in prægressis adhibere soliti sumus, & argumentis ex ipsa naturâ rerum a priori ductis stabilire in præsentia præ nobis non ferimus. Eandem ergo probabilem reddere & veri specie munire satis erit, donèc in intimam corporis nostri fabricam penitus intueri licuerit, accuratioꝛque nobis contigerit naturæ operationum animalium cognitio. Consuli interim potest de *structura & motu musculari* nuper editus liber Alexandri Stuarti, celebris apud Londinenses medici, ingeniosum & expolitum opus.

QUOMODOCUNQUE ergo supponatur fieri muscularis contractio, a vero non alienum videtur illi aliququaliter conducere prementem fluidorum vim in continentium vasorum, aut muscularium villorum latera. Ex hygrostaticis interim certum est eâ quæ elewantur pondera per contractionem, ope distendentis fluidi factam, similium vesicularum, vasorumve, integris fluidi distendentis pressionibus esse proportionalia. Hinc fit probabile *potentias* a similibus actionibus correspondentium villorum muscularium *similium animalium* superandas, esse debere ut integræ fluidorum



fluidorum in villorum latera similes pressiones; quæ sunt in dicta magnitudinum animalium sesquitriplicata ratione^r.

IDEM quoque ex alia consideratione verisimile redditur. Superius quippe compertum fuit^r compressorias vires fibrarum muscularium cordis & arteriarum esse in illa, sesquitriplicata, ponderum animalium ratione. Sed vis contractiva fibræ cujuscunque determinatam ubique sequitur vis compressoriæ proportionem^r. Unde *contractoriæ vires* dictarum fibrarum in eadem inveniuntur sesquitriplicata molium ratione. Cunctos autem corporis animalis musculos secundum *contractorias vires* sibi mutuo respondere necessum videtur. Unde tuto concludi possit *vires contractivas* omnium quorumcunque correspondentium musculorum *similium animalium* esse in suarum magnitudinum ratione sesquitriplicata. Quod ostendendum proposuimus. Atque hæc est prima consideratio *virium similium animalium*.

Coroll. ATQUE hinc sibi mutuo comparare licet *vires similium animalium*, sed magnitudine discrepantium, quorum utimur

G

opera

^r Prop. 15.

^r Prop. 15. Cor. 1. 2.

^r Borell. de Mot. Anim. II. Prop. 56.

CAP. opera in rusticis, aliisque magni molimini;


V. laboribus; ut percipere queamus qualia, an
 nempe magna an parva hisce magis sint idonea; ut scilicet minimo alimentorum dispendio maxima ipsorum potiamur ope. In quo examine confestim videbimus longe majore fruge grandiora quam minora animalia in nostros cedere usus, si ejusdem generis alimentis vescantur. Quoniam nempe alimentorum quantitates sunt ut ipsorum animalium moles^u, dum *vires* horum *tractrices* sunt in earundem molium ratione sesquitriplicata^w. Ut si majora adhibeantur animalia, in majore longe ratione crescerent *vires* quam requisita alimenta, vel alendi sumptus: quod uno exemplo conficere sufficiet. Comparatis quippe sibi mutuo duobus vel bobus, vel equis, quorum alter alterum mole duplo excedat, cetera similis; tum in eadem sunt ratione alimentorum consumptiones; id est ut 2 ad 1; dum interim *vires* quas in *trahendo*, &c. exserere queant, sunt in molium ratione sesquitriplicata, sive ut $2^{\frac{4}{3}} \dots 1^{\frac{4}{3}} :: 2^5 \dots 1$ q. p. Unde duo talia grandiora jumenta tantum operis perficere valent, quantum minorum quinque, dum alimentorum

con-

^u Prop. 7. Cor. 4.

^w Prop. 24.

consumptionem minorem faciunt in ratione CAP.
4 ad 5. V.



Schol. I. HÆC omnia aliaque hujusmodi generaliter dicta intellige de animalibus quatenus perfecte *similibus* suppositis. Aliter enim dicta multum variabitur ratio, & nova exsurget regula ex novis superadditis conditionibus *vires* animalium mutantibus. Præter molis differentiam quantum pendet animantis *vis* ex organorum mechanica forma! quantum ex fluidorum viribus! & omnium maxime ex villorum muscularium firmo robore? Vir fortis & athleticus febre, aut diuturno otio coctus, debilis fit & imbellis. Tener contra homo, labore & exercitiis firmatus, robustus tandem evadit, & vel gymnasticæ non inidoneus. Mania correptus, & musculos duriores nactus, quantum sui, fuique similium, dum sanus fuerat, consuetas superat vires? Atque leo (ut & omne animalium felinum genus) immensum præpollet aliis quibuscunque animalibus parilis stature aut magnitudinis. Hunc autem & robustissimis valentem ossibus & durissimis firmissimisque præditum musculis conspiciamus*.

Schol.

* Vid. Aristot. Hist. Animal. III, 7. Fallop. Exp. de Ossib. 8. Bartholin. aliosque apud Blas. Anat. Animal.
G 2 mal.

CAP.

Schol. 2. HAUD sane dissimulandum est

V.

clarissimum in theoria & praxi medica Chey-
 næum^y hanc præsentem de animalium *viribus*
 quæstionem agitaſſe, ejuſque determina-
 tionem, a noſtra valde abludentem, dediſſe
 in hac propoſitione. “ Cæteris paribus *the*
 “ *strengths of different animals of the ſame*
 “ *ſpecies, or of the ſame animal at different*
 “ *times,*” (id fere eſt generaliter enunciando
ſimilium animalium) “ *are in a triplicate*
 “ *proportion of the quantities of the maſs of*
 “ *their blood.*” Cui theoremati hæc adjecta
 eſt qualiſcunque demonſtratio. “ It is evi-
 “ dent from the animal œconomy that the
 “ augmentation or increaſe not only of the
 “ fluids, but likewise of all the ſolid parts
 “ of the body is owing to the blood, and
 “ that the ſame (all other things being equal)
 “ is proportional to the quantity thereof;
 “ and it is certain from infallible experiments,
 “ that (whatever be the cauſe of muſcular
 “ motion) the blood itſelf, the *liquidum ner-*
 “ *vorum,* and the muſcles (*i. e.* a bundle of
 “ muſcular fibres and the integrity of the
 “ ſame) are only and abſolutely neceſſary to
 “ the action of the ſaid muſcles: for put any
 “ two

mal. I, 23. p. 80. 81. 82. 84. 85. Bagliv. Specim. de
 Fibr. Mot. I, 2. p. 267. I, 7. p. 314.

^y Theor. of Fev. p. 135.

“ two of these, and entirely take away the CAP.
 “ third, no motion will follow. Where- V.
 “ fore the forces of any one, or of all the
 “ voluntary muscles, *i. e.* the strengths of
 “ animals are in a compound proportion of
 “ all these three. But the quantity of each
 “ of these three, in this case, depends upon,
 “ and is in proportion to the quantity of the
 “ mass of the blood, as has been just now
 “ shown, and therefore the strengths of dif-
 “ ferent animals of the same species, or, &c.”
 q. e. d.

QUOD sub veritatis & elegantiae, & præ-
 fertim demonstrationis specie sese nobis com-
 mendat, id facile amplectimur & avide arri-
 pimus. Unde ista Cheynæi propositio pro
 vera naturæ norma, passim accipitur, atque
 speciatim in usum sæpe adhibetur ab ingeni-
 oso de *non-naturalibus* scriptore D. Waine-
 wright^z: eamque adoptare nec dedignatus
 est longe doctissimus, & pro eo ac meretur,
 celeberrimus medicus Jo. Freind^a. At cum
 tantorum virorum venia, dicere liceat me
 hujus, quam tanti faciunt, demonstrationis
 vim perspicere non posse. Liceretne alicui
 alii cum eadem rationis specie affirmare,

G 3

quod,

^z Eff, Non-natur. I, 4. p. 5. VI, 34. p. 89. VII,
 10. p. 132.

^a Emmenolog. XII. p. 129.

CAP. quod, ad musculorum motum debite peragendum, non plus requiratur, quam fibræ, vel villi musculares, & liquida animalia illas inflantia & distendentia; vel ex altera parte illi peragendo necessarias esse arterias, venas, nervos, sanguinem, spiritus, &c. quorum singulorum quantitates sunt proportionales massis sanguineis; atque hinc pronunciare *vires similium animalium* esse vel in duplicata, vel triplicata, vel quadruplicata, vel alia quacunque multiplicata ratione ipsorum ponderum, prout distribuere vel enumerare placuerit conditiones motui muscolari peragendo necessario requisitas, quæ massis sanguinis sunt quoque proportionales? Qualis tamen ratiocinatio a requisitarum conditionum enumeratione non valeret, nisi tales cunctæ forent, ut illarum quibuscunque in quavis quantitate datis, *vis* muscoli cuiusvis servet accurate rationem quantitatum reliquarum: quod nec in demonstratione asseritur, neque, credo, ullis experimentis, aut veris rationibus monstrari poterit.

LEMMA 8.

Momenta motus *sive* vires absolutæ intensivæ corporum motorum sunt in composita



QUUM nihil novi de hac re afferri possit, aut afferri expediat, videantur præclari hi auctores. Galileus della Scien. Meccan. p. 623. Discors. Meccan. &c. III. p. 579. VI. p. 694. 699. 701. Hobbes de Corp. VIII, 18. XV, 8. Borellus de vi Percuss. Prop. 12. 13. 27. Wallis Mechan. I, 1. Prop. 27. Newton Princip. Math. Def. 2. Pemberton of Newt. Phil. I, 1. §. 15. 16. 17. 20. 25. 26. 27.

P R O P. XXV.

*Vires absolutæ corporum vel membro-
rum similibus animalium (vel etiam
molium externarum) similibus mus-
culorum actionibus motorum sunt in
magnitudinum ipsorum animalium
ratione sesquitriplicata.*

Vires absolutæ, $A^{\frac{4}{3}} \dots a^{\frac{4}{3}} :: S^2 \dots s^2 :: D^4 \dots d^4$.

CELERITATES corporum vel membro-
rum horum animalium similibus istis actio-
nibus motorum, vel etiam molium externa-
rum his membris proportionalium, & ab
iis in motum actorum sunt (ut $A^{\frac{1}{3}} \dots a^{\frac{1}{3}}$) in
magnitudinum illorum (A, a) ratione sub-

CAP. triplicata^b. Ergo cum momenta absoluta

V. { motus corporum sint, in suarum quantita-
tum materiae & velocitatum ratione compo-
sita^c, patet *vires absolutas* corporum vel
membrorum *similium animalium* similibus
musculorum actionibus motorum, vel etiam
vires molibus externis, quæ animalium mag-
nitudinibus sunt proportionales, communi-
catas, esse quoque ut dictæ velocitates & a-
nimalium pondera conjunctim, sive (ut $A^{\frac{1}{3}} \times A \dots a^{\frac{1}{3}} \times a :: A^{\frac{4}{3}} \dots a^{\frac{4}{3}}$) in istorum pon-
derum ratione sesquitriplicata. Q. E. D.

ATQUE hæc est altera methodus contem-
plandi *vires similium animalium*: quarum
determinatio coincidit, ut videmus, cum de-
terminatione *contrahentium virium* mus-
culorum quarum porportionem in præce-
denti demonstravimus. Ab ista autem a-
nimalium *absoluta vi* & aliæ quædam sub-
ordinatæ *virium* considerationes dependent.

P R O P. XXVI.

Altitudines, *item* distantia maximæ *ad*
quas viri prorsus similes, & æquali in
projiciendis corporibus dexteritate
pol-

^b Prop. 22,

^c Lem. 8.

pollentes, projicere possunt magnas moles, ipsorum animalium magnitudinibus proportionales, sunt in earundem magnitudinum ratione subsestuplicata.

CAP.
V.

Molium jaetus, $A^{\frac{2}{3}} \dots a^{\frac{2}{3}} :: S \dots s :: D^2 \dots d^2$.

Ex doctrina vulgari de motibus gravium notum est altitudines atque distantias ad quas mittuntur corpora cum datis velocitatibus sub eadem ad horizontem elevatione, esse ut suarum initialium sive energeticarum velocitatum quadrata^d. Unde satis constat quod *altitudines* atque *distantiæ* ad quas viri prorsus similes, & in jaculando æque dextri projicere possunt magnas massas, pilas v. g. tormentarias, discos, aut alia hujus generis gravia, ipsorum magnitudinibus proportionalia, constat, inquam, quod istæ *altitudines & distantiae* sint ut quadrata velocitatum, quibus hæc corpora projiciuntur, atque idcirco^e quibus membra illorum virorum agitantur; id est (ut $A^{\frac{2}{3}} \dots a^{\frac{2}{3}}$) in magnitudinum suarum (A, a) ratione subtriplicatæ duplicata, sive harum magnitudinum subsestuplicata. Q. E. D.

Schol.

^d Lem. 2.

^e Prop. 22.

C A P. Schol. SISTENTUR itaque duo homines

V. $\underbrace{\hspace{1.5cm}}$ H, h , omnia *similes* suppositi, quarum alter H alterum h magnitudine octuplo excedat: quorum ergo similium diametrorum ratio esset $8^{\frac{1}{3}} \dots 1^{\frac{1}{3}} :: 2 \dots 1$; similium vero superficierum ratio pariter deprehenderetur $8^{\frac{2}{3}} \dots 1^{\frac{2}{3}} :: 4 \dots 1$. His ergo positis si horum hominum H, h manibus indentur moles ipsorum magnitudinibus proportionales, scilicet ut 8 ad 1; tum dico celeritates quibus illi has valent projicere, inveniremus esse ut 2 ad 1. Et proinde *altitudines* ad quas maximo nisu & contentione istæ moles projiciuntur essent ut 4 ad 1, dum *momenta motus* earundem prodeunt ut $8^{\frac{4}{3}} \dots 1^{\frac{4}{3}} :: 16 \dots 1$.

UT vero altero adhuc exemplo clarior fiat res, supponantur alii duo similes viri N, n quorum magnitudines sint ut 2 ad 1: tunc eodem prorsus ratiocinio colligimus celeritates, quas illorum similibus actionibus acceptas referunt proportionales magnæ massæ projectæ, esse ut $2^{\frac{1}{3}} \dots 1^{\frac{1}{3}} :: 1'26 \dots 1$; maximas *altitudines* ac *distantias* jactuum existere ut $2^{\frac{2}{3}} \dots 1^{\frac{2}{3}} :: 1'5874 \dots 1$; earundemque *vi-res* seu *momenta motus* esse ut $2^{\frac{4}{3}} \dots 1^{\frac{4}{3}} :: 2'52 \dots 1$.

P R O P.

P R O P. XXVII.

Altitudines, *item* distantia ad quas viri prorsus similes, & in jaculando æque dextri, projicere queant datam massam, aut discum illorum viribus satis accommodatum, sunt in magnitudinum virorum ratione sesquitriplicata duplicata.

Disci jactus, $A^{\frac{8}{3}} \dots a^{\frac{8}{3}} :: S^4 \dots s^4 :: D^8 \dots d^8$.

SI data quædam moles propositorum *similium* virorum viribus ita accommodata sit ut in illa projicienda integros suos impetus facile satis impendere queant, quo nempe illa moles, ab iis cum maximo, quem adhibere valeant, nixu projecta vires intensivas accipiat (ut $A^{\frac{4}{3}} \dots a^{\frac{4}{3}}$) in magnitudinum eorum (A, a) ratione sesquitriplicata ^f, tunc velocitates diversæ quibus ab istis hominibus projicitur dicta illa moles in eadem (ut $A^{\frac{4}{3}} \dots a^{\frac{4}{3}}$) proveniunt ratione. Et propterea per ea quæ sæpius afferre contigit de motu gravium & projectorum ^g, *altitudines*, *item distantia* quas illa projecta moles metitur, existentes ut initialium celeritatum ($A^{\frac{4}{3}} \dots a^{\frac{4}{3}}$) quadrata, deprehenduntur

^f Prop. 25.

^g Lem. 2.

C A P.prehenduntur (ut $A^{\frac{4}{3}} \times A^{\frac{4}{3}} \dots a^{\frac{4}{3}} \times a^{\frac{4}{3}} :: A^{\frac{8}{3}} \dots a^{\frac{8}{3}}$)

V. in magnitudinum virorum ratione sesquitriplicatæ duplicata. Q. E. D.

Schol. SECUNDUM hæc *jactuum longitudines, altitudines* scilicet & *distantias*, coloni & athletæ nostrates suas æstimare solent *vires* in vulgari isto exercitio, quo lapidem magnum, vel pilam tormentariam projiciunt, aut in sublime agunt, non absimili ritu quo antiqui *discum* jaculabantur in celeberrima illa exercitatione, & omni ævo, vel ab ipsis Trojani belli temporibus ab athletis & militaribus viris usitata, & conservandæ valetudinis, & roborandi corporis gratia, uti diffuse docuit clarus ille & in omni literarum genere doctissimus Mercurialis ^h.

IN supra memoratis igitur hominibus H, h similibus, & in jaculando æque dextris, quorum magnitudinum rationem posuimus eam quam habet 8 ad 1, celeritates quæ ab illis datæ massæ possint impertiri, forent ut $8^{\frac{4}{3}} \dots 1^{\frac{4}{3}} :: 16 \dots 1$; *altitudines* vero & *distantiæ jactuum* inveniuntur esse ut $8^{\frac{8}{3}} \dots 1^{\frac{8}{3}} :: 256 \dots 1$. At in iis viris quos N, n nuncupavimus, quorum nempe comparatæ magnitudines

^h De Art. Gymnast. II, 12.

dines sunt ut 2 ad 1, tales celeritates datæ C A P. V.
 massæ communicatæ invenirentur differre in
 ratione tantum $2^{\frac{4}{3}} \dots 1^{\frac{4}{3}} :: 2'52 \dots 1$; jactuum
 autem longitudines ut $2^{\frac{8}{3}} \dots 1^{\frac{8}{3}} :: 6'348 \dots 1$.

P R O P. XXVIII.

Similia animalia *similes* saltus gressusve
æque facile, sive æquo molimine de-
scribunt.

CONSTAT ex supradictis, quum isti mo-
 tus a similibus musculorum motibus edantur.
 Adverto præterea saltum coincidere cum pro-
 jectione corporis animalis, cujus vis sequitur
 sui ponderis sesquitriplicatamⁱ, velocitas vero
 subtriplicatam rationem^k. Hinc satis patet
 istis similibus motibus sive *saltibus*, sive *gres-*
sibus edendis animalium vires æque sufficere,
 sive nervosarum virtutum fieri dispendia in-
 tegris viribus proportionalia. Q. E. D.

Coroll. I. ITINERA a dato saltuum nu-
 mero, id est ab æque defatigatis *similibus ani-*
malibus peragenda sunt ut singulorum saltu-
 um amplitudines, id est in ratione subse-
 quiplicata ponderum animalium^l. Iis vero con-
 ficiendis

ⁱ Prop. 25.

^k Prop. 22.

^l Prop. 23. Cor. 5.

CAP. ficiendis tempora deponunt in eorundem
 V. ponderum subtriplicata ratione ^m.

Coroll. 2. Similia dato tempore peracta itinera minore saltuum numero, & propterea facilius perficiunt majora, quam minora animalia; idque in reciproca subtriplicata magnitudinum eorundem ratione ⁿ.

Coroll. 3. Aequalia itinera longe adhuc facilius proficiscuntur majora animalia; quum numeri saltuum & propterea proportionatarum nervosarum virtutum dispendia sint in reciproca tantum subsesquuplicata ponderum animalium ratione ^o.

Schol. PERSÆPE vero minora animalia, forma magis habili constructa, agilius & velocius cursus suos peragunt, hisque peragendis parum fatigantur; dum plurima grandiora animalia crassioris sunt fabricæ, & sic, præ nimia mole ad vires comparata, incessu tardiora, sibi que gravia & onerosa. Sed de hac re fusius supra disputatum est ^p.

LEMMA

^m Prop. 23. Cor. 5.

^o Ibid. Cor. 6.

ⁿ Ibid. Cor. 4.

^p Prop. 23. Schol.

LEMMA 9.

Corpus durum in toto ejus per corpus molle simile trajectu impeditur æquabiliter.

RESISTENTIA corporis in medio quocunque simili moventis sit oportet vel æqualis, vel in quadam directâ suæ celeritatis ratione. Si autem corpus in suo progressu impediatur in simplici, vel quacunque alia, sive multiplicata, sive submultiplicata quadam suæ celeritatis ratione, tunc ex principiis a magno Neutono^a positis, aliisque iis similibus, quæ secundum illius methodum facile est construere, levi negotio monstrari possit corpus illud perpetuo quidem retardari in assignata ratione, nunquam autem (sive in infinito tantum tempore) ad perfectam quietem fore venturum. Cum ergo quotidie spectemus corpora dura in obices molles impingentia brevi quiescere, quamvis etiam auxilio sollicitationis gravitatis fruëntia, verisimillimum videtur duro corpori, vi insita moto, in toto suo per corpus molle simile trajectu, ad usque sui motus extinctionem, resisti æquabiliter, sive illud æqualibus temporis

^a Princip. Math. II. Sect. 1. 2. 3.

CAP. poris momentis æquales celeritates gradus
 V. amittere. Q. E. D.

Coroll. 1. MOTUS ergo corporis duri in obicem similem mollem tota sua antica superficie impacti est æquabiliter retardatus. Unde hic, quantum proposito nostro convenit, tuto applicari possunt quæ demonstrantur apud Galilæum, aliosque de motibus gravium recta ascendentium; quos sine sensibili errore tanquam motus æquabiliter retardatos considerarunt. Atque hinc totum recluditur mysterium *impressionum* ex percussione corporis duri in compressiles molles obices factarum.

Coroll. 2. *Profunditates* enim sive *spatia integra* descripta in tali molli obice a corpore duro, cum variis velocitatibus in illum impacto, sunt in diversarum ejus initialium velocitatum, quibus in ipsum obicem impingit, ratione duplicata. Ista quippe spatia, antequam quiescat corpus, peracta respondent seu comparari possunt altitudinibus ad quas motibus æquabiliter retardatis ascendunt corpora gravia: quæ altitudines, uti sæpius antehac notari contigit, sunt ut initialium celeritatum quadrata ^r.

Coroll.

^r Lem. 2.

Coroll. 3. AD hujus materiæ uberiores CAP.

V.

illustrationem proderit adnotasse, quod ex natura motus æquabiliter retardati[†] facile monstretur *durationem* motus corporis duri, post ejus in corpus simile molle impactum, sequi rationem initialis suæ velocitatis, subduplicatam vero altitudinis impressionis. Item quod ab initio percussione, sumptis temporibus æqualibus, velocitates in principiis singulorum temporum, item spatia singulis temporibus peracta, sint in progressionem arithmetica decrefcente.

ATQUE hinc comparari possunt affectiones resistentiæ, in medio quocunque semper uniformis seu æqualis, cum legibus motus corporum secundum aliquam suarum velocitatum rationem impeditorum expositis in Neutoni Princip. Math. Lib. II. Sect. 1. 2. 3. Uti jam tandem ab ipso animadvertum Neutono[†] videmus.

SPATIA a corporibus motis peracta sunt ubique in composita ratione temporum & celeritatum quibus feruntur. Quum itaque durationes motuum corporum, secundum prædictas conditiones motorum, ab initio suorum impactuum ad usque motus extin-

H

ctionem,

[†] Lem. 2.

[†] Princip. Math. Edit. 3. II.

Prop. 14. Schol. p. 274.

C A P. ctionem, sint ut velocitates suæ initiales,

V. & cum suorum itidem motuum celeritates,

& consequenter, per vulgarem motus theoriam, cæteris paribus, impetus seu intensitates, ad data ab initio intervalla, sint in eadem semper ratione, hinc adnato facilem peti illustrationem spatiorum confectorum sive *impressionum* ab ipsis factarum, in illarum durationum & celeritatum sive intensitatum ratione composita. Quæ ergo *impressiones* servare debent, cæteris paribus, rationem celeritatum initialium duplicatam, quemadmodum in præcedenti corollario determinavimus.

Coroll. 4. QUUM ergo pateat, & apud omnes in confesso sit vires corporum motorum quomodocunque consideratas ipsorum ponderibus seu materiæ quantitativibus respondere, manifestum est *integras impressiones* sive *effectus* in corpore molli similari ab æqualibus figura & mole, sed pondere diversis, corporibus duris, similiter illud percutientibus, productos, esse ut horum quantitates materiæ, & quadrata velocitatum, quibus in illud impingunt, conjunctim.

Coroll.

Coroll. 5. IMMO ex similibus principiis CAP. V.
colligi potest *magnitudines impressionum* a
quibuscunque & quocunque modo figuratis
corporibus factarum, eandem sequi rationem
compositam ex simplici illorum ponderum &
duplicata celeritatum.

Schol. 1. Si corpora elastica eodem more,
quo mollia, ictui cedere supponantur, pris-
tinam tamen figuram sua sponte sibi restitu-
entia, tunc eadem omnia obtinent de retar-
datione, impressionibus, &c. durorum in cor-
pora firma elastica impingentium.

Schol. 2. UBIQUE in hisce impingentia
corpora spectantur tanquam perfecte dura,
vel (quoniam talia forte non dantur) quod
eodem redit, tanquam perfecte dura suos e-
dentia effectus. Corpusque quod recipit ic-
tum supponimus magnæ sive indefinitæ molis,
immobile & ex ictu densitatem vix mutabile.

Schol. 3. HÆCCE motus corporum du-
rorum in mollia & elastica impingentium
theoria, qua invenimus illorum in hæc *im-*
pressiones sequi rationem ex simplici suorum
ponderum, & impingentium celeritatum du-
plicata compositam, luculenter confirmari

CAP. videtur experimentis ^u de hac re factis ab exi-
 V. miis & ingeniosissimis viris Poleno, & s'Grave-
 fandio, quæ illi theoriæ omnino confor-
 mia deprehenduntur.

A QUIBUS tamen experimentis labefacta-
 tam haud recte argues vulgo receptam motus
 ideam, qua statuitur *momenta* vel *vires* cor-
 porum motorum *absolutas* esse in composita
 ratione suarum quantitatum materiæ & velo-
 citatum. Ad quam præterea evertendam
 frustra (uti & ostenderunt Angli ^w) afferuntur
 ista experimenta, quo ejus loco stabiliatur opi-
 nio Leibnitii ^x, viri cæteroquin magni, qui
 contendit *vires* corporum esse, cæteris pari-
 bus, ut suarum *celeritatum quadrata*, sive
 ut *altitudines* earundem generatrices, a quibus
 scilicet demitti debent, ut hasce adquirant ce-
 leritates. In quo dogmate assentientes habet
 multos & ingenio & doctrina pollentes viros,
 nimirum, præter modo memoratos experi-
 mentorum auctores, Hermannum, Jo. Ber-
 noullium, Wolfium aliosque. Quibus om-
 nibus non satis videtur perspecta fuisse distinc-
 tio

^u Vid. Polen. de Castell. §. 118. s'Gravesand. Eff.
 de Choc. &c. §. 37. 54. 55. Phys. Elem. Math. edit.
 2. Lib. I. §. 452. 453. 454. 455. 456. 466. 467. 469.
 503. 504. 506. 700.

^w Philos. Trans. Abr. VI. 1. p. 258—275.

^x Vid. Act. Lips. an. 1686. p. 161. 1690. p. 228.
 1691. p. 439. 1695. p. 145.

tio inter *vim insitam absolutam*, seu *energiam intensivam* motus corporis, & ejus *impressionem* sive *effectum* in obicem illi resistentem: in qua facienda *impressione* illius motus gradatim imminutus totus infumitur. Quas tamen res non esse simul confundendas, im-

C A P.
V.

mo ne vel inter se comparandas (utpote quantitatum genera incommensurabilia) jamdudum nos scite admonuerunt Galilæus & Borcllus in elegantissimis suis de *vi percussionis* commentariis.

SOLENNEM vero istam distinctionem, quam Leibnitius, Hermannus, Wolfius & Polenus passim ponunt inter *impetum* vel *momentum* seu *quantitatem motus* corporis, quam concedunt sequi rationem ipsius velocitatis simplicem, & ejus *veram* seu *absolutam vim vivam*, quam contendunt sequi rationem velocitatis duplicatam: hanc inquam distinctionem me non satis intelligere fateor, nec forte intelligent alii, donec aliquid clarius & vulgaribus ingeniis magis accommodum de hac re proferre dignati fuerint Polenus & Germani Mathematici.

P R O P. XXIX.

Impressiones sive effectus integri in obicem firmum similem mollem vel

H 3

elastici

DE SIMILIBUS

elasticum, a similibus actionibus correspondentium membrorum similium animalium producti sunt in horum magnitudinum subtriplicata & quintuplicata ratione.

Vires impressoriae, $A^{\frac{5}{3}} \dots a^{\frac{5}{3}} :: S^{\frac{5}{2}} \dots s^{\frac{5}{2}} :: D^5 \dots d^5$.

CELERITATES correspondentium membrorum *similium animalium* similibus musculorum actionibus motorum sunt (ut $A^{\frac{1}{3}} \dots a^{\frac{1}{3}}$) in ipforum membrorum ponderum (A, a) ratione subtriplicata^y. Unde *impressiones integre* in immobili obice similari molli vel classico a similibus actionibus correspondentium membrorum *similium animalium* producta (quoniam sunt ut horum membrorum pondera & quadrata suarum velocitatum conjunctim^z) sint oportet (ut $A \times A^{\frac{1}{3}} \times A^{\frac{1}{3}} \dots a \times a^{\frac{1}{3}} \times a^{\frac{1}{3}} :: A \times A^{\frac{2}{3}} \dots a \times a^{\frac{2}{3}} :: A^{\frac{5}{3}} \dots a^{\frac{5}{3}}$) in ratione ex simplici & subscsquuplicata suorum ponderum composita, id est in ratione eorundem subtriplicatae quintuplicata. Q. E. D.

ATQUE hæc est tertia generalis, quam proposuimus, consideratio *virium similium animalium*. De quibus observandum est quod hæc *impressiones* facere debeant horum
membra

^y Prop. 22.

^z Lem. 9. Cor. 4. 5.

membra instrumentis pondere ipsis propor-
tionalibus armata.

C A P.
V.



Schol. QUANTA ergo opus est cautela in ferendo judicio de proportionem *virium similitum animalium*, cum adeo inter se varient earundem rationes secundum diversos subordinatos ipsas considerandi, & applicandi modos. Hoc interim unum certum est, cæteris paribus, majora animalia fortiora, minora e contrario debiliora existere. Atque, quemadmodum apposite fortissimo Gideoni dixere captivi reges^a, ὡς αὐτοὶ ἢ δυναμὶς αὐτοῦ, “ut est vir
“ ita & ejus vis,” vel, uti haud male vertit vulgatus interpres, “juxta ætatem robur est
“ hominis:” si præsertim de *ætate* hoc dictum intelligas, uti idem æstumare convenit, secundum majorem aut minorem corporis staturam.

^a Judic. VIII, 21. ex Cod. Alexandrino.

CAPUT SEXTUM.

*De Organorum similium animalium
robore.*

LEMMA IO.

*Chordæ ex ejusdem speciei materia
conflatæ suspendere valent potenti-
as seu pondera transversis ipsarum
sectionibus, similiumve diametro-
rum quadratis proportionalia.*

Patet. IDEMQUE in fidibus æneis mihi
olim per experimenta rem exploranti, fatis
accurate successit.

P R O P. XXX.

*Maximæ externæ potentix, quales sunt
pondera, &c. quæ directe suspendi
possunt vel superari ope musculorum,
tendinum, ligamentorum, aliorum-
ve instrumentorum animalium, in
ipsorum actionibus tanquam vectes
operantium, sunt in magnitudinum
similium animalium, quorum sunt
organa, ratione subsesquuplicata.*

*Ligamentorum, &c. suspendentes vires, $A^{\frac{2}{3}} \dots a^{\frac{2}{3}} :: S \dots s$
 $:: D^2 \dots d^2$.*

IN hac quippe sunt ratione transversæ si- C A P.
miles sectiones quorumcunque horum instru- VI.
mentorum *similium animalium*^a, quibus sec-
tionibus illæ potentiae suspensæ sunt propor-
tionales^b.

LEMMA II.

*Solidorum similium, & ex eadem ma-
teria conflatorum tanquam vectes
operantium vires, quibus fracturæ
resistunt, sunt in suorum ponderum,
seu magnitudinum, ratione subses-
quuplicata.*

VID. Galil. Discors. Meccan. &c. II.
Prop. 6. p. 555.

P R O P. XXXI.

*In similibus animalibus vires, quibus
ossa in externis potentiis superandis
fracturæ resistunt, sunt in magnitu-
dinum animalium ratione subsesqui-
plicata.*

Ossium mechanicæ vires, $A^{\frac{2}{3}} \dots a^{\frac{2}{3}} :: S \dots s :: D^2 \dots d^2$.

P A T E T ex præcedente Lemmate, atque
ex contemplatione situs, magnitudinum &
operationum ossium in corpore animali.

Coroll.

^a Prop. 4. Cor. 1.

^b Lem. 10.

CAP. Coroll. 1. IN *similibus* ergo *animalibus*

VI. congruunt vires ossium tanquam vectes operantium cum viribus musculorum, aliorumque instrumentorum in actionibus animalium tanquam funes trahentium; utræque nimirum in eadem ratione comparatæ ad moles animalium^c.

Coroll. 2. Ex harum ergo Prop. 30 & 31, cum Prop. 24 & 25 comparatione facta, liquido constat, quod in *similibus animalibus potentia*, seu *resistentia*, ab homologis musculorum actionibus superandæ sint in duplicata ratione *roborem* seu *firmitatum* musculorum, tendinum, ossium, ligamentorum, aliorumve talium instrumentorum, quæ illis ministrant actionibus; scilicet in animalibus A, a ut $A^{\frac{4}{3}}$ ad $A^{\frac{2}{3}}$, & $a^{\frac{4}{3}}$ ad $a^{\frac{2}{3}}$.

P R O P. XXXII.

Majorum quam minorum similis structuræ animalium instrumenta, musculi, ligamenta, ossa, &c. in superandis potentiis per similes musculorum violentas actiones, ruptioni & fracturæ magis sunt obnoxia: idque in magnitudinum animalium ratione subsesquuplicata.

POTENTIÆ

§ Prop. 30. 31.

POTENTIAE a similibus musculorum nixi-
bus superandæ sunt (ut $A^{\frac{4}{3}} \dots a^{\frac{4}{3}}$) in animalium
magnitudinum (A, a) ratione sesquitri-
plicata^d: atque vires fractioni resistentes mus-
culorum ligamentorum, ossium, &c. sunt
ut $A^{\frac{2}{3}} \dots a^{\frac{2}{3}}$ in istarum magnitudinum ratione
subsesquuplicata^e. Unde pericula fractionis
horum instrumentorum, existentia directe ut
istæ potentia superandæ, & inverse ut ipso-
rum instrumentorum firmitates resistentes,
sunt (ut $\frac{A^{\frac{4}{3}}}{A^{\frac{2}{3}}} \dots \frac{a^{\frac{4}{3}}}{a^{\frac{2}{3}}} :: A^{\frac{2}{3}} \dots a^{\frac{2}{3}}$) majora in ma-
joribus, quam in minoribus animalibus: id-
que in magnitudinum ipsorum animalium
ratione subsesquuplicata. Q. E. D.


Schol. I. HINC quoque tolli videtur
æquilibrium inter contrahentium musculo-
rum vires, & firmitates instrumentorum,
quæ musculorum sustinent motus. Qua de
caussa non solum majorum animalium san-
guinea vasa ab interno fluidorum impetu, uti
supra^f demonstratum, majus subeunt ruptio-
nis periculum, sed etiam eorundem membra
ex violentis externis musculorum actionibus
læsioni magis sunt obnoxia, quam similia
minorum

^d Prop. 24.

^e Prop. 30. 31.

^f Prop. 19.

CAP. minorum animalium organa. Cui ergo difficultati quomodo obviam ivit æqua natura?

VI.  SUPRA^s vidimus artificiosam sapientissimi Δημιουργ^s methodum, qua majorum animalium vasa roborare licuit. Præter illam vero, ibi late expositam, animalium differentiam, datur etiam aliud, non levis momenti, discrimen in animalium fabrica seu forma externa; quam facile est observare in natura magnis animalibus, magis crassam, magis robustam, atque sic minus agilem, quam in iis animalibus, quorum molem exiguis concludere cancellis omnipotenti naturæ placuit.

^h SI boum tibiae, &c. cum ovinis conferre volueris, illas respectu suæ longitudinis crassiores comperies in ratione quasi 1000 ad 840, & tamen, quoad multas conditiones, istæ bestię non multum dissimiles sunt. Atque ossibus femorum galli Indici, galli gallinæ, & gallinæ vulgaris accurate commensuratis, horum crassitudines respectu longitudinum inveni 997. 958. 924. Atque in domestico anserē & anate, animalibus haud multum dissimilibus, transversæ diametri istorum ossium, ad longitudines comparatæ, inventæ sunt 1000 & 903. Meminisse tantum sufficiat

^s Prop. 19. Schol. 1. 2.

^h Confer & Bradley of the Works of Nat. Tab. XVII. fig. 3. 4.

ficiat tenerrimorum membrorum pulicum, muscarum, aliorumque id genus summæ agilitatis animalium, quorum crurum media crassities, in nonnullis saltem, vix centesimam ipsorum longitudinis partem exæquatⁱ. Quam immensum differt hæc a crassa, robusta, ac inertis tauri, rhinocerotis, aut elephantis constructione? Atque ex illa minorum animalculorum graciliore fabrica laboriosioris stationem atque gressum (quos iis competere monstravit Borellus^k) commode satis subire possunt: cum positura & actio stationis atque gressus grandiorum animalium, ut ipsa in tuto sint, faciliore esse debeat & commodior.

Schol. 2. Ex illa autem necessitate crassioris fabricæ majorum, quam minorum quarumcunque machinarum, observata a penetranti Galilæi ingenio, eleganter demonstravit^l ille tam ipsam naturam, quam artem in machinis fabricandis intra determinatos contineri limites, quos ultra progredi nefas est. Ipsa magni auctoris verba propter materiæ nobilitatem atque præstantiam, ejusque cum nostro themate affinitatem integra huc transferenda duximus.

“ OR

ⁱ Vid. & Swammerd. des Insect. p. m. 113.

^k De Mot. Animal. I. Prop. 154. 168.

^l Disc. Meccan. II. p. 559.

CAP.

VI.

“ OR vedano come dalle cose fin qui de-
 “ monstrate si apertamente si raccoglie l'im-
 “ possibilita del poter non solamente l'arte,
 “ ma la natura stessa crescer le sue machine
 “ a vastita immensa, sicche impossibil fareb-
 “ be fabricar navilii, palazzi o templi vastif-
 “ simi, li cui remi, antenne, travamenti, ca-
 “ tene di ferro, ed in somma le altre loro
 “ parti consistessero : come anco non potreb-
 “ be la natura far alberi di smisurata gran-
 “ dezza, poiche i rami loro gravati dal pro-
 “ prio peso finalmente si fiaccherebbero: e
 “ parimente farebbe impossibile far strutture
 “ di ossa per uomini, cavalli, o altri anima-
 “ li, che potessero sussistere, e far propor-
 “ zionalmente gli ufficii loro, mentre tali
 “ animali si dovessero augmentare ad altezze
 “ immense, se gia non si togliesse materia
 “ molto piu dura, e resistente della consueta
 “ o non si deformassero tali ossi sproporzio-
 “ nalamente, ingrossandogli; onde poi la
 “ figura ed aspetto dell animale; ne riuscisse
 “ monstruosamente grosso.—Dal che e
 “ manifesto che chi volesse mantenere in un
 “ vastissimo gigante le proporzioni, che han-
 “ no le membra in un uomo ordinario, bi-
 “ sognerebbe o trovar materia molto piu du-
 “ ra, e resistente per formarne l'ossa, ovvero
 “ ammettere

“ ammettere che la robustezza sua fusse a pro-
 “ porzione assai piu fiacca, che negli uomini
 “ di statura mediocre; altrimenti crescendo-
 “ gli a smisurata altezza si vedrebbero dal
 “ proprio peso opprimere e cadere. Dove
 “ che all in contro si vede nel diminuire, i cor-
 “ pi non si diminuir colla medesima propor-
 “ zione le forze, anzi ne i minori crescer la
 “ gagliarda con proporzion maggiore”. Hac-
 tenus Galilæus.

Coroll. A T Q U E ex hac similium organo-
 rum mechanica facile est explicare, quam-
 obrem, uti notare nec præterivit Galilæus ^m,
 infantes & pusilli homunciones minorem ex
 lapsu læsionem & damnum patiantur, quam
 majores natu & mole homines. Ad terram
 quippe, vel pavementum tales occiput verbi
 gratia, brachiumve allidentes dato impetu
 ruunt, cujus ubique effectus æstimari possit
 ex velocitatis in fine casus acquisitæ duplicata,
 & ipsius corporis allisi molis simplici ratione ⁿ.
 Id est, quum in proposito rerum statu velo-
 citas ad finem lapsus sit in altitudinis homi-
 nis ratione subduplicata, in istis majoribus &
 minoribus animalibus (A, a), vires per lap-
 sum lædentes erunt ut $\sqrt[2]{A^{\frac{1}{2}}} \times \sqrt[2]{A^{\frac{1}{2}}} \times A ..$

$$\sqrt[2]{a^{\frac{1}{2}}}$$

^m Dis. Meccan. II. p. 556.

ⁿ Lem. 9. Cor. 4. 5.

CAP. $^2\sqrt{a^{\frac{1}{3}}} \times \sqrt{a^1} \times a :: A^{\frac{1}{3}} \times A .. a^{\frac{1}{3}} \times a :: A^{\frac{4}{3}} ..$

VI. $a^{\frac{4}{3}}$; cum tamen illorum ad resistendum robor sint duntaxat °, si similes fuerint, in ratione $A^{\frac{2}{3}} .. a^{\frac{2}{3}}$, vel paullo majore propter firmiorem aliquantulo viri compagem. Atque patet ex naturali mollitie atque introcessione particularum, qua omnium gaudent animalium corpora, (quamque solam in præsentis problematis solutione adhibuit Alexander Aphrodisæus ^p) infantum in obstaculum al-
lisionem fere totam obtundi posse atque absorberi.

CAPUT SEPTIMUM.

De Mutationibus in fluidas firmasque similibus animalium particulas per admistionem ingestorum inducendis.

LEMMA 12.

Datis quibuscunque liquorum systematis similibus ejusdem generis, magnitudine nempe sola diversis, si illis applicentur, cumque iis intine misceantur corporum quorumcunque, vel virtutum quantitates datorum liquorum

° Prop. 30. 31.

^p Probl. 120.

liquorum in istis systematis contentorum massis proportionales; tum, inquam, his positis, conficiuntur seu producuntur novi liquores mixti ejusdem generis, & earundem proprietatum in propositis systematis sola quantitate mutatis.

C A P.
VII.

HO C theorema coincidit cum proprietate quadam *proportionum* in elementis tradita^a; qua demonstratur, quod in magnitudinum rationibus æqualibus sit antecedens ad consequentem, ut omnes antecedentes ad omnes consequentes. Sint igitur L, l proposita liquorum ejusdem naturæ systemata, quibus admixtæ supponuntur corporis cujusdam vel virtutis quantitates M, m , ipsis systematum quantitatibus proportionales, ita scilicet ut producantur novi liquores mixti $L + M$ & $l + m$. Atqui per hypothesein est $L .. M :: l .. m$ ergo permutando^b, $L .. l :: M .. m$; & propterea per indicatam elementorum propositionem erit quoque $L .. l :: L + M .. l + m$. Quamobrem si liquores ante mixtionem cum additamentis sint ejusdem generis & naturæ, atque quantitate sola differentes, tunc cum additamentis ipsis proportionalibus mixti tales quoque erunt. Q. E. D.

I

PROP.

^a Euclid. Elem. V, 12.

^b Ibid. 16.

Si corporibus similium animalium ingerantur res quæcunque, sive medicamenta; sive venena, &c. quorum quantitates sint ut ipsorum animalium moles, tum similes prorsus hæc edunt effectus, sive ex novis istis ingestis similes patiuntur mutationes animalia.

Doses medicamentorum, &c. $A \dots a :: S^{\frac{3}{2}} \dots s^{\frac{3}{2}} :: D^3 \dots d^3$.

OMNIA quæcunque pharmaca, &c. sive in sanguinem agant ipsum agitando, fermentando, aut alio quocunque modo mutando, sive vario suo stimulo in fibras nostri corporis effectus suos edant, in fluidis cuncta solvuntur, cumque hisce nova constituunt liquorum systemata. Sanguinem autem *similium animalium* ejusdem generis supponimus, omniumque fibras æque sensiles. Unde hisce animalibus, si nova ingerantur corpora in illorum molium ratione, tum, ex proportionum legibus^c, in iis nova exsurgunt liquorum systemata prorsus similia; id est similes subit mutationes horum animalium sanguis, similesque

^c Lem, 12.

similesque patientur stimulos æque sensilia
 ipsorum solida. Q. E. D. CAP.
 VII.



Coroll. HINC ergo sponte & generaliter
 solvitur nobile istud, & in praxi medica uti-
 lissimum problema.

Rationem dosium medicamentorum
similes effectus in similibus animali-
bus producentium determinare.

QUÆ nempe *doses* emergunt ut ipsorum
 animalium sive integra pondera, sive sangui-
 nis massæ.

ATQUE hæc erit generalis regula exhibendi
 omnia medicamenta, sive sanguinem mu-
 tantia, sive stimulantia fibras, animalibus
 ejusdem speciei, sed magnitudine diversis,
 quorum constitutiones, & singularia tempe-
 ramenta perspecta non habentur. Tantum
 quippe *similia* censenda sunt animalia quan-
 tum differentias assignare nequimus. Recte
 enim statuit gravis imprimis auctor Cornelius
 Celsus^d “eum qui propria non novit com-
 “munia tantum intueri debere; eumque qui
 “nosse propria potest, illa quidem non o-
 “portere negligere, sed his quoque insistere.”

CAP.

VII.

Schol. 1. UT ergo accuratius præsentem de *medicamentorum dosibus* examinemus quæstionem, propriis hisce insistendo percipimus illico non omnibus hominibus similem inesse sanguinem, non æque sensiles iis competere fibras. Quorundam hominum humores facile, aliorum liquores difficilius a dato pharmaco mutantur: quidam dati medicamenti stimulum parum curant aut sentiunt, dum alii efficacem ejus vim promptissime percipiunt. Hinc variæ atque variæ a prædicta regula eveniunt deflectiones pro varia hominum constitutione, varia nempe sanguinis crassi, variaque solidorum sensilitate. Secundum quæ diversa nostra temperamenta, ex prædicta regula sequentes de *pharmacorum dosibus* eliciuntur canones.

CAN. 1. *Dosis medicamenti in sanguinem operantis debet esse in composita ratione ex directa quantitatis sanguinis, & reciproca hujus mutabilitatis ope istius pharmaci.*

CAN. 2. *Dosis medicamenti vi sua in animalis villos fibrasve agentis debet esse ut pondus ipsius animalis directe, & sensilitas ejus fibrarum respectu dati medicamenti inverse.*

ATQUE

ATQUE ex duabus hisce regulis facile erit CAP. VII.
 determinare *doses medicamentorum* tam vi
 sanguinem alterante, quam stimulante solida
 operantium, modo detur ratio quam in dato
 quovis pharmaco habet hæc stimulatoria vis
 ad virtutem ejus fluida mutantem. Ita nimi-
 rum ut resolvi quasi possit ipsum in duo de-
 terminatæ quantitatis medicamenta; diversis
 modis simul operantia. Qualem suspicor re-
 vera obtinere conditionem pleraque, evacu-
 antia præcipue, medicamenta.

Schol. 2. QUANDO in Can. 1. propo-
 nitur conditio *mutabilitatis*, seu, ut barbara
 utar voce, *alterabilitatis* sanguinis, & in
 Can. 2. *sensilitatis* fibrarum, ex consulto
 additur hæc speciatim intelligenda esse *re-
 spectu oblatis medicamenti*. Nulla quippe
 datur generalis regula ex sanguinis fluiditate,
 vel quacunque alia singulari ejus proprietate
 petenda, animalis constitutionem, & ipsius
 sanguinis *alterabilitatem* ope omnium quo-
 rumcunque discriminatim medicamentorum
 determinans. Pariterque nec singularis da-
 tur quævis de *sensilitate* fibrarum respectu
 omnium cujusque modi stimulantium medica-
 mentorum determinatio, quæ unicam quan-

CAP. dam proprietatem pro universali fundamento
VII. habeat.

OB structuræ partium firmarum, & combinationis humorum multifarias & omnimodas diversitates, quidam hoc, alii alio medicamentorum fluida mutantium & solida stimulantium genere promptius faciliusque afficiuntur, spretis omnino reliquorum viribus & operatione. Quemadmodum etiam ex antiquorum observationibus, quas quotidiana nostra confirmat experientia, datum pharmacum vi sua nos, nisi per effectum, latente singularis humoris secretionem promovet, aliis fere intactis. Præeunte ergo Bellino^e asserere licet totam rem experientiæ esse, qua discimus per medicamentum tantæ in mutando sanguine vis, aut tanti in villos stimuli, hos aut alios particularum motus produci, atque hunc aut alium humorem secerni, cum de hujusmodi partium atque humorum cohesione, & applicatione apti momenti, nihil per scientiam agnosci possit.

Schol. 3. PRÆSENTIS de medicamentorum dosibus quæstionis non contemnendam partem, ad *emetica* & *cathartica* pertinentem, jamdudum proposuit, & sua methodo solutam dedit peritissimus medicus Gul. Cockburnus.

^e De Miss. Sang. IX. p. 208.

burnus^f. Generalis determinatio de *dosibus* CAP. VII.
 rationem massæ sanguinis servantibus perplacet, eandemque solidis ducti argumentis in
 prægressis amplexi sumus. Ast in viri clarissimi solutione^g quatenus generalem propositionem singularibus vult applicandam constitutionibus, suasque regulas tanquam praxeos normam haberi, plura offendimus, quæ sedulo examinanti, & solidam veritatem indaganti non adeo ex omni parte satisfaciant.

PRIMO enim non universaliter verum est vulgare illud Cockburni, & aliorum postulatum, quo dari sibi velint liquorum secretorum quantitates esse semper, cæteris paribus, in velocitatis sanguinis ratione. Indicavit enim magnus Bellinus^h, neque renuit ipse Cockburnusⁱ, plurimos humores ad ipsorum a reliquo sanguine separationem datum requirere celeritatis sanguinis gradum: quo ergo supra naturalem aucto illorum quantitates consuetis etiam minores secerni debeant.

NEQUE secundo illud Cockburno concedendum est, quod præterea in prædicta solutione

I 4

tione


^f Phil. Transf. Abr. V, 1 p. 394. 395.

^g Ibid. p. 395. 396. 397. &c.

^h De Miss. Sang. III. p. 99. IX. p. 189. 191. 192. 196. 197. 199. 214. De Febr. II. p. 277. 278. V. p. 288. 289. XI. p. 302. XVIII. p. 318. XXI. p. 366. 374. 375. XXII. p. 378. XXVI. p. 393. XXVII. p. 400.

Oecon. Anim. p. 54. 68. 69. 85. 88.

C A P. tione assumitur, velocitatem sanguinis esse

VII.  semper, cæteris paribus, in directâ suæ fluidi-

ditatis, vel inversa sui lentoris, seu graduum, quibus ipsius particulæ cohærent, ratione.

Utut enim resistantia fluidi ab ipsius pendens lentore pro modo celeritatis augescere concedatur, haudquaquam tamen exinde sequitur celeritatem liquidi in canalium systemate moventis, rationem servare directam suæ fluiditatis, suæve visciditatis reciprocâ.

Nec denique datæ medicamenti quantitatis in sanguinem vis rationem hujus fluiditatis sequitur, prout ubique supponit Cockburnus; adeoque cæteris paribus, ad similes in variis constitutionibus effectus producidos medicamenti *doses* sanguinis tenacitati esse debere proportionales. Quum enim lentore sanguinis solem variato, varium quidem, at differentia non magnâ, esset tempus quo intima fieri queat medicamenti cum sanguine mistura, ejusque in ipsum operatio. Neque tamen in hominibus, lentore duntaxat sanguinis differentibus, datæ medicamenti *dosis* effectus necessario forent multum diversi, quanquam non iisdem prorsus peracti temporis spatiis.

Schol. 4. HOMINUM ergo *variæ con-* CAP.
stitutiones aut *temperamenta* haudquaquam VII.
 omnino secundum fluxilitatem sanguinis sunt
 distinguenda, neque sunt res adeo simplices,
 atque ex vulgaribus semeioticis pulsuum, uri-
 næ, aliarumque secretionum cognitu faciles
 ac Cockburno^k aliisque videntur: sed, me-
 dicamentorum saltem respectu, sunt, veluti
 supra monuimus, tales multis modis varia-
 biles conformationes partium suarum fluida-
 rum, firmarumque, ut hujus quam illius
 pharmaci actioni magis sint obnoxii: utque
 hic, quam alius homo, cætera similis, me-
 dicamentis facilius moveatur. Quæ ergo *con-*
stitutiones experimentis sedulo institutis præ-
 cipue sunt dignoscendæ; inque iis quædam
 paullo subtilior observatio adhibenda. “Quia,
 uti ait Celsus^l, “non eadem omnibus etiam
 “in similibus casibus opitulantur. Siquidem
 “certæ quædam res sunt, quæ in pluribus
 “ventrem aut astringunt, aut resolvunt. In-
 “veniuntur tamen, in quibus aliter, atque
 “in cæteris idem eveniat. In his ergo com-
 “munium inspectio contraria est, proprio-
 “rum tantum salutaris”. Et in praxi medica
 parendum est Hippocratis^m consilio, suaden-
 tis

^k Phil. Trans. Ibid. p. 396.

^l Med. Præf. p. 18.

^m De Purgant. 3.

C A P. tis sedulo semper esse de propriis ægri inquir-
VIII. rendum; an verbi gratia ipsum astricta an
 soluta alvus exerceat? an ex antea illi datis
 medicamentis alvus solvi facilis sit, anne mi-
 nus obediens, &c? Atque si parum duntaxat
 certi hac methodo expiscari queas, quod sæpe
 evenire poterit, vel partitis vicibus adhiben-
 da sunt medicamenta, si ægri conditio id fe-
 rat; vel aliter id prudenter monente Fer-
 nelioⁿ, “quoniam nos sæpe multa latent nul-
 “ lis indiciis comprehensa, incognitam labo-
 “ rantis naturam expedit blandis sensim phar-
 “ macis explorare, non temere vehementio-
 “ ribus impetere & labefactare”. In phar-
 macis quoque exhibendis ætas etiam cujusque,
 forma, victus ratio, anni quoque tempus
 quodnam sit, & qualiter circumferibatur, a-
 liaque id genus sapientissimo Hippocrati^o in
 speculationem veniebant.

ⁿ Method. Med. III, 10.

^o II. Epid. III, 43. Vid. & Winteringh. Com.
 Nosolog. p. 75.

CAPUT OCTAVUM.

De Motibus & viribus aëris in respiratione similium animalium.

AER spectari potest tanquam fluidum quoddam extra animal, cavitatibus & fistulis pulmonalibus susceptum & expulsum alternis: cujus omnes usus dum fit respiratio, ejusque præsertim in sanguinem operationes non nostrum est in præsentī exponere. Hic tantum e re nostra contemplandas proponimus vires aëris mechanicas in similium animalium respiratione; quæ omnes deducuntur ex consideratione ejus tanquam fluidi datæ densitatis, & cum determinatis quibusdam velocitatis gradibus contra renixum propulsi.

P R O P. XXXIV. Problema.

Rationes motuum & virium aëris in similium animalium respiratione determinare.

Ad hocce opus facilitandum supponemus probe esse intellecta omnia quæ de circulantium liquidorum motibus superius sunt tradita. His enim rite consideratis facile fluunt quæ
tanquam

CAP. tanquam desiderata de viribus & motionibus
VIII. aëris hic proponuntur.

1. Ex iis quæ ad Prop. V afferuntur sequitur respirationes *similium animalium* æque frequentes esse: inspirationes item unius isochronas esse inspirationibus alterius illi similis animalis. Atque idem de expirationibus dictum puta.

2. EODEM quo usi sumus ratiocinio in Prop. VI deducimus, *quantitates aëris* in similibus *similium animalium* respirationibus inspirati, aut expirati, esse integris ipsorum corporibus proportionales.

3. PROP. IX exhibet methodum qua determinari possint *aëris velocitates*, dato momento temporis respirationis, in correspondentibus trachearum bronchiorumve partibus *similium animalium* esse in ipsorum ponderratione subtriplicata, modo nempe similiter respirent.


4. Ex Prop. XII & XIV facile monstratur *vires absolutas aëris* dato temporis respirationis momento in correspondentibus fistularum pulmonalium *similium animalium* locis, item *pressuras* ejus intendentes in earundem fistularum latera, esse in magnitudinum ipsorum animalium ratione subsequiplicata.

5. METHODUS Prop. XIII & XV demon- CAP. VIII.
 stratur *vires aëris* in correspondentibus tracheæ
 ejusque ramorum sectionibus; item ejus
pressiones in homologas vel fistularum, vel
 vesicularum pulmonalium superficies, ad da-
 tum temporis respirationis momentum, esse
 in magnitudinum *similium animalium* ratio-
 ne sesquitriplicata.

6. SECUNDUM ea, quæ dicuntur in Prop.
 XVI, inveniuntur *vires aëris* pulmonales
 fistulas vesiculasve *distendentes*, aut quibus
 has percurrere nititur, illæ inquam *vires*
 inveniuntur *similium animalium* molibus
 proportionales.

7. ATQUE, quantum attinet ad vasa pul-
 monis aërea, eadem de illis sunt dicenda quæ
 de sanguiferis supra demonstravimus. Nam
 per Prop. XVIII illorum vasorum seu fistula-
 rum, item vesicularum pulmonis aëriarum
firmitates sunt in magnitudinum *similium*
animalium ratione subtriplicata. Et prop-
 terea,

8. SECUNDUM demonstrata in Prop. XIX
 vasa quoque pulmonis, non solum sanguinea,
 sed & aërea, læsionibus magis obnoxia forent
 a quadam respirationis peccante anomalia ori-
 undis in majoribus, quam minoribus anima-
 libus: ni provida natura extra regulas *simili-*

CAP. *um animalium* quasdam singulares usurpasset
 VIII.  methodos ad hocce evitandum incommodum,
 atque ad firmitatem quandam sufficientem
 majoribus animalibus conciliandam; quem-
 admodum in illius Prop. XIX scholiis expo-
 nitur.

9. Ex Prop. XXXIII denique, eique ad-
 nexis, judicium ferre poterimus de viribus &
 quantitibus *virtutum & miasmatum*, quæ,
 aëri inhærentia, per respirationis opus in ani-
 malium pulmones ducuntur, & mirandos ibi-
 dem edunt effectus.

HISCE ergo absolvimus, quantum in no-
 bis est, *similium animalium* doctrinam, ni-
 si quod superest consideratio comparati eorum
 caloris. Sed quoniam hanc rem in libelli de
animalium calore Sect. III. fuse tractavimus,
 in præsentia illi censemus supersedendum: &
 huic de similibus animalibus disquisitioni fi-
 nem faciemus.



DE

ANIMALIUM

CALORE.

Συγκαταίνεω μὲν οὖν καὶ τοῦ λογισμοῦ, ἣν περ ἐκ
περίπτωσιος ποιηταὶ τὴν ἀρχὴν, καὶ τὴν καταφῶσιν ἐκ
τῶν φαινομένων μεθόδευη.

Hippocr. Præcept. I, 19.

Πισεῦτεον καὶ τοῖς λόγοις, εἰν ὁμολογουμένα δεικνύω-
σι τοῖς φαινομένοις.

Aristot. de Gener. Anim. III, 10.

*The works of God are so worthy of their
author, that beside the impresses of his
Wisdom and Goodness left, as it were,
upon their surfaces; there are a great
many more curious and excellent tokens
and effects of divine artifice in the hidden
and innermost recesses of them: And
these are not to be discovered by the
slight glances of the lazy and the igno-
rant; but require the most attentive and
prying inspection of curious and well-
qualify'd minds.*

Boyle Christ. Virtuoso.



D E

Animalium Calore.

P R O O E M I U M.

MINIME in dubium revocari potest theoriam *Caloris Animalium* nobilissimi esse usus in Medicina recte intelligenda, & rite facienda. Quam late patet hæc qualitas, & quam necessaria, quamque multifarii est usus omnibus animantibus? Hæc quippe cuncta, dum in vivis numerantur, caloris temperatione perfundi, morte vero consumpta, hoc prorsus extincto refrigerari, vel sensus ipse declarat; nulla id alia demonstratione, sed unius est Sensus præstantia confirmandum, cœu communi quadam animi notione. “ Δει γαρ

“ λαβειν ὅτι το ζῶον ἐστὶ φῦσει ὑγρὸν καὶ θερμὸν; ”

K

prout

prout ex magni Hippocratis^a doctrina sæpius inculcavit Aristoteles^b : cui assentiebant passim veteres^c, secundum ipsius rei naturam, potius quam crassiores sensus, & vulgares loquendi formulas nominibus usi. Multa enim supersunt animalia, quorum calor tantum a nostro deficit, ut passim *frigida* dicantur, non quidem absolute, sed ratione excedentis caloris, qui nobis tangentibus inest. Sic enim Pisces sanguinis esse perhibentur minus tepidi; illi nimirum, qui pulmone destituuntur: aliaque etiam multa animantia a Zoographis in *Frigidorum* classem amandantur. Quum tamen re penitus examinata, calore, utut modico, potiantur vel Serpentes, Ranæ, aliæque bestię, quas ceu temperamento frigidas commemorant. Atque, si thermoscopio rem examinemus, invenientur ipsi Pisces aquali tepore gaudere, aquis nimirum quibus innatant, paullulum calidiores. Sed & concessa aphilosophica illa Animalium in *calida* & *frigida* divisione, horumque consideratione seposita, innumera restat, præter genus humanum, viventium multitudo, quæ, etiam secundum externos nostros sensus, & propterea secundum ipsum vulgus, calore non contentendo

^a De Diæt. IV, 1.
passim alibi.

^b De Vit. Long. &c. 5. &c.

^c Vid. Cicer. de Nat. Deor. II, 9. 15.

remnendo fruuntur. In quorum numero, quod ad nos majoris est momenti, sunt non solum quadrupeda terræ, sed & non pauci pisces maris, item volatilia cœli; omnia denique quorum fabrica, ratione præcipue partium vitalium, non adeo longe ab humana constitutione diversa deprehenditur.

2. HÆC Animalium proprietas, licet nusquam non obvia, & sensus nostros animumque feriens, Physicorum tamen omnium sæculorum ingenia mirum torsit in modum. Eamque investigandi, & rite explicandi difficultas effecit, ut antiquorum nonnulli omnia se scire profitentes, vel saltem omnia secundum suas hypotheses exponere satagentes, multa absurda, & naturæ rectæve rationi parum congrua de illo commentarentur. Quum scilicet nullam habuerint notitiam Circulationis sanguinis ab Harveio demonstratæ; sine cujus cognitione (ipsius caloris cum vera sit causa) prorsus inexplicabilis hic censendus est. Inspiciat solummodo, qui velit, eorum commentaria de *Temperamentis*, atque de *Calore innato* tantum apud illos decantato, ut videat, præter paucas quasdam observationes, nihil solidi de hac materia ab iis exaratum prodiisse.

3. IMMO parum certi aut determinati de *calore animalium* nobis reliquit ipse Harveius, quanquam de *Calido innato* ex professo tractaverit^d; eum duntaxat, in corde a prioribus locatum, in sanguinem, multis encomiis ab ipso nobilitatum, rectius cum Platone transferens.

4. QUA tamen vel ignota vel neglecta luce, magnus ille Philosophiæ Mechanicæ instaurator Renatus Cartesius^e, ejusque affectu, antiquorum perennem & impense calidum focum cordi redonarunt; sive ignem non lucidum; cujus vi pertransiens sanguis ebulliendo multum calefiat, atque fervidus in omnes corporis partes deferatur. Cui hypothefi (nam hypothefibus nimium delectantur hi philosophi) nec favet ratio, nec phænomena congruunt.

5. NEQUE doctissimus ille Hermannus Conringius in ejus non exiguo libro de *Calido innato*, sive *Igni Animali*, quidquam præter peripateticas, hisque similes nugas, & antiquorum hallucinationes in scenam produxit.

6.

^d De Gen. Anim. LXX.

^e De Method. V, p. 29, &c. De Pass. I, 8. De Hom. p. 8. De form. Fœt. §. 18. 72. Epist. I, 52.

6. NEQUE Sylviana *humorum lucta*^f, fermentationi analoga, ab interno cordis igne præcipue excitata: Neque ex Sylviano penu deprompta *effervescentia* quædam ex occurſu ſanguinis cum chylo, lymphâ, &c. nata, quæ Henſhaviog^g, & Joſepho del' Papa^h, atque, uti videtur, ipſi Newtonoⁱ adeo arrifit; neque hi inquam inteſtini motus, ex diſſimilitudine ſeu heterogeneitate ſibi mutuo occurrentium humorum producendi, mechanicæ corporis animalis, ſanguiniſve genio aut phænomenis ullo modo congruunt.

7. ET quidquam intelligibilius, aut ſanguinis circulationi conformius, fruſtra quæres apud elegantiffimum Villiſium. Hic quippe veterum *calidum innatum*, Cartefianam *Cor-dis flammulam*, atque Sylvianam denique *ſanguinis ipſius fermentationem*, cuncta ſimul unita & permixta pro calore ſanguinis excitando & conſervando primum adſcivit^k. Quibus omnibus poſtea dimiſſis, *ſanguinis incaleſcentiam*, ſive *accenſionem* quandam, neſcio quam, a nitroſo aëre refocillatam, a pabulo ſulphureo ſuſtentatam, & jugi even-

K 3

tilatione

^f Diſp. Med. III, 6. 9. VI, 46. Prax. Med. I, 19. Vid. & Lionard. di Capoa Parer. IV. p. 299. 300.

^g Acro-chal. IV, 2.

^h Dell' Umid. &c. p. 187. De Humor. V. p. 64—

67. ⁱ Opt. p. 375.

^k De Ferment. 5. De Febr. 2.

tilatione depuratam induxit¹. Quæ tamen ne vel ipsi Lowero, de Villisio quamvis adeo magnifice alias sentienti, placere aut satisfacere potuerunt. Eorum quæ in *Pyretologia Willisianæ vindicatione*^m “pro tuenda & continuanda nimis per omnia *Biolychnii* cum “*lampade* analogia Willisii auctoritati & “præconceptæ opinioni confisus” protulerat, candidissimum virum accuratius postea rem examinantem poenituitⁿ. Et quamvis eodem tempore aliquid egregii expectandum proposuerit^o ex Willisii cogitatis de *sanguinis incallescencia*; attamen jam, quum ejus vidisset tractatum, spe fraudatus sua commendationem, prius editam, supprimendam in posterum prudens censuit^p.

8. QUANTO ergo rectius & veritati congruentius jampridem antehac statuerat Jacobus de Back^q sanguinem ab ipsius motu perenni & celeri calefactum, calorem omnibus nostri corporis impertiri partibus? Cui sententiæ facem aliquam prætulisse videri possit Asclepiades, vel alii quidam prisci ævi medici, qui corpuscula & meatus statuerunt nostri

¹ De Sang. Incallesc. ^m Cap. 7.

ⁿ De Cord. edit. 1669. cap. 3. p. 163.

^o Ibid. cap. 2. p. 74.

^p Vid. Ibid. edit. 1680. p. 52.

^q De Cord. III, 3, &c. Vid. & Kyper. Anthropol. XV, 22.

nostri corporis elementa; hujusque *calorem motus* aut *attritus* cujusdam sobolem pronunciarunt^r. Quam sententiam non adeo dilucide, ac foret expectandum, neque secundum rei dignitatem, quanquam variis modis a variis auctoribus, hactenus expositam, confirmare atque illustrare in sequentibus adnitemur: plurima quoque de *Calore Animal* exponentes phænomena, quantum patitur ipsa rerum difficultas, & caloris præcipue intricata natura, nunquam adhuc a Physicis satis explicata, nunquam forte dilucide satis explicanda. Nisi forsitan tanto operi perficiendo non satis sint tenues nostræ vires. Quod eo quoque minus erit mirum; &, si a proposito forte defecero, apud æquos rerum aestimatores me aliquallyter excusatum habebit, quod in argumento versetur a medicis hactenus vel neglecto vel male tractato.

HICCE tractatus prima coëpit rudia quædam lineamenta Leydæ, mox Parisiis excunte anno 1722, ex dissectionibus & mensurationibus anatomicis confirmatus, & aliquantulum amplificatus, multis dehinc annis intactus. Sed postea ex intensiore rerum meditatione & novis experimentis non pauca fortitus additamenta, donec in præsentem,

K 4

forte

^r Vid. Galen. de Trem. 6.

forte nimiam, increverit molem. Quæ certe eo major prostat quod nostra ratiocinia ex aliorum huc facientibus observationibus uberius confirmare & illustrare semper adnisi sumus. Unde res ipsa clarior evasit: sicque etiam ditavimus opus alias forte minus æstimandum.

C A P U T P R I M U M.

De Animalium Calore generatim.

P R O P. I.

Quali caloris gradu tepescant animalia, homines præsertim, eæque, quæ humanam æmulantur fabricam, bestię, inquiritur.

CONGELANTEM aquam, utcunque juxta nostros sensus frigidissimam, aliquali adhuc caloris gradu potiri notum est ex thermoscopiis; in quibus liquores ex intensiore gelu densati notabiliter subsidunt, majusque sic indicant frigus. Immo per Itinerariorum historias notum est aërem quarundem regionum multo esse frigidiorum, quam qui unquam in felicioribus hisce terris naturâ extat apud nos. Ita tamen ut arte Chémica, &
novis

novis rerum miscelis artificiosum creari possit C A P.
 frigus omnem aëris naturalem frigiditatem I.

hominibus vulgo notam facile vincens^a. Ut interim non adhuc dignoscamus, & forte nunquam adamussum noverimus minimum caliditatis gradum, aut quousque ejus procedat extremitas. Qua non obstante consideratione incrementa caloris ab incipiente rigescencia aquæ supputare solent Physici. Ex quorum certe observationibus de minore majoreque caliditate, & arithmeticis quasi differentiis facile judicamus, ejus quamvis non adeo accurate discernamus particulares gradus & veras geometricas proportionales.

2. Sic apud Pitcarnium Scotum^b (quem cum notabili additione exscripsit concivis ejus Cockburnus^c) “calor aëris æstivus elevat
 “ oleum in thermometro ad gradus $7\frac{1}{2}$: calor cutis elevat ad 17 : calor aquæ bullientis elevat ad 50 vel 52”. Ut ergo in thermometro Fahrenheitiano, punctum congelationis numero 32 denunciante, exaratae caloris quantitates incidant in grad. 57, 90 & 212.


3.

^a Vid. Boerh. Chem. I. p. 162. Musschenbr. Tent. Ac. Cim. Add. p. 174.

^b Elem. Med. II, 1. §. 26.

^c See Disc. Cont. p. 24. 25.

CAP. 3. SECUNDUM observationes Angli cu-

I.  jufdam in Regiæ Societatis monumentis^d (quem ipsum effe Neutonum perhibet Derhamus^e, aliique paffim consentiunt) “ calor aëris
“ meridianus circa menfem Julium, calor
“ maximus quem thermometer ad contactum
“ corporis humani concipit, atque calor quo
“ aqua vehementer ebullit” procedunt in hac ferie, 6, 12 & 34; id eft, in thermometro Fahrenheitii, gr. 64, 96 & 212.

4. IPSE Fahrenheitius^f calorem cutis humanæ designat numero 96. Aft Boerhaavius, nescio qua ratione ductus, æftimat^g vitalem hominis calorem elevare folere mercurium in thermometro ad gradum duntaxat quafi 92, aut forte 94, nunquam ad 96 in ftatu fano: calorem 64 constituere aërem nobis valde calidum^h: æftuantiffimum vero calorem æftivum naturaliter a sole productum quam rariffime ad grad. 84 pervenireⁱ.

5. Ex Amontonfii Franci denique experimentis^k colligimus elevationes fluidi in thermometro fupra locum a congelante aqua indicatum,

^d Phil. Tranf. Abr. IV, 2. p. 1. 2.

^e Phyfico-th. II, 2. p. 18. Vid. & Smith in Cote's Lect. p. 222.

^f Phil. Tranf. Abr. VI, 2. p. 18. 52.

^g Chem. I. p. 192. 207. 213. 414. 415. 526.

^h Ibid. p. 207.

ⁱ Ibid. 213.

^k Med. Acad. Sc. 1703. p. 233, &c.

dicatum, quæ fiunt a fervido aëre æstivo, a calore cutis nostræ, atque a bulliente aqua esse lineas 60, 87 & 258. Quæ loca, si conferantur cum Thermometro Fahrenheitiano numeros indicant 74, 93 & 212.

C A P.
I.

6. ET, licet in austrum Patavium usque fueris progressus, Sanctorius, Thermoscopiorum inventor, tibi indicabit¹, quamlibet corporis nostri partem esse aëre æstivo calidiorem. Atque maxima Mercurii altitudo supra gelationis punctum, quam totius sexennii spatio ibidem observavit ingeniosissimus Polenus^m, erat in suo thermometro dig. 5'24, quod vix gradum 91 in Fahrenheitiano attingit.

7. ATQUE Galenusⁿ ex Pergamo in Asia oriundus atque in australioribus Europæ locis magnam vitæ suæ partem degens, expertus est ubique cerebrum internaque corporis viscera omni tempore esse aëre multo calidiora.

8. IMMO in Torrida Zona, quæ veteribus adeo male audit, & sub ipsa æquinoctiali linea, calor aëris, quod ægre credideris, ut plurimum satis moderatus sentitur, & nostri corporis calori multum cedens, uti ex mandatis Regiæ Scientiarum Academiæ sollicitè obser-

varunt

¹ Med. Stat. II, 27. Com. in Avicen. Can. p. 318.

^m Phil. Transf. Abr. VI, 2. p. 31.

ⁿ De Us. Part. VIII, 2.

C A P. varunt olim patres Societatis Jesu °, & nuper

I. Cossignius ^p.

9. HÆC quidem cuncta de aëre umbroso, & a directis solis radiis immuni, intelligenda suadent experimenta quibus thermoscopiorum ope inquiritur ipsius æstivi solis directus calor, passimque tepescentium animantium calori æqualis aut paullulum major determinatur. Si enim Pisas adeas convenies Borellum ^a, Mathescos, Physicesque egregium cultorem, ejusque discipulum Marcellum Malpighium ^r, clarum illum Anatomicum, qui invenerunt aërem sole æstivo calefactum æque incallescere ac viscera bestiarum, Cervi, Bovis, &c. quæ caloris intensitate corpus humanum aliquantulum superant; ab ipsis nempe spiritum ad gradus 40 elevari in vulgari thermometro Florentino. Et calorem nostri corporis, eumque quem corpora terrestria concipiunt ad æstivum solem, utrumque quasi subtripulum caliditatis ebullientis aquæ, æstimarunt Newtonus ^f, & Musschenbroekius ^t.

10.

° Vid. Du Ham. Hist. Acad. Sc. 1690. p. 272. 273.

^p Vid. Mem. Acad. Sc. 1733. p. 580, &c. 1734. p. 759, &c.

^a De Mot. Animal. II. Prop. 96. 221.

^r Oper. Posth. p. 30.

^f Confer. Princip. Math. III, 41. p. 508. & Phil. Trans. Abr. IV, 2. p. 3.


^t Confer. Tent. Acad. Cim. II. p. 22. & Ephem. Meteorol. 1728. p. 697. 680.

10. QUÆ sane cuncta de consueto & moderato calore æstivi solis dicta velim. In magnis quippe ardoribus & æstuante sole ejus calor præter consuetum multum intenditur; uti optima cum ratione dixerit Verulamius^u,
 “ Caloris animalium summus gradus vix at-
 “ tingit ad gradum caloris radiorum solis in
 “ regionibus & temporibus maxime ferven-
 “ tibus”. Atque de immoderatis quibusdam ardoribus innumeræ supersunt observationes tum ex Civili tum ex Naturali rerum Historia depromendæ. Immo hisce in oris, quibus ultra 56 gradus latitudinis elevatur polus, ipse sæpius deprehendi in loco non ventilato thermoscopii fluidum ex directa meridiani Solis vi, dum Cancrum pergraditur, longe magis rarefcere, quam ex contactu mei corporis undique bulbum probe cingentis calefactum. Et metalla ex radiorum solis actione adeo fervida expertus sum ut eorum contactum ultra pauca 2^{da} horæ minutà digiti vix ferrent: nam (uti notavit quoque Newtonus^w) metalla ad solem æstivum valde incallescunt; ut existimandum sit istorum ita calentium ardorem longe majorem existere calore sanguinis animalium.

^u Nov. Org. II, 13. §. 8.

^w Princip. Math. III, 20. p. 420.

C A P. II. E T quum ad nostra tandem deventum

I.  sit experimenta, atque ut aliquid magis definitum, certumque depromamus, paucis dicendum quod, post plurimas accuratissime institutas observationes, compertum habeo calorem meæ cutis elevare solere argentum vivum in thermometro Fahrenheitiano ultra gr. 97, non raro ad gr. 98. Alii homines (nam & multos alios examinavi) ut plurimum eundem sui indicant calorem; quidam pauxillum altius urgent mercurium, & totidem, forte illum depresso rem relinquunt.

12. DOMESTICÆ nobisque familiares bestię, Canes, Feles, Oves, Boves, Sues, &c. nobis sunt calidiores, & ad gradus quasi 100, 101, 102, 103 mercurium elevare potis sunt, si thermometrum ipsorum undique cingatur cute. Ulterius pauxillulum adhuc ipsum suo calore dilatant Aves, ad gradus nimirum 103, 104, 105, 106, 107 & ultra; uti factis periculis in Anseribus, Anatibus, Gallinis, Perdricibus, Columbibus, &c. compertum habeo. Atque hæc de caliditate Hominum, Homini-
busque similium Animalium generaliter dicta in præsentī sufficiant. Et cæterorum animalium calor ex temperie ambientis mediū multum dependet. Sed hæc omnia, aliaque huc facientia plenius considerandi dabitur lo-

cus in Differtatione de *Variis Caloris gradibus prout in variis corporibus notantur.* C A P. I.



Schol. Ex modo commemoratis observationibus luculenter commonstratur calorem humani corporis excedere solere calorem aëris ferventissimæ æstatis, nisi a directis solis radiis accendatur. Neque tamen exinde irretiendi sumus antiqua illa præjudicata opinione de officio Respirationis primario pro refocillando sanguine; quasi hic fervidus nimis refrigerium inspirati aëris necessario exposceret, actumque foret de animali hauriente aërem suo sanguine non multo frigidior.

“ Sciatis”, inquit magnus Boerhaavius^x, neminem posse vivere in aëre qui 90 gradus caloris habet, verum cito in illo mori animalia omnia nobis cognita”. Et aërem 96 gradus calidum omni animali brevi tempore lethalem alta voce proclamat^y. Ita ergo sapientissime res disponi^z, ut “ aër respirando ductus in pulmonem sit semper frigidior longe quam sanguis” pulmonalia vasa perreptans. Ille quippe “ ad gradus 80 raro naturaliter increfcit^a:” “ quam rarissime ad gradus 84 pervenit, neque unquam tum

“ eo

^x Chem. I. p. 192.

^y Ibid. p. 207. 278.

^z Ibid. p. 274.

^a Ibid. p. 553.

C A P. “ eo in gradu diu persistit, sed mox decli-
I. “ nat^b.”

INVITO sane mihi ab excellentissimo Boerhaavio, aliisque maximis viris dissentiendum. Sed magna est veritas & praevalēbit. Cuivis canicularibus diebus facile est experiri exsuperantem ardentis solis calorem. Sed hoc missum faciamus & umbrosum potius sectemur aëra. Taceo interim ventos^c in Ægypto, Mauritania & alibi ignem spirare quasi ex ore furni exhalantem; quoniam horum ventorum observatores exactum gradum illorum fervoris mensurare non curarunt. Ad certiora ergo & magis definita deveniamus. Atque statim nobis occurrit camera Poleni Patavini professoris^d, in qua magnus meridianus calor esse solēbat gradus quasi 89: immo an. 1728 ad gradum usque 91 increvit. Per Amontonsii^e observationes, ipse collegit æstivis ardoribus, etiam absque directa solis vi, mercurium in suo thermometro ultra dig. $6\frac{1}{2}$ supra gelationis locum urgeri posse, quod Fahrenheitii gr. 87 fere attingit. Et Aër observatorii Parisiensis non raro ita cale-

^b Chem. I. p. 213.

^c Vid. Pr. Alpin. Medic.

Ægypt. I, 7. p. 22. Boyle Exp. on Cold, Abr. I. p. 715. Hist. of the Air, Abr. III. p. 52. 53. 54.

^d Phil. Trans. Abr. VI, 2. p. 31.

^e Mem. Ac. Sc. 1703. p. 65. 235.

calefecit thermometrum Hirianum ^f, ut grad. C A P.
 82 indicaret, quod, uti arbitror, coincidit I.
 quasi cum Fahrenheitii gr. 89. Atque sub
 dio, & aprico aëre, meridiano tempore
 magis æstuarè solere comperio quam intra
 domos aut tecta. Unde etiam in Hollandia
 apertum aërem, quamvis a directis solis radiis
 immunem, ad gr. 90 incallescere sæpe obser-
 vavit ^g accuratissimus Musschenbroekius. Im-
 mo an. 1729 ejus calorem invenit gr. 92 ^h,
 atque alias ad usque gr. 94 ⁱ. Et hic, quam-
 vis coelo & soli minus debeamus, attamen
 arte experiri liceat quousque aërem excalefac-
 tum tuto possimus inspirare. Et in *Tepida-*
rio ^k Balnei Edinburgensis calor est utpluri-
 mum gr. 90: ubi aër, primo quidem occur-
 su leviter offendens brevissimo momento adeo
 fit nobis facilis atque placidus, ut ævum ibi
 transigi posse credideris. Et in ipso *Calida-*
rio ^l per horas aliquot tuto consistere possit
 homo, quamvis ibidem aër esse soleat 100
 graduum. Et locus ipse arctis nimis limitibus
 conclusus, humidisque refertus vaporibus,
 aërem

^f Vid. Mem. Ac. Sc. 1707. p. 4. 1708. p. 79. 1719.
 p. 4. 1720. p. 5. 1721. p. 7. 1725. p. 5. 1731. p. 723.

^g Tent. Acad. Cim. Add. p. 40.

^h Phil. Transf. 425. p. 374.

ⁱ Eff. de Phys. §. 974.

^k *Outer Bagnio.*

^l *Inner Bagnio.*

C A P. aërem gravat magis, quam si idem in spatiis

I. liberis æque incalesceret. Quod sane phænomenon, cum Boerhaavianis hypothefibus parum consentiens, si cum iis attenti conferamus, quæ nobis narrant perigrinantes illi qui prope polum aut frigidam Zonam hiemant, & intensissimum passi sunt frigus, interdum infra infimam longe notam Thermometri Fahrenheitii, admirabundi sane percipimus quam ingentem latitudinem caloris aëris minoris, majorisve, perferre possint animantium corpora.

P R O P. II.

Motus vel circulatio sanguinis perennis est vera causa Caloris Animalium.

V E T U S auctor libri *De corde*^m, qui Hippocrati adscribitur, “ το αίμα ουκ είναι τη φύσει “ θερμον αλλα θερμαινεσθαι ” pronunciavit. Et sane in medio vivimus nostro sanguine ut plurimum multum frigore; quod propterea nostrum corpus ad sui facile reduceret temperiem, nisi interna quædam adesset causa exundantem sanguinis caliditatem assidue fovens, atque contra actionem circumambien-

tis

^m De Cord. X, 4.

tis aëris sustentans; vitæ nempe vis, ejus semper promovens motum. Immo celeritas sanguinis, ejusque calor, prout e contrario illius tarditas atque frigus simul conjunguntur a naturæ observantissimo Hippocrateⁿ. Et sane de veritate nostræ propositionis non ægre persuasos, cum maxima præsentium medicorum parte, nos dabimus, si tantum observare dignemur particulas quascunque nostri corporis ex intercepta sanguinis via, per arterias vinculo constrictas, frigidas confestim reddi °: circuloque sanguinis cessante calorem simul & vitam dissipari. Immo in quovis animali, quoad cætera minime mutato, circulationis viribus quomodocunque incrementum fumentibus, vel scilicet pulsum frequentia, vel quantitate sanguinis singulis pulsibus ex corde ejecta, in majus crescentibus, crescere pariter corporis calorem: prout ex altera parte, hisce utcunque diminutis, frigus solito majus, vel, philosophice loquendo, calorem solito minorem animal occupare. Adspice quæso hominem, cætera sanum, sed exercitio immodico fervidum, aut feбри ardente correptum; quam alte quamque frequenter vibrant ejus arteriæ a sanguine copia majore, & mi-

L 2

noribus

ⁿ II De Diæt. XLV, 15. De Flat. XX, 10.

• Galen. de Us. Puls. 3. De Caus. Morb. 3.

C A P. noribus simul temporis intervallis a corde

I. { iis ministrato? Ex altera parte diligens oculos
converte ad hominem lipothymia aut tristitia
gravi oppressum; vel, si hocce te magis de-
lectet spectaculum, versus teneram pallidi
vultus puellam virginea chlorosi affectam,
cui

—————*viridis per viscera pallor*
Ægrotas tenui suffudit sanguine venas^p.

Vix sentiuntur rari, aut, si frequentes, præ-
ter modum exigui arteriarum pulsus, a pau-
co sanguine ægre distentarum; simulque qua-
si frigore digitis attrectantibus percepto. Hæc
sedulo contemplando, & cum aliis, quæ in
historia medica sanitatis & morborum passim
occurrunt, phænomenis conferendo, facile
percipies calorem animalis a vi sanguinis in
motum acti, ceu productiva causa pendere,
ut passim asseritur. Q. E. D.

P R O P. III.

*Animantis calor præcipue producitur
ab attritu motorum liquidorum in
vasorum continentium latera.*

QUAMVIS facile generatim concedi possit
sanguinis motum ejus caloris esse causam,
hunc

^p Virgil. Cir. 225.

hunc tamen præcipue per attritum liquidorum
circulantium in vasorum parietes internos
fieri, est dogma, quod probatissimorum me-
dicorum placitis atque etiam ipsi veritati haud
adeo fortasse videri possit congruum. Nihil
utpote in plurimorum ore magis versatur,
quam idea caloris sanguinis a motu intestino
quasi geniti ejus particularum in se mutuo
ubique & omni temporis momento magna vi
impingentium. Qualis argumentatio cum
aliqua verisimilitudinis specie institui possit,
si, in magnis prout vasis, ubique alias in
corpore animali talis tantusque daretur par-
ticularum motus confusus & violentus; quan-
quam & nulla certe ratio sit qua persuadere
dubitanti possimus etiam vel in hisce vasis
tantum, tantique impetus esse motum illum
intestinum, quem plurimi nullo satis firmo
argumento ducti supponunt. Ast in mino-
ribus vasis huncce motum minimi esse mo-
menti pro certo percipies si attentus consi-
derari velis ingens illud decrementum velo-
citatis sanguinis in ejus a corde ad partes cor-
poris progressu, ex legibus circuitus liqui-
dorum, & divaricationis arteriarum prove-
niens^a: cujus decrementi explicationis & de-
monstrationum, licet pulcherrimarum, si tæ-
deat,

L 3

deat,

^a Vid. Keill. Tent. de Veloc. Sang.

C A P. deat, idem brevius ac facilius ipso sensuum

I.

I. judicio comprobare poteris, si microscopio adjutus, oculis & animo contemplari non dedigneris rem summa, certe, attentione & admiratione dignam; motum volo sanguinis in pellucidis animantium vasculis. In his enim liquores gradu satis lento, si rite subducatur calculus, incedere percipies. Et si forte horum particulæ aliqualem exiguam pati videantur agitationem, haud tanta tamen vi aut velocitate in se mutuo impingunt, quæ tepori sanguinis vel generando vel conservando par esse censerî possit. Eas quippe motu neutiquam confuso, sed contra ordinato satis & uniformi, perpetim secundum longitudinem canalîs progredi videbis, paulo quidem citatiore cursu in medio, remissius ad ejus latera incedentes; quemadmodum perspicaces & accurati hi viri Malpighius^r & Baglivus^r ante te jamdudum adnotarunt. Cujus perpulchræ observationis rationem tenebis, si Borellum^s adeas demonstrantem “fluxum aquæ intra fistulam” minus impeditum, ac proinde “velociorem esse circa “axem quam prope internam cavam ejus “superficiem.” Unde optima cum ratione

Belinus

* Vit. Posth., p. 92.

Diff VIII, II. p. 679.

De Mot. a Gravit. Prop. 215.

Bellinus^t in universum asseruit motum sanguinis tardioris esse fluxus ad latera quam in medio vasorum corporis animalis. Quum itaque a motu circulari sanguinis, ut ab efficiente causa, ejusdem pendeat calor^u; nec tamen motus ejus particularum intestinus (in longe maxima vasorum nostri corporis parte tam lenis, & in subtilissimis vasculis tantum non nullus) virtute tali producendo effectui sit præditus, hinc fateare necesse est illum calorem attritus particularum in vasorum parietes genuinam esse sobolem. Quod erat ostendendum.

C A P.

I.

Schol. 1. MOTUM sanguinis per vasa propulsi nimis debilem pronunciat Leonardus de Capua^w, quam ut tam magno ipsius generando calori par sit. Quod & majore fiducia affirmasset, si lentum hujusce in exiguis vasis reptatum satis agnovisset. Utinam tamen attentus considerasset singularem illam *Caloris* naturam, qua calentis corporis calor non subito, sed lente, & quasi per varios gradus vel augetur, vel imminuitur, ex admota vel ablata calefaciente causa, ut debitæ corporis temperiei conciliandæ non exi-


L 4

guum

^t De Miss. Sang. IX. p. 213. De Febr. XIX. p. 331.
Opusc. ad Pitcarn. XX. p. 121. ^u Prop. 2.

^w Parer. IV. p. 299.

C A P. guum requiratur temporis spatium. Quod

I.  item in calore sustentando multum dependeat ex constanti & non interrupta, neque imminuta istius causæ calefacientis operatione: ut, si hæcce constans & illibata maneat, ratum sit eam, debilis quamvis videri possit, calefaciendi corporis tepori fovendo satis aptam existere. Ut ergo sanguinis circuitus, quum perpetuus sit & nunquam cessans, ejus conservando calori, & refrigerio prohibendo sufficiens videatur. Quomodo autem lentus ille in exiguis vasculis sanguinis reptatus æque commode calorem ipsius generet, conservetque, atque rapidior ejus per majora vasa decursus, quamvis difficilis primo adpectu & paradoxa videatur quæstio, hanc tamen satis commode in sequentibus exponendam confido.

Schol. 2. CUM liquores omnes, & præsertim pingues, qualis est animalium sanguis, inter corpora dura intercepticorum attritum quasi obtundant suffocentque, & calorem alias ex attritu oriundum multum imminuant; prout vel infimæ fortis hominibus notum est experimentis rotarum super axes, vel axium super fulcra in mille machinarum speciebus circumactarum; exinde ansam forte arripias irridendi

irridendi productionem caloris a mutuo liquidorum & solidorum attritu in corpore animato. Quum præsertim habeamus Villisium^{*} asserentem “liquida utut plurimum concussa & agitata haudquaquam intepefcere.” Sed hypotheseos amore abreptus fallebatur Villisius, nosque, si illi totos nos confidamus in errorem abripiet. A quo simplicis rusticarum experimenti ope prompte liberabimur. Lactis quippe cremorem, liquorem certe satis inertem, & impense oleosum jugi agitatione, conquassatione, atque in continentis dolii parietes attritu ad sensum tepefcere norunt mulierculæ, dum butyri a reliqua lactis parte separationem moliuntur. Idemque certiore nota apud Albinum[†] comprobatum video; quum “thermometrum tunc temporis lacti jam ebutyrato immissum majorem caloris gradum evidenter commonstret.” Hoc quidem ex mutatione quadam cremori inducta, & quasi chemico fieri processu forte arbitraberis. Ast, solícite facto periculo, ipsam simplicem aquam vehementer agitatum, fluidum in thermometro paullulum elevasse ipse observasse mihi visus sum: nisi adquisitionem calorem alii cuidam ignotæ

^{*} De Sang. Incal. p. 20.

[†] Christ. Bern. Albin. Diff. Inaug. de Igne, p. 13.

C A P. ignotæ & latentis causæ ortum suum debuisse

I. pertinax nimis adstruere volueris.

P R O P. IV. Hypothesis.

Intensitas caloris ex datorum corporum attritu geniti est in ratione relativæ celeritatis motus eorum in se mutuo attritorum.

ARDUUM est de *Calore* bene differere longeque difficilius de eo quidquam certi demonstrare. Est qualitas, quamvis omnium maxime sensibilis, & ubique terrarum ac cœli nobis occurrens; at adeo subtilis & evanida; & quamvis claritate luminis sæpe illustrata, tantis obscuritatis tenebris involuta, & alte immersa, ut parum duntaxat firmi, & quod genio vere philosophico satisfaciat, adhuc de illius natura compertum sit. Hisce nihilominus impediti difficultatibus, propositionem nostram, si non demonstrare, tamen illustrare, ejusque saltem verisimilitudinem evincere conabimur. Nos interim in multis cum Cicerone ² “sequimur probabilia, nec ultra
“quam id, quod verisimile occurrerit, progredi possumus, & refellere sine pertinacia,
“& refelli sine iracundia parati sumus.” Unde

² Quæst. Tusc. II, 2.

de præsentem quæstionem non adeo tanquam C A P.
theoremata demonstrandum quam hypothesin I.
illustrandam in medium adduximus.

JAM ergo (ut Peripateticas mittamus qualitates) siue *calor* in ipso pernici particularum corporis calentis motu, prout nonnulli statuunt, siue in particularum ignis collectione, veluti autumant alii, consistere ponatur; utut inquam hæc sint, quum videamus corpora, cæteris paribus, quo magis sint elastica, & elementa sua firma & quasi tensa habeant, eo vividiorum ex attritu concipere posse calorem; & contra quo magis mollia, eo ad caloris, alias ex attritu generandi, suffocationem magis esse idonea; hinc verisimile videtur calorem ex attritu productum a corporum contritorum vibratione quodammodo pendere; istiusque caloris intensitatem celeritati agitationis, seu vibrationum particularum quæ in motus cientur, proportionalem esse. Huic etenim celeritati respondeat necesse est, siue vis harum vibrationum calorem generantium in illa *Caloris* hypothesi, siue numerus elementulorum ignis per attritum elicitorum in altera. Istamque celeritatem incrementa sumere necesse est, cæteris paribus, secundum celeritatem relativam qua corpora se mutuo perfringunt. Ex quibus facile est arguere inten-

C A P. intensitatem *Caloris* in dato spatio, seu ex da-

I. { tarum superficierum contritu generati (quum ex hypothefi fit ea prout harum ignearum particularum numerus, vel, fi mavis, ut illarum vibrationum celeritas) effe quoque in corporum perstringentium relativæ celeritatis ratione. Cujus verifimilitudinem ostendere propofuimus.

Schol. FACILE in fufpicionem cuidam venire poffit calorem quoque mutari non folum ex mutata corporum contritorum relativa velocitate, fed ex vi illa, qua fe mutuo premunt, mutata. Ac fi quis hunc in modum cum acutiffimo Bellino^a argumentari vellet. “ Quoniam calor per motum pro-
“ ductus pendet ab attritione partium calo-
“ rem comprehendentium, quæ per motum
“ divulfæ, & a contactu abtractæ calori li-
“ bertatem permittunt; non igitur ubi mo-
“ tus eft, fiet major attritio, & folutio vel
“ generatio caloris; fed ubi motus cum
“ tanto ac tali nifu in partes cohærentes,
“ ut eafdem poffit a mutua cohæfione di-
“ vellere: fed ubi corpora atterentia atque
“ atterenda minus ad contactum premun-
“ tur, minus nituntur in divulfionem —
“ ubi

^a De Miff. Sang. V. p. 109. De Febr. V. p. 289.

“ ubi igitur minor illa pressio ad contac-
 “ tum inter attritura & atterenda corpora,
 “ —minor vis attritionis dabitur, & pro-
 “ ductio caloris minor, etiamsi velocitas co-
 “ rum corporum sit utcunque maxima.”

Possit, inquam, quis cum Pitcarnio^b, aliis-
 que hæc ex Bellino mutuata in medium pro-
 ferre ; aut forte ea, quæ olim de hac re fu-
 sius ac distinctius mihimet proposui hisce
 verbis. “ Concipe tabulam marmoream,
 “ vel porphyriten, supra quem perpetuo
 “ premi atque agitari ponatur filicis, vel
 “ alterius cujusdam duri lapidis frustulum,
 “ quemadmodum in Corallii, aliorumque
 “ similibus medicamentorum absorbentium,
 “ vel pigmentorum lævigatione in pharma-
 “ copœorum pictorumve officinis observare
 “ poteris : vel tibi in mentem revoca tele-
 “ scopii vitrum ad catinum æneum, vel spe-
 “ culum ad planum quodvis motu manus
 “ operantis politum, vel denique cultrum
 “ ad cotem circularem versatilem applica-
 “ tum : hæc, inquam, aut similia cogita, &
 “ meditando percipies, quo fortius premi-
 “ tur filex contra planum marmoreum, vel
 “ vitrum poliendum contra catinum, vel
 “ culter

^b Elem. Med. I, 4. §. 2. Cockburn Oecon. Anim.
 p. 42.

C A P. “ culter contra cotem, &c. eo attritum, &

I. “ calorem ab attritu genitum esse majorem.

“ Prout manifestum apparet eum quoque
 “ augeri ex aucta celeritate motus corporum
 “ in se mutuo prementium. Ex quibus
 “ concludendum videri possit calorem ex
 “ corporum attritu genitum, cæteris pari-
 “ bus sequi debere rationem compositam
 “ ex vi intensiva, qua in se mutuo nituntur,
 “ & relativa eorum motus celeritate.” Sic
 equidem olim mecum argumentabar: at jam,
 re accuratius perpenſa, simul in mentem re-
 vocare jubeo, ex corporum omnium, quæ
 nos novimus, firmorum majore in se invicem
 nisu puncta, vel potius superficies contactus
 similiter ex pressione latiores & numerosiores
 reddi; ita quidem ut minime sit mirum
 quantitatem totam ignis, seu caloris ad plu-
 res particulas applicati, itidem augeri; quan-
 vis caloris in dato quovis puncto vel loco
 nullum, ratione intensitatis, revera fiat in-
 crementum. Prout ex contrario diminuta
 compressione corporum, calorem æque inten-
 sum a data celeritate generari posse, quan-
 quam exiguis spatiolis comprehensus nec sit
 æque durabilis, nec nostris sensibus adeo red-
 datur manifestus. Atque præter veram ca-
 loris intensitatem aliqualis non exigua ejus

mora

mora vel duratio^c, lataque illa quasi copia, & in majus spatium distributio necessario requiritur, ut corpus quoddam, utcunque per se calidissimum, calorem ullum sensibilem prodat, vel tactu animali, vel & ipso thermoscopio percipiendum. Quod uno filicis & ferri collisionis & attritus exemplo constat, nam

Lapidem ferro cum cædimus evolat ignis^d.

Atque utlibet parvo nisu, dummodo sat magna cum celeritate attritio fiat, scintillas hinc excussas, præter fidem exiguas, & noctu quasi oculi evanescentes, vix calidas sentimus; immo fere non animadversas, si radiante sole experimentum fiat. Attamen omnes norunt illas tam parvi, ut videtur, momenti scintillulas aptas satis esse pulveri pyrio in flammam convertendo: cui accendendo, per Amontonii^e experimenta, idem requiritur calor, qui liquefaciendo plumbo sufficiat. Immo, quod admirationem augebit, prædictas scintillulas longe adhuc majore absoluto caloris gradu, minimo tamen temporis momento vix durante, hinc novimus; quod accurato examine microscopiorum ope inveniantur

^c Bacon. Nov. Org. II, 13. §. 35.

^d Lucret. VI, 313.

^e Mem. Ac. Sc. 1703. p. 240. 247.

C A P. inveniantur^f particulæ in attritu a filice &

I. ferro deraſæ ex magna caloris vi liqueſieri ;
 immo interdum violentia momentanei illius
 ignis, calori foci Villetiani ſpeculi haud ce-
 dentis^g, in fuſione vitrificari. Quas avul-
 ſas particulas, propter exiguitatem ipſorum,
 ceu quandam fuliginem corpoream habuit
 Verulamius^h.

QUOD ergo ex motus corporum violen-
 tia, quam compreſſionis magnitudine, ma-
 gis eorum pendeat calor, hinc conſtare vi-
 detur ; quoniam in exemplis ſupra poſitis tri-
 tûs ſilicis in porphyriten, vitri in catinum,
 cultri in cotem, aliorumque ſimilium ope-
 rationum, nunquam ullus elicietur ignis, qua-
 litercunque magnus ſit niſus corporum in ſe
 mutuo prementium, niſi mutua attritio de-
 bita celebretur cum relativa celeritate : ſe-
 cundum cujus pernicitatem percipiemus mu-
 tari calorem, dummodo corporum mutua
 compreſſio non penitus deficiat.

SIC pariter ſi dentur contritiones corpo-
 rum & velocitate attritus, & vi tota com-
 preſſionis, & ſubſtantiæ duritie, & cæteris
 omnibus denique conditionibus prorſus cæ-
 dem, niſi quod ratione ſuperficiæ contactus
 diverſæ

^f Hook. Microgr. VIII. p. 44.

^g Vid. Boerh. Chem. I. p. 243. 251.

^h Nov. Org. II, 12. §. 21.

diversæ supponantur; tunc nullum, credo, CAP. I.
 dabitur intensitatis caloris discrimen; quan-
 quam, ut patet, contactûs quæcunque æqua-
 les portiones magnam, ratione vis compri-
 mentis, differentiam subeat. Ut si in cotem
 versatilem data velocitate gyrantem æquis vi-
 ribus plura nitantur ferri frustula, idem se-
 cundum nostram hypothesein in iis excitabi-
 tur calor utcunque diversæ sint contingen-
 tium superficierum amplitudines.

P R O P. V.

*Liquidi in canale moti quantitas at-
 tritûs in istius latera, calorem ad
 quamvis ejus sectionem generantis,
 est in ratione composita celeritatis
 liquidi & diametri datæ sectionis.*

VELOCITAS quippe fluidi per datam ca-
 nalis sectionem transeuntis, vel & velocitas
 cujusvis particulæ ipsius fluidi est analogâ rela-
 tivæ celeritati corporum, quorum attritus,
 atque intensitas caloris ab attritu geniti,
 modo ⁱ determinabantur hujus celeritatis se-
 qui rationem. Atque præterea velocitate li-
 quidi data quantitas attritus & extensio geniti
 caloris mutationes subeunt secundum mag-
 nitudinem

M

ⁱ Prop. 4.

C A P. nitudinem peripheriæ sectionis cui ipsum

I. applicatur fluidum. Unde manifeste concluditur totam quantitatem attritus generantis calorem liquidi, quod per canalem defertur, ad latera datæ cujuscvis sectionis, esse in ratione illius velocitatis, simul & hujus peripheriæ; vel (quod non variat rationem) velocitatis liquidi, atque propositæ sectionis diametri. Q.E.D. Id est, velocitate liquidi dicta C, & diametro sectionis D, ut $C \times D$.

Coroll. HINC liquoris per canalem propulsi, cæteris paribus, data ipsius celeritate progressiva, quantitas attritus calorem generantis, & propterea quantitas etiam geniti caloris, sunt ut canalis diameter: atque data sectione, ut illa celeritas.

P R O P. VI.

Calor fluidi per canalem lati, ex perturbato particularum motu, in omnibus datæ cujuscvis sectionis locis uniformis efficitur.

SI particulæ liquoris per canalem pulsi recta semper ferrentur, invariata respectu laterum canales positione, tum certe in data sectione

tione aliqualis daretur diversitas caloris in variis ipsius sectionis locis. Minor enim omnium esset in medio ad axem, major ad ipsius cavam superficiem. Ast quando in concreto rem consideramus, vix forte hujus rei ullum exhiberi possit exemplum; quum omnia quæ vi propelluntur liquida ex sua natura diffluant, & multum confusos patiantur motus; ut sic quædam particulae jam ad axem, jam ad latera jactatae conservent in tota sectione eundem quasi æquabilem caloris gradum.


Q. E. D.

P R O P. VII.

Calores liquorum per similes canales motorum ab illorum in horum latera attritu geniti sunt ut quantitates attritus calorem gignentis ipsis canalium sectionibus applicatae.

POSITIS omnibus ut antea, fluidi moti particulae non calefiunt nisi quatenus vel ad canalium latera applicantur, vel quatenus particularum immediate ad illa applicatarum calefaciente virtute afficiuntur. Sed quo major est data canalis sectio, vel quo major in eo simul contineri potest particularum numerus, eo illarum plures istis calefcendi modis destituuntur; cum e contrario, quo minor est ea

C A P. sectio, eo sunt pauciores particulæ, quæ im-

I.  mediatum hunc attritum & calorem sibi impertitum non accipiunt. Unde facile percipitur qua ratione uniformis calor particularum confuse inter se motarum diminuitur secundum majorem, augeturve recundum minorem amplitudinem tubi, in cujus latera celebratur attritus. Ut sic calores liquorum per similes canales motorum reddantur in ratione composita ex directâ quantitatum attritus calorem gignentis, & transversarum sectionum canalium inversa. Q. E. D.

Coroll. 1. DICTI æquabiles calores sunt ut hæ quantitates sive attritus, sive geniti caloris directæ, & quadrata diametrorum similium sectionem inverse. Nam sectiones sunt suarum diametrorum quadratis proportionales.

Coroll. 2. QUUM autem hæ quantitates attritus calorem gignentis sint ^k in composita ratione velocitatum liquorum & diametrorum sectionum canalium liquores vehentium, id est in duobus diversis canalibus ut $C \times D$.. $c \times d$; hinc sequitur dictos liquorum fluentium calores esse ut $\frac{C \times D}{D^2}$.. $\frac{c \times d}{d^2} :: \frac{C}{D}$.. $\frac{c}{d}$,
id

^k Prop. 5.

id est, ut liquorum celeritates canalium diametris applicatæ.

C A P.
I.
}

Coroll. 3. HINC dato canale calor uniformis liquidi transeuntis ab attritu genitus est in velocitatis ipsius ratione.

Coroll. 4. CÆTERIS etiam paribus data fluentis liquoris velocitate, calores ejus æquabiles ab attritu in canalium latera producti sunt in eorundem diametrorum ratione inversa.

Coroll. 5. SI in duobus canalibus liquida mota ferantur celeritatibus, quæ ipsorum canalium diametris directe sint proportionales, tum illa ab attritu æqualiter incalescunt. Positis enim, uti supra, dictis diametris D, d , quibus proportionales supponuntur respectivæ celeritates C, c ; tum calores liquorum forent¹ ut $\frac{C}{D}, \frac{c}{d}$: atqui in præsentī hypothesi $C \dots c :: D \dots d$; ut permutando^m sint $C \dots D :: c \dots d$, sive $\frac{C}{D} = \frac{c}{d}$, id est geniti calores æquales.

¹ Cor. 2.

^m Eucl. Elem. V, 16.


CAPUT SECUNDUM.

De Calore in variis ejusdem animalis partibus.

PROP. VIII.

In ramificato canalium systemate, trunco nimirum in ramos, ramisque in minores ramulos, & sic porro ordinatim divaricatis, liquoris per ipsos fluentis calor ab attritu genitus possit effici vel omnino æqualis in omnibus, vel etiam per quamcunque velis rationem inæqualis, secundum varietatem ipsius divaricationis.

SIT canalis A in ramos B B divisus, hique iterum in minores ramulos C C & K K divarica-



ti, atque sic porro: dico divaricationem ita posse constitui; atque ramos simul sumptos talem habere posse amplitudinem respectu trunci

trunci unde oriuntur ; inque dicto systemate ita modificari liquidi velocitatem, ut calor ab attritu genitus reddatur vel ubique uniusmodi & sui similis ; vel etiam major ; vel denique minor, in truncis quam in ramis qui ex truncis pullulant.

1. CALOR liquoris in canale moti, ab attritu in hujus latera genitus, est ^a ut ipsius velocitas ad ejus diametrum applicata : unde si in divaricatione canalis fluidum vehentis talem rami, ratione trunci unde oriuntur, habeant amplitudinem, atque ita temperetur velocitas, ut ea minuatur pariter prorsus ac minuuntur ramorum diametri ; quo scilicet velocitates liquoris in trunco & ramis eandem habeant cum vasorum diametris rationem ; hoc inquam posito satis constat ^b calorem in utrisque, & trunco nimirum & ramis, esse omnino æqualem.

2. SIN vero conjuncta amplitudo ramorum talis sit, ut velocitas in iis vel sit major, vel æqualis, vel etiam differentiâ tantum exiguâ minor quam in eorum, unde pullulant, trunco ; tum sane calor ab attritu genitus major etiam fiet in illis quam in hoc ; existens ^c quippe, cæteris paribus, in reciproca diametrorum ratione.

M 4

3.

^a Prop. 7. Cor. 2.^b Prop. 7. Cor. 5.^c Prop. 7. Cor. 4.

3. FACILE denique effici poterit liquidi calor in ramis minor quam in trunco; si amplitudines ramorum simul sumptæ magno excessu superent trunci amplitudinem; ut scilicet major fiat velocitatum transfluentis liquoris, quam diametrorum vehementium vasorum differentia. Ex quibus comprobamus liquidi per ramificatum canalium systema vecti calores ab attritu genitos in trunco hujusque ramis, ramorumque minoribus ramis, atque sic porro per totam divaricationum seriem, posse fieri vel æquales, vel, quocunque velis modo, inæquales, secundum variatam ramificationis legem. Q. E. D.

P R O P. IX. Phænomenon.

Calor in variis partibus animalis sani ab aëre externo non frigentibus, ullove modo mutatis naturaliter est fere æqualis.

MULTA quidem commentabantur antiqui de ingenti varietate caloris variorum viscerum & particularum corporis animati. Qua vero ratione, quibusve principiis, præter falso conceptas opiniones, suas regulas hac de re concinnare potuerunt, non adeo constat. Ignorabant circuitum sanguinis, unde natum vidimus

vidimus^d calorem, hujusque varios gradus; C A P.
ut de vario diversarum partium calore a prio- II.

ri, & ex rei natura decernere illis fuerit impossibile. Iisque deerant modi & instrumenta quibus de illo cum aliqua accurationis, certitudinisve specie jam nobis dijudicare licet. Nihilominus tamen^e *cutis*, tanquam cæterarum particularum norma, mediæ statuebatur temperiei. *Cerebrum* autem omnesque *partes nervosæ*, aut *albidæ*, *ossa* item, *tendines*, &c. frigida habebantur; ratione nimirum partium sanguine & rubore saturatarum. Ut hinc *Hepar*, ab iis pro concreto sanguine, peculiarive parenchymate æstimatum, calidissimi visceris titulo commendaretur; excepto tamen *Corde* ipsius *calidi innati* quasi habitaculo atque fonte. Et magnifica sane sunt quæ ab omnibus ad usque Harveium medicis scriptoribus prædicantur de ingenti nativo calore *Cordis*, mentis domicilii, spiritum vitalem, & quasi ignem cœlestem ad cunctas corporis particulas per vias arteriarum perpetuo diffundentis. Quod præclarum dogma sua communivit auctoritate ipse princeps Hippocrates^f: qui etiam (vel forte secundum conjecturam

^d Prop. 2.

^e Galen. de Temper. I, 9 II, 3.

^f I de Diæt. XI, 38. De Insom. I, 2. De Corde (si Hipp. sit) V, 7. VIII, 9.

C A P. jecturam doctissimi Conringii^g, ei coævus

II. magnus ille naturæ perscrutator, Democri-

tus) cor omnium membrorum, quæ homini

insunt, calidissimum disertis verbis pronun-

ciavit^h. Quod a Platoneⁱ, Aristotele^k,

Aretæo^l, Ruffo^m aliisque acceptum, sen-

suum testimonio comprobare voluit Gale-

nusⁿ: quum “ in pectoris animalis dissec-

“ tione, si digitos in sinistrum ejus sinum im-

“ miseris, invenies,” inquit, “ locum hunc

“ omnibus, qui in animali sunt, non paullo

“ calidiorem.” Unde nonnulli^o anatomi-

carum administrationum minus expertes vi-

vum adurentem ignem in corde sibi com-

menti sunt. Quamvis sapientior Avicenna^p

essentiam naturalis caloris cordis esse non

inflammata disertis verbis pronunciaisset.

Et Lambertus Velthufius^q, licet affirmet

“ digito in cor animalis vivi dissecti immisso

“ nos

^g De Calid. Innat. 5. p. 32.

^h De Princip. VII, 3.

ⁱ In Tim. p. m. 489. ^k De Juvent. &c. 4.

^l De Acut. Caus. &c. II, 1.

^m De App. Part. I, 25.

ⁿ De Temp. I, 9. II, 3. De Inæq. Intemp. 5. De
Uf. Puls. 2.

^o Abu Jaafar ebn Tophail Phil. Autodid. p. 64. Ali
Rodoan. Com. in Galen. Art. Parv. apud Gomet.
Pereir. Anton. Margarit. p. 326. 770. Quibus nimi-
um faventes videri possint Columb. de Re Anat XIV.
p. m. 477. 481. Diemerbr. Anat. II, 6.

^p Can. III, XI, I, 1. ^q De Gener. 9. p. 244. 245.

“ nos experiri calorem intensissimum, qualem in nullis aliis corporis partibus;” eum tamen non valde acrem agnoscit, nec liquefaciendæ pinguedini, quæ circa cor est, parem.

2. QUIBUS de excedente fervore cordis opinionibus occurrens antea laudatus Backius^r hocce utitur argumento, quod “ tactus de calore sententiam ferre potest, neque fides abroganda de proprio objecto ferenti judicium: aperto vivi animalis pectore tantus calor in Corde tactu non percipitur, neque exploranti major quam aliorum viscerum observatur.” Hæc ille, cui adstipulantem habemus ingeniosum Thomam Cornelium^f; qui, Backio prorsus similis, “ si,” inquit, “ tactus judicium sequamur vix majorem in Corde quam in cæteris visceribus calorem esse testabimur, ut sæpe in vivorum animantium dissectione notavimus.” Atque in ventre morientis animalis calorem contactu comperit Vepferus^t cordis calori prorsus non imparem. Cujus rei accuratiorem confirmationem habemus apud Borellum^u; qui non sensibus ipsis,

^r De Corde III, 1. p. 185.

^f Progymn. Phys. VIII. p. 106.

^t De Cicut. Aq. XIII. p. 199.

^u De Mot. Anim. II, 96. 221.

C A P. ipsis, nedum sectarum patronis fidens, ma-

II. thematico suo ductus ingenio, ulterius pro-

cessit, ac minus fallaci methodo, per experimenta consulto instituta invenit *Cor*, *Hepar*, *Pulmonem* atque *Carnes* animalis eodem quasi caloris gradu potiri. “ Ut ex-
 “ acte quippe gradum caloris agnosceret—
 “ vivi cervi pectus aperiri curavit, & subito
 “ iussit thermometer per cicatricem intra
 “ *cordis* sinistrum ventriculum insinuari.—
 “ Et postquam similibus thermometris men-
 “ suravit gradum caloris *jecoris*, *pulmonum*
 “ & *intestinorum* in eodem cervo vivo, pa-
 “ tuit eodem caloris gradu foveri *cor*, ac
 “ viscera reliqua.” Atque Borellianis hisce experimentis omnino similia profert fidelissimus Malpighius^w. Unde tutissime Boerhaavius^x; “ Nec thermoscopium vivo *cordi*
 “ immissum docet majorem ibi quam alibi
 “ sanguini inesse.” Atque Lowerus^y, de *Cordis* dignitate satis sollicitus, palam affirmat nos sanguini in totum debere quod *cor* ipsum caleat; conceditque majorem illi calorem quam cæteris musculis a natura datum non esse: atque præ cæteris corporis membris calore magis constante & vegeto donari,

^w Op. Posth. p. 30.

^x Inst. Med. §. 169.

^y De Cord. II. p. 52.

donari, quantum duntaxat continuo motu, & in loco adeo concluso indefinenter exercetur.

C A P.
II.

3. ATQUE hæc sufficiant de interiorum corporis animalis viscerum æquali caliditate. De exteriorum vero partium atque internorum simili tepore audiamus sapientissimum Vepferum.” “^zNemo,” inquit ille, “negabit
“ extrema cum partibus internis æquali calore
“ præditum iri, quamdiu sanguis calore &
“ spiritibus illustris inoffense per arterias
“ quaquaversum dispergitur, ac superfluus in
“ venas recipitur, ad cor currit atque ad
“ extima recurrit: non enim aliunde quam
“ a sanguine calent.” Atque, si varia cutis nostræ loca examinare placuerit, notabis Amontonsum ^a casu comperisse thermometri fluidum non altius potuisse elevari a calore oris, quam ipsius manus bulbum comprehendentis. Et ipse, sæpe & solícite factis periculis, inveni thermometrum eundem caloris gradum notare, siue bulbus detineretur probe, quantum fieri potuit, inter femina opertus, siue sub axilla, siue in manu, siue in ore comprehenderetur a me tepido in lecto cubante. Immo, quod non facile credidisses, expertus sum calorem
in

^z De Cicut. Aq. V. p. 51.

^a Mem. Ac. Sc. 1703. p. 236.

C A P. in hisce locis ab aëris frigore bene munitis parum tantum cedere interno viscerum calori.

II.

Quum nempe calor meæ cutis esse consuevit gr. 97 aut pauxillulum ultra, inveni urinam, dum emittitur, receptam vase ad temperiem nostri corporis ante focum redactō, proderē sui calorem ut plurimum quasi gr. 98, aut paullo plus. Atque vesicæ & confinium viscerum calorem indicat urina recens emissa. Ut ergo, secundum ea quæ modò ex Borello mutuavimus de æquabilitate temperiei carnium viscerumque animalis, concludendum est consuetam horum caliditatem, & calorem medium nostri sanguinis, dum sani sumus, vix superare grad. 99, aut ad summum ad gr. 100 accedere.

4. EXTERNUM calorem brutorum quorundam animantium ut canum, ovium, boum &c. erat quasi grad. 100, 101, 102, &c. Eorundem viscera atque sanguis indicabant calorem uno aut altero forte gradu majorem. Atque, uti antea ^b declaratum, aves, quas examinare adhuc contigit, paullulum magis undique calebant quam quadrupedes bestię; & avium quoque cute ipsarum visceribus non multum frigidiorē comperta.

5.

^b Prop. I. §. 12.

5. Ex quibus omnibus ergo sibi mutuo collatis colligimus, quod enarrata experimenta & observationes eo colliment, ut percipiamus calorem in variis animalis sani partibus, atque ab injuriis externi aëris omnimodo tutis, esse ubique uniusmodi fere, sui que similem, sive quam proxime æqualem. Q. E. D.

Coroll. I. STATUEBAT Hippocrates in ventriculo per calorem cibos concoqui^c. Unde nonnulli ingeniosi viri ventriculum calidis arteriis, venis, visceribus circumdatum, & ingesta alimenta digerentem conferre soliti sunt lebeti, cui culinaris ignis supponitur. Danda est comparationi venia, dum modico & vere vitali ventriculi calore contenti sint. Quum autem adeo moderatus sit etiam internus corporis nostri calor, neque externum multum exsuperans, jure miraberis Stukelium^d post tot recentiorum observationes huc facientes, non contentum exarata illa veterum similitudine, etiam disertis verbis adserere voluisse sibi videri calorem ventriculi fervore aquæ in lebete excalectæ *vere* non multo minorem.

Coroll.

^c Vid. Cels. Med. Præf. p. 6.

^d Of the Spleen, p. 35.

CAP.

II.

Coroll. 2. SI ad prædicta Borelli aliorumque experimenta attendisset magnus noster Pitcarnius, nec ipse errasset, neque alios in tam gravem errorem induxisset, asserendo, ex male concepta caloris animalis theoria, eum esse in ratione composita velocitatis sanguinis, hujusque vicinæ a corde cunctim^e. Quum enim, ipso fatente Pitcarnio, celeritas sanguinis decrescat in ipsius a corde progressu, hinc in ejus hypothese sequeretur calorem immensum minui in partibus a cordis vicinia remotis; idque duplici de causa, & nimirum propter diminutam sanguinis celeritatem, & propter majorem a corde loci distantiam: omnino contra experientiam, rectamque rationem.

Coroll. 3. NEQUE etiam morari nos debet doctrina Jacobi Keillii^f, qua perhibet ille calorem sanguinis ab intestino ejusdem particularum motu unice pendere, atque proinde decrescere ea pariter ratione qua vasorum cava simul sumpta increscunt; & sic in exiguis arteriis atque a corde longe distantibus insigniter imminui.

Schol.

^e Elem. Med. I, 4. §. 4, &c.

^f Tentam. IV. p. 84.

Schol. 1. CUM sanguis lentius paululum procedat in venis quam respondentibus arteriis, differentiâ quamvis satis exiguâ, uti alias monstravimus; hinc nil mirum, neque nostræ doctrinæ quidquam officit, sanguinem, dum venas perlabitur, aliquantulum de suo calore, quo in arteriis fruebatur, antequam cordi redditur, amittere: id est, sanguinem arteriosum venoso calidiorem apparere; prout expertos se tradunt Galenus^s & alii: atque horum præsertim nonnulli qui arteriosum bruti animantis sanguinem in ipsorum venas transfusum admiserunt^h. Cujus tamen excedens calor alia etiam de causâ sentiri debuitⁱ. In meis interim de hac re periculis vix ullum caloris arteriosi sanguinis excessum deprehendere potui.

Schol. 2. NEQUE nostræ doctrinæ adversatur vulgare istud phænomenon quod in frigida tempestate corpora nostra nec foco, nec exercitio, aliove modo a vi intensissimi frigoris munita, multum ab illius sævitie patiantur; immo ut gelidæ prorsus interdum appareant extimæ, frigoriq[ue] magis expositæ partes,


N

cutis

^s De Decr. Hipp. &c. VI, 8. De Sem. I, 8. De Tum. II.

^h Vid. Denis in Phil. Transf. N. 27. p. 502. 503. N. 32. p. 620. 621.

ⁱ Vid. supra Prop. I. §. 11. 12. Prop. 9. §. 3. 4.

C A P. cutis nempe, manus, pedes, &c. interioribus interim parum adfectis. Non enim ali-
 II. enum videtur, neque præter expectationem accidit partes aëri sævo expositas magis a vi frigoris affici quam alias interne latentes, ac multa cute & crassis carnibus probe munitas. Cum tamen nostra propositio de animali sano, atque ab externis aëris injuriis prorsus immuni ac libero intelligenda sit. Licet interea sit concedendum cutem non adeo prorsus intenso consuescere gaudere calore ac interiora nostri corporis: quum nempe nunquam non circumdemur medio, aëre nempe, quod rare tanto, quo sanguis noster, caloris gradu tepescit. De mutationibus vero caloris, secundum varias anni tempestates, aërisque vicissitudines ex consulto fufius aliquando^k agemus.

Schol. 3. E T frustra quoque nobis obijcies in quibusdam casibus unam partem præ reliquo corpore magis minusve calere. Hoc quippe per morbum, & extra naturæ normam contingit. Etenim, uti ait Hippocrates^l,
 “qua

^k Prop. 23.

^l Aph. IV, 39.

Prænot. XVI, 8. II Prædict. XLVI, 7. Coc. III, 243. De Crif. VIII, 3. I de Morb. XI, 33. De Int. Affect. XXXIII, 5. Confer. & Celf. Med. II, 2. p. 48. 15. II, 7. p. 63. 1. p. 65. 28. II, 8. p. 75. 18.


“qua corporis parte inest calor aut frigus ibi morbus.” Cum contra “corpus æqualiter calidum apparere” inter boni ominis notas recensere soleat ^m; atque aliter malum aliquid imminere ⁿ.

C A P.
II.

P R O P. X.

In ramificato canalium systemate invenire legem divaricationis trunci in ramos, ut vasorum diametri trans-euntis liquidi velocitatibus sint proportionales; atque sic æqualis in utrisque conservetur calor.

SIT truncus A divisus in quoscunque velis ramos ℓ , β , b , duos, tres aut quatuor, æquales vel inæquales, prout libuerit; atque trunci dictorumque ramorum diametri appellentur D, d , δ , d ; quorum ergo



^m Prænot. VIII, 12. XIV, 12. II Prædict. XI, 10. Coac. III, 156. 346. Confer & Cels. II, 3. p. 49. 27.
ⁿ Aph. IV, 48. 65. VII, 1. 26. 72. VIII, 12. Prænot. VIII, 11. XV, 7. 8. 9. XVI, 16. XXV, 5. Coac. I, 165. III, 345. I Prædict. I, 8. X, 11. I de Morb. XXVII, 15. II de Morb. XXXVI, 24. XXXVII, 2.

C A P. go amplitudines A , b , β , b respective proportionales erunt D^2 , d^2 , δ^2 , d^2 ; dum celeritates liquidi in trunco & hisce ramis dicuntur C , c , κ , k ; quæ ad æqualem conservandum calorem prædictis diametris D , d , δ , d proportionales requiruntur°. Cum vero ex divaricato trunco æquali fere velocitate influeret liquor etiam in inæquales pululantes ramos, qui acciperent quantitates suis amplitudinibus fere proportionales, si modo eadem omnes obliquitate respectu directionis trunci orirentur; hinc ut celeritatum liquoris cum vehementium canalium diametris debita procuretur attemperatio, alia præterea constructionis ratio requiritur. Oportere nempe majores ramos directius, minores obliquius ex trunco ferri; quo scilicet major in illos, minor in hos ingrediatur liquoris copia; etiam differentiâ majore, quam orificiorum postularet ratio. Ut hinc nimirum liquoris velocitates, quæ alias æquales forent, vehementium tuborum diametris reddantur proportionales.


2.

De Affect. XI, 5. I Epid. II, 159. II Epid. II, 77. 92. IV Epid. XXIX, 1. 6. VI Epid. II, 71. VIII, 5. 90. 93. De Vict. Acut. XVI, 11. XXI, 16. Confer & Cels. II, 4. p. 51. 23. II, 6. p. 55. 22. II, 7. p. 61. 2. II, 15. p. 90. 23. ° Prop. 8.

2. ATQUE sic attemperata ramorum positione, ut horum simul junctarum amplitudinum ad trunci amplitudinem inveniatur ratio, primo animadvertimus quantitates liquoris in dato tempore transeuntes per datas canalium quorumcunque sectiones, esse in ratione ipsarum sectionum & velocitatum liquidi composita. Unde quantitates per dictos trunci ramos b , β , b simul fluentes sunt ut $d^2 \times c$, $\delta^2 \times \kappa$, $d^2 \times k$; quibus omnibus quantitatibus æqualis liquidi moles ministrata, & proportionalis $D^2 \times C$ eodem tempore transit per illorum ramorum propositum truncum A. Id est $D^2 \times C = d^2 \times c + \delta^2 \times \kappa + d^2 \times k$; & proinde (quoniam in præsentī hypothēsi celeritates C , c , κ , k sunt diametris D , d , δ , d proportionales) erit $D^2 \times D$ vel $D^3 = d^3 + \delta^3 + d^3$; id est cubus diametri trunci est æqualis simul additis cubis diametrorum omnium ab ipso pullulantium ramorum. Unde itaque $D = \sqrt[3]{d^3 + \delta^3 + d^3}$; hoc est *diameter trunci æqualis est radici cubicæ omnium simul sumptorum cuborum latitudinum ramorum*. Atque sic ex data ramorum inter se proportionē, id est, divaricationis specie, innotescit ratio amplitudinis trunci ad ramorum conjunctas

C A P. amplitudines, in hypothefi propofita æqualis
 II. ubique confervati caloris. Q. E. I.

Coroll. 1. SI singularis quivis truncus A
 dividi ponatur
 in æquales quof-
 cunque ramos
 B, B, quorum
 numerus voce-



tur r ; tum iisdem positis erit $D^3 = d^3 + d^3$
 $\&c. = d^3 \times r$; unde $d^3 = \frac{D^3}{r}$: ergo $d =$
 $\sqrt[3]{\frac{D^3}{r}}$: hoc est, *diameter cujuscvis ramorum*
æqualium æquatur radici cubicæ cubi dia-
metri trunci ad ramorum numerum appli-
cati. Unde nota diametro trunci, & ra-
 morum numero sponte innotescit rami sin-
 gularis diameter.

Coroll. 2. QUUM in constanter æquali
 ratione diametrorum canalium ferentium &
 velocitatum liquoris lati, amplitudines secti-
 onum tuborum sint in alterutrarum, vel sci-
 licet illarum diametrorum, vel harum velo-
 citatum duplicata ratione: cumque quanti-
 tates liquidi per sectiones quascunque fluentis
 sint in celeritatum illius & amplitudinum ha-
 rum composita ratione; hinc facile sequitur,

in

in præfenti divaricationis constitutione, *quantitates liquoris per data vasa fluentis esse* ut ipforum diametri & diametrorum quadrata conjunctim: id est *in diametrorum triplicata, sive amplitudinum sesquuplicata ratione.*

Schol. UT hæcce nostra doctrina de truncorum cum ramis comparatione manifestior faciliorque fiat, juvat eam paucis quibusdam exemplis illustrare.

Exempl. 1. DIVIDI concipiamus canalis truncum in duos omnino æquales ramos, quorum amplitudines sint in ratione æqualitatis, sive ut 1 ad 1, & propterea diametri ut $^2\sqrt{1}$ ad $^2\sqrt{1}$, sive pariter ut 1 ad 1: his positis ex propositione diameter trunci proportionalis est $^3\sqrt{1^3 + 1^3} = ^3\sqrt{2} = 1'2599$: cujus ergo orificium proveniet ut $1'2599^2 = 1'5874$. Ut amplitudo trunci reddatur ad conjunctas amplitudines ramorum uti 1'5874 ad $1 + 1 = 2$; sive ut 100 ad 125'99.

Exempl. 2. SIN vero truncus dividatur in duos non æquales, sed dispares valde ramos, qui nempe sint ad se invicem in ratione

C A P. 2 ad 1; quorum ergo majoris diameter pro-

II. portionalis est $^2\sqrt{2} = 1'4141$, minoris
 $\underbrace{\hspace{1.5cm}}$ vero $^2\sqrt{1} = 1$. Ex quibus diameter trun-
 ci erit ut $^3\sqrt{1'4141^3 + 1^3} = 1'5644$; at-
 que sic ejus amplitudo cum dictis ramis 2 & 1
 comparata æqualis prodit $1'5644^2 = 2'4473$.
 Ita ut amplitudo trunci, quum sit ad ampli-
 tudines ramorum conjunctas ut 2'4473 ad
 $2 + 1 = 3$, inveniatur etiam ad ipsas ha-
 bere rationem 100 ad 122'586.

Exempl. 3. SI inæqualium duorum ramo-
 rum major sit minoris triplus, ita nimirum
 ut ille sit 3, hic autem 1; ac proinde eorum
 diametri proportionales $^2\sqrt{3} = 1'73205$
 & $^2\sqrt{1} = 1$. Eo in casu trunci diameter
 portionalis esset $^3\sqrt{1'73205^3 + 1^3} =$
 $1'8367$; ejusque magnitudo æqualis $1'8367^2$
 $= 3'3735$: unde prodit truncus esse ad
 unitos ramos ut 3'3735 ad $3 + 1$ five ut
 100 ad 118'57.

Exempl. 4. ADGREDIAMUR jam no-
 vum divaricationis genus, ubi nempe trun-
 cus dividitur in plures inæquales ramos,
 v. g. in tres, quorum magnitudines sint in-
 ter se ut 3, 2, 1; quorum itaque diame-
 tri sunt proportionales $^2\sqrt{3} = 1'73205$,
 $^2\sqrt{2}$.

$^2\sqrt{2} = 1'4141$, & $^2\sqrt{1} = 1$. Ex quibus elicitur trunci diameter proportionalis

CAP.

II.

$^3\sqrt{1'73205^3 + 1'4141^3 + 1^3} = ^3\sqrt{9'02395}$
 $= 2'0819$; cujus quadratum est $4'3344$.
 Unde invenimus truncum esse ad simul sumptos tres ramos prout $4'3344$ ad $3 + 2 + 1 = 6$, hoc est uti 100 ad 138'42.

ATQUE hæc exempla cum quibusdam aliis casibus, qui in corpore animali non raro occurrunt, ad plenioram rei illustrationem & futuros usus, in sequentem tabulam con-jicere visum est.

Ramorum Proport.	Trunci.	Ramorum Summæ.	Ramorum Proportiones	Trunci.	Ramorum Summæ.
1.1	100	126	6.1	100	111'6
10.9	100	125'9	7.1	100	110'3
8.7	100	125'8	8.1	100	109'3
6.5	100	125'7	9.1	100	108'4
5.4	100	125'6	10.1	100	107'7
4.3	100	125'3	1.1.1	100	144'2
3.2	100	124'7	3.2.1	100	138'4
2.1	100	122'6	4.2.1	100	134'8
3.1	100	118'6	4.1.1	100	129'2
4.1	100	115'6	30.3.2	100	109
5.1	100	113'3	1.1.1.1	100	158'7

P R O P. XI.

*Arteriæ corporis animalis disponuntur
 & divaricantur secundum talem le-
 gem,*



*gem, ut æqualis in trunco quovis
ejusque ramis conservetur calor san-
guinis debita ubique velocitate
fluentis.*

PHÆNOMENIS ducti agnovimus^p calo-
rem esse in variis corporis nostri partibus
uniufmodi fere & æquabilem: legemque di-
varicationis canalium æquabili huic gignendo
calori accommodam ex Mathematicis deriva-
tam disciplinis modo declaravimus^q. Atque
nunc examinandum an ratiocinium nostrum
confirmant experimenta; an theoriæ fida fa-
veat anatome, & mechanicis nostris vera con-
gruat mensuratio.

I. ARTERIÆ igitur maxima parte diva-
ricantur in duos vel plures, sæpe inæquales,
furculos: in quos si eadem velocitate influe-
ret sanguis major generaretur calor in mi-
noribus quam in majoribus ramis, in diame-
trorum scilicet inversa ratione^r. Quale in-
commodum insigniter perturbaret naturæ
consilium in conservanda æquabilitate calidi
machinæ animalis. At quam eleganter illud
videmus evitatum, dum inter alia egregia
in condendo corpore nostro divinæ mentis
vestigia,

^p Prop. 9.

^r Prop. 7. Cor. 4.

^q Prop. 10.

vestigia, conspiciere liceat hanc solícite curan- C A P.
tem, ut minores arteriarum ramuli ad mayo- II.

rem semper obliquitatem respectu trunci enascantur, quam majores rami, qui directa fere via sanguinem a trunco accipiunt. Qua certe mechanica optime cautum est, ut minore quantitate feratur sanguis in minores arterias quam pro amplitudinum ratione; ad conciliandam nempe minorem velocitatem sanguini in minoribus arteriis lato. Qualem diversarum nascentium arteriarum variam positionem a nonnullis^r aliququaliter animadversam video, qui curiosius corporis animalis vasa in physiologicos usus perlustrare voluerunt. Ita plurimæ illæ a magno Aortæ descendente trunco enatæ exiguæ arteriæ ad angulum fere rectum oriuntur. Immo superiores intercostales obliquo suo ortu (angulo nempe ad truncum etiam acuto) retrogradum quodammodo reddere ingressum sanguinis in ipsarum ora non semel notavi. Ex qua orientium vasorum obliquitate ingredientis sanguinis quantitas, ejusque hinc nata celeritas, prout res ipsa postulat, minuitur. Qualis quoque fabricæ notabile præbent exemplum feminales arteriæ, quæ licet sanguinem motu fere parallelo

^r Vid. Boerh. Orat. de Ratioc. Mech. p. 8. Cheselden. Anat. III, 8. p. 186.

CAP. I. Ielo vehant cum Aortæ trunco, attamen in
II. illarum ortu ex hujus anteriore facie valde ob-

lique disponuntur ad directionem sanguinis per magnam arteriam fluentis; vel saltem, advertente Coupero^t, tenuibus arctisque oriuntur initiis; quo nempe minus expeditus fiat in ipsarum oscula sanguinis introitus. Sed quivis in Anatomicis versatus quamplurima obliquitatis ortus minorum vasorum exempla sibi depromere poterit ex sectionibus cadaverum vel hominum vel brutorum. Quod ut foedum opus si delicatior quis nimis adspernat, pulchras adcat Anatomicorum tabulas, animalis vasa ad vivum delineata exhibentes; in quibus ut plurimum hujus regulæ, vix tamen ab auctoribus satis animadversæ, cum veritate consensum, quasi sponte & ipsa natura, non certe opinione, rem dictitante, confirmatum inveniet. Sed & ejus quoque perpulchram similitudinem ubique occurrentem observare licet in ipsis vegetantibus, quorum trunci vel emittunt ramulos oblique oriundos, vel divaricantur in ramos, quorum minores magis a directâ trunci via, majores autem minus cedere coguntur. Ut undequaque pateat arteriosum nostri corporis systema ita disponi, quo in majores expeditius, in
minores

^t Anat. Hum. Bod. Introd. & Expl. Tab. XLII, XLV, fig. 2. Phil. Transf. Abr. V, 1. p. 329.

minores arterias tardius fluat sanguis. Atque hoc ex Mechanicis deductum ex autopsia confirmare poteris, dummodo translucida animalis cujuscunque vascula cruorem vehentia conspiciere velis; in quibus, uti probe annotavit accuratus ille Malpighius^a, “quo minus obliquantur furculi, & continuatus est tubus, eo felicius & ulterius movetur contentus sanguis.”

2. PROXIMO loco examinanda venit proportio amplitudinum vasorum quam postulat similis diversarum partium calor. Difficile certe est, immo tantum non impossibile, parva animantis vasa mathematica ἀκριβεία metiri, ut eorum diametri & amplitudines theoriæ cuicunque accurate respondeant. In mensurandis parvis animantium vasis vix forte unam latis geometricam lineam, quis pro certo sponderet se in ducentesima pollicis parte non aberraturum? Et tamen adeo exiguus, ut videtur, error notabilem a vera magnitudine efficeret differentiam, fere decimam sextam latitudinis vasis, & octavam ejusce amplitudinis partem. Unde nemo mirabitur vasorum mensurationes, quas erroribus adeo videmus obnoxias, parum sibi mutuo, nedum theoriæ

^a Vit. Posth. p. 92. Vid. & Hales Hæmast. Exp. X, 9. p. 67.

C A P. theoriæ nostræ perfectè congruere. Experimenta quippe physica approximationem duntaxat ad geometricas demonstrationes patiuntur. Atque in præsentī casu quivis vel levissimi mensurationis errores, in praxi vix evitabiles, non parum perturbant calculum, & cum verā arteriarum magnitudine comparationem. Ut cuivis vel scrupulosissimo hac in re satisfacere videamur, si theoriæ experientiaque (licet non exactissime similium) magnus ubique niteat consensus.

3. C U J U S V I S ergo arteriæ unitos ramos ipsa esse ampliores, atque hinc sanguinis velocitatem in hujus a corde progressu perpetuo imminui, ante nos generatim adnotarunt alii. Non vero hic sistimus, sed ulterius procedendo, ex variis mensurationibus sibi invicem collatis illius dilatationis arteriosi systematis, & decrementi velocitatis sanguinis magis determinatam percipimus proportionem, & elegantem harmoniam; *diametrum scilicet cujusvis arteriæ æquari radici cubicæ omnium simul sumptorum cuborum latitudinum ramorum ex ipsa immediate pullulantium*; scilicet secundum regulas pro æquali conservando calore antea^w stabilitas. Hoc inquam ex accurata vasorum examinatione invenimus; mensuris nimirum interdum hinc

in

in excessu, illinc in defectu a proposita theoria inclinantibus; sed differentia adeo exigua, ut dubitari nequeat vel ab aliqua prætermiffa circumstantia, vel etiam mensurationis errore illam oriri potuisse. Quod dilucide patet ex sequenti observationum sylloge, qua uno intuitu exhibentur rationes amplitudinum truncorum, horumque ramorum, cum ex mensuratione, tum ex nostra deductæ theoria. Ubi quoque ante oculos dedimus utriusque supputationis differentias præter expectationem exiguas; quæ etiam duplo fuissent minores, si de vasorum latitudinibus vel diametris, quæ primario mensurationem patiuntur, extitisset calculus.

4. QUASDAM adduximus mensuras ex tabulis depromptas Bartholomæi Eustachii, qui nempe symmetriam corporis humani, ejusque particularum veras proportionales omnium anatomicorum studiosissime excoluit; partiumque limites omnium accuratissime picturâ expressit. Ut nihil vero dissimulemus notandum nos Iliacas arterias cum aorta parum tantum emulgentes prætergressa comparasse: ex quo trunco, præter Iliacas, oriuntur etiam quædam lumbares, inferior mesenterica atque sacra: neque hæ tamen, si rite subduca-

C A P. tur calculus, tanti sunt momenti, ut nostras
II. multum turbent rationes.

5. HAs sequuntur quædam mensurationes ex Ruyschii desumptæ figuris: qui sane in replendis vasis, atque corporibus animalium eleganter præparandis, nitideque conservandis dexteritatem monstravit, quam pauci adhuc imitari valuerunt.

6. CUM vero necesse fuerit horum figuras cum in pingendo, tum in sculpendo aliquantulum a vera aberrare natura, haud mirum in iis quasdam dari a regulari theoria anomalias. A quibus incommodis libera agnoscimus Keillii experimenta, qui in ipsis vasis mensuras suas instituit; ut illa propterea nostro proposito omnium videantur accommodatissima. Consulto quidem aliquas ex ejus omisimus mensuris, quæ vel in nimis exilibus facta sunt vasis, quam ut iis fidere queamus; vel in communes & necessarias divaricationis leges peccantes; veluti si singularis ramus truncum videatur superare; vel si ramus aliquis insignior non enumeretur; vel si alio quocunque modo a consueta cæterorum vasorum constitutione tam videantur alienæ quædam arteriæ, ut notabilem aliquem mensurationis errorem subesse suadeant.

7. ATQUE propter has similesque rationes vulgares Anatomicorum figuras omnino neglexeram. Ast jam ne quid boni, aut proposito nostro aptum, me omisisse accuser, earundem præstantiores quasdam sub titulo *Miscellanearum Observationum* addendas judicavi; non tamen quod tantum illis fidentum censuerim atque iis quæ ex Keillio mutuavimus, iisve quæ ex Eustachii deduximus tabulis.

8. HÆC ex auctoribus mutuanda duximus, quod illi naturalem rerum fabricam, uti ipsis comparuit, exhibuisse agnoscendi sunt, nulla præjudicata opinione irretiti erga nostram Divaricationis vasorum theoriam illis ignotam, nec ipsi ulla propria hac in re opinione ducti. Et quamvis alienis potius, quam propriis observationibus novæ theoriæ fidem adferre æquum sit, attamen ne hanc rem neglexisse nos ipsi videamur, aliqua quoque nostra experimenta adjicere visum est, quæ cum cæteris & theoria optime collimant.

9. ATQUE jam ipsæ mensurationes sequuntur, exponentes rationes ramificationum arteriarum corporis humani.

Arteriæ divaricatæ.	Ramo- rum Pro- portiones.	Trunc. Ampl.	Ramor. Summæ Conjunct.		Differentia.
			ex the- oria.	ex men- suris.	
<i>Ex Eustachio.</i>					
Subclavia Dextra divisa in Axillarem & Carotidem. Tab. XVI. fig. 1. }	11. 12	100	126	129	+ $\frac{1}{42}$
Arteria quædam Mesenterica, quan- tum mensuratione distinguere po- tui. Tab. XI. fig. 1. }	8. 5	100	124	122	— $\frac{2}{62}$
Arteria quædam Mesenterica in alio cadavere. Tab. XXVII. fig. 4. }	1. 1	100	126	119	— $\frac{1}{18}$
Aorta Descendens in { Tab. XII. fig. 1.	1. 1	100	126	128	+ $\frac{1}{63}$
Iliacas divisa. — { Tab. I. fig. 1.	1. 1	100	126	134	+ $\frac{1}{18}$
Eadem in alio cada- { Tab. XII. fig. 3.	1. 1	100	126	130	+ $\frac{1}{32}$
vere. — { Tab. I. fig. 2.	1. 1	100	126	123	— $\frac{1}{42}$
Eadem in alio. { Tab. XII. fig. 4. —	1. 1	100	126	120	— $\frac{1}{21}$
{ Tab. IV. fig. 5. —	1. 1	100	126	120	— $\frac{1}{21}$
Eadem in alio. { Tab. XII. fig. 7. —	1. 1	100	126	146	+ $\frac{1}{8}$
{ Tab. I. fig. 3. —	1. 1	100	126	132	+ $\frac{1}{21}$
Eadem in alio. { Tab. XII. fig. 9. —	1. 1	100	126	138	+ $\frac{1}{11}$
{ Tab. III. fig. 1. —	1. 1	100	126	136	+ $\frac{1}{13}$
Eadem in alio. { Tab. XII. fig. 10. —	1. 1 q. p.	100	126	136	+ $\frac{1}{13}$
{ Tab. III. fig. 3. —	1. 1 q. p.	100	126	123	— $\frac{1}{41}$
Eadem in alio. { Tab. XII. fig. 12. —	1. 1	100	126	114	— $\frac{1}{11}$
{ Tab. III. fig. 2. —	1. 1	100	126	110	— $\frac{1}{8}$
Eadem in alio. Tab. II. fig. 1. —	1. 1	100	126	131	+ $\frac{1}{25}$
Eadem in alio. Tab. II. fig. 2. —	1. 1	100	126	138	+ $\frac{1}{11}$
Eadem in alio. Tab. II. fig. 3. —	1. 1	100	126	133	+ $\frac{1}{18}$
Eadem in alio. Tab. XXV. —	1. 1	100	126	121	— $\frac{1}{25}$
Eadem in foemina. Tab. XIII. —	1. 1	100	126	124	— $\frac{1}{63}$
<i>Ex Ruyschio.</i>					
Subclavia dextra divaricata in Axil- larem & Carotidem. Ep. Probl. III. }	2. 1	100	123	136	+ $\frac{1}{18}$
Tab. III. fig. 2. — }					
Superior ramus Splenicæ Lienem in- grediens. Ep. Probl. IV. Tab. IV. }	4. 4. 1	100	136	125	— $\frac{1}{12}$
fig. 2. — }					
Ejusdem inferior ramus. Ibid. —	3. 2	100	125	121	— $\frac{1}{31}$
Hujus inferioris rami superior fur- culus. Ibid. — }	7. 6	100	126	130	+ $\frac{1}{37}$
Ejusdem inferior furculus. Ibid. —	5. 4	100	126	140	+ $\frac{1}{9}$
Arteria quædam Mesenterica. Mus. }	1. 1 q. p.	100	126	128	+ $\frac{1}{63}$
Anat. p. 76. fig. 5. — }					
Ejus ramus dexter. Ibid. —	10. 9 q. p.	100	126	136	+ $\frac{1}{13}$
Ejus ramus sinister. Ibid. —	5. 1	100	113	108	— $\frac{1}{23}$

Arteriæ divaricatæ.

Ex Keillio.

	Ramo- rum Pro- portiones.	Trunc. Ampl.	Ramor. Summæ Conjunct.		Differentiæ.
			ex the.	ex men.	
Mesenterica superior in 21 ramos diffissa. Tent. IV. p. 88. —	2136, &c.	100	258	247	— $\frac{1}{23}$
Hujus magnæ Mesentericæ Quintus ramus. Ibid. p. 90. l. 15. —	5. 8	100	124	102	— $\frac{1}{8}$
Hujus Quinti rami ramulus major. Ibid. l. 25. —	5. 9. 8	100	142	105	+ $\frac{1}{14}$
Hujus majoris ramuli tertius furcu- lus. p. 91. l. 4. —	4. 3 q. p.	100	125	153	+ $\frac{1}{5}$
Octavi rami ramulus primus. Ibid. l. 12	1. 1	100	126	118	— $\frac{1}{18}$
Ejusdem Octavi rami ramulus secun- dus. Ibid. l. 16. —	4. 5	100	126	133	+ $\frac{1}{12}$
Mesentericæ Decimus ramus. Ibid. l. 20. —	6. 5	100	126	117	— $\frac{1}{14}$
Decimi rami ramulus primus. Ibid. l. 24. —	5. 6	100	126	123	— $\frac{1}{42}$
Hujus primi ramuli secundus furcu- lus. p. 92. l. 3. —	1. 1	100	126	105	— $\frac{1}{8}$
Mesentericæ Decimus quartus ra- mus. Ibid. l. 7. —	1. 1. 1	100	146	144	— $\frac{1}{73}$
Ejusdem Decimus quintus ramus. Ibid. l. 12. —	4. 5	100	126	127	— $\frac{1}{126}$
Hujus 15 rami ramulus secundus. Ibid. l. 16. —	7. 6. 6	100	144	156	+ $\frac{1}{12}$
Hujus secundi ramuli furculus. Ibid. l. 21. —	3. 4	100	125	137	+ $\frac{1}{10}$
Arteria Cruralis in duas divisa. Tent. II. p. 45. l. 2. —	5. 4 q. p.	100	126	157	+ $\frac{1}{4}$
Hujus Cruralis secundus ramus. Ibid. l. 3. —	3. 5 q. p.	100	124	113	— $\frac{1}{11}$
Hujus secundi rami lin. 3. ramulus secundus. Ibid. l. 4. —	4. 2. 1	100	135	157	+ $\frac{1}{8}$
Hujus ramuli lin. 4. furculus primus. Ibid. l. 5. —	2. 1	100	123	136	+ $\frac{1}{10}$
Hujus furculi lin. 5. arteriola secun- da. Ibid. l. 6. —	11. 5	100	122	128	+ $\frac{1}{25}$
Hujus arteriolæ lin. 6. propago pri- ma. Ibid. l. 7. —	5. 3. 1 q. p.	100	135	114	— $\frac{1}{6}$
Hujus propaginis lin. 7. major por- tio. Ibid. l. 8. —	3. 2	100	124	124	0
Magnæ Cruralis lin. 2. ramus primus. Ibid. l. 9. —	2. 9	100	115	107	— $\frac{1}{12}$

Arteriæ divaricatæ.	Ramo- rum Pro- portiones.	Trunc. Ampl.	Ramor. Summæ Conjunct.		Differentiæ.
			ex the.	ex men.	
Ramus quidam Arteriæ cruralis. Ibid. l. 10. ————	3. 2. 30	100	109	113	+ $\frac{1}{28}$
Hujus rami lin. 10. ramulus tertius. Ibid. l. 11. ————	1. 5	100	113	112	— $\frac{1}{113}$
Arteriæ lin. 13. ramus primus. Ibid. l. 14. ————	2. 1	100	123	144	+ $\frac{1}{8}$
Hujus rami lin. 14. furculus primus. Ibid. l. 15. ————	5. 6	100	126	120	— $\frac{1}{21}$
Rami lin. 9. ramulus secundus. I- bid. l. 16. ————	1. 8 q. p.	100	109	87	— $\frac{1}{3}$
Hujus ramuli lin. 16. secundus fur- culus. Ibid. l. 17. ————	1. 1. 4	100	129	149	+ $\frac{1}{7}$
Surculi lin. 17. tertia arteriola. I- bid. l. 18. ————	3. 2. 30	100	109	109	0
Ramulus quidam arteriæ Cruralis. Ibid. l. 19. ————	10. 9	100	126	122	— $\frac{1}{25}$
<i>Observationes Miscellanæ.</i>					
Ramus A Externæ Carotidis diffissus in anticum & posticum ramulos G, B. Du Verney Org. de l'Ouie. Tab. II. fig. 1. ————	5. 3 q. p.	100	124	100	— $\frac{1}{5}$
Eadem arteria. Ibid. fig. 2. ————	4. 3 q. p.	100	125	113	— $\frac{1}{10}$
Anticus ramulus emisso furculo D, in duos alios subdivisus furculos. Ibid. fig. 1. ————	2. 1 q. p.	100	123	133	+ $\frac{1}{12}$
Aorta Descendens definens in Infe- riorem Mesentericam, Lumbares & Iliacas. Verheyen Anat. Tab. XVI. fig. 1. ————	3. 1. 1. 40. 40 q. p.	100	132	134	+ $\frac{1}{88}$
Aorta definens in Iliacas, inferiorem Mesentericam, 4 Lumbares & 3 Sacras. Cowper Anat. Append. Tab. III. ————	23. 26. 2. 1. 1, &c.	100	140	124	— $\frac{1}{9}$
Iliaca dextra in Externam & Inter- nam. Ibid. ————	1. 1	100	126	106	— $\frac{1}{8}$
Iliaca sinistra pari modo divisa. Ibid.	1. 1	100	126	105	— $\frac{1}{5}$
Cæliaca in duos ramos divisa. Che- feld. Anat. Tab. XVII. 2. ————	3. 2 q. p.	100	125	132	+ $\frac{1}{15}$
Major Cæliacæ ramus in ramulos divisus. Ibid. ————	9. 9. 5	100	142	144	+ $\frac{1}{71}$

Arteriæ divaricatæ.	Ramo- rum Pro- portiones.	Trunc. Ampl.	Ramor. Summæ Conjunct.		Differentiæ.
			ex the.	ex men.	
Mesenterica Superior in tres ramos. } Ibid. 3. _____	5. 6. 1	100	129	130	+ $\frac{1}{125}$
Mesenterica Inferior in tres ramos. } Ibid. 4. _____	11. 20. 11.	100	121	133	+ $\frac{1}{12}$
Aorta definens in Iliacas. Ibid. } Tab. XV. _____	1. 1.	100	126	121	- $\frac{1}{23}$
Cæliaca bifurcata. Stukeley of the } Spleen. Tab. I. _____	9. 10.	100	126	105	- $\frac{1}{8}$
Arteria quædam A in ramos B, C } divisa. Nichols Comp. Anat. } Tab. II. p. 2. _____	3. 4	100	125	113	- $\frac{1}{11}$
Ramus C divaricatus in ramulos } D, E. _____	1. 2	100	123	116	- $\frac{1}{17}$
Ramulus E divisus in furculum 36, } atque alium (Z) cujus amplitudo } prodit 21. Ibid. _____	5. 3	100	124	116	- $\frac{1}{15}$
Surculus (Z) ramificatus in arterio- } las 16. & 9. Ibid. _____	5. 3 q. p.	100	124	119	- $\frac{1}{25}$
Capillares Intestinorum arteriolæ sin- } gulæ emittentes octo minores æ- } quales ramulos. Hales Hæmastat. } IX, 14. p. 53. _____	1. 1. 1, &c.	100	200	200	0
<i>Ex dissectionibus nostris.</i>					
Subclavia dextra ramificata in Axil- } larem & Carotidem in viro. _____	3. 2	100	125	111	- $\frac{1}{9}$
Eadem in muliere. _____	4. 3	100	125	124	- $\frac{1}{125}$
Eadem in puellula. _____	8. 9	100	126	119	- $\frac{1}{18}$
Dextra Carotis in Internam & Exter- } nam divisa in viro. _____	3. 2	100	125	127	+ $\frac{1}{63}$
Eadem in puellula. _____	7. 6	100	126	107	- $\frac{1}{7}$
Aorta definens in Iliacas in puero. _____	1. 1	100	126	106	- $\frac{1}{8}$
Iliaca in Externam & Internam ra- } mificata in viro. _____	5. 4	100	126	128	+ $\frac{1}{63}$
Eadem in adolescente. _____	5. 4	100	126	130	+ $\frac{1}{32}$
Eadem in puero. _____	5. 4	100	126	118	- $\frac{1}{21}$
Eadem in alio puero. _____	5. 4	100	126	130	+ $\frac{1}{32}$
Eadem in alio puero. _____	10. 9	100	126	129	+ $\frac{1}{45}$
Eadem in muliere. _____	1. 1	100	126	124	- $\frac{1}{63}$
Eadem in puellula. _____	5. 4 q. p.	100	126	132	+ $\frac{1}{21}$
Eadem in alia puellula. _____	5. 4	100	126	131	+ $\frac{1}{25}$

C A P. 10. QUUM ergo omnia adeo concinne
 II. theoriæ consentiant, ex propositis observa-
 tionibus summa cum delectatione colligo,
 secundum eas leges arterias corporis humani
 quaquaversum distribui ac divaricari, ut cele-
 ritas sanguinis vasorum vehentium diametris
 sint proportionales, atque æqualis quam
 proxime in omnibus ab attritu gignatur calor.
 Q. E. D.

Coroll. 1. VERUM ergo, quamvis ex
 longe diversis considerationibus & argumentis
 deductum, collegit Boerhaavius*, satis æqua-
 bilem nempe esse sanguinis venosi, & arterio-
 si, cordis, pulmonum, aliarum partium cor-
 poris calorem.

Coroll. 2. Ex data velocitate sanguinis in
 proposita quacunque ordinatim divaricati
 systematis arteria, facile invenitur ejus cele-
 ritas in alia quacunque notæ magnitudinis ar-
 teria, quæ eidem pertinet systemati. Quo-
 niam nimirum istæ velocitates sunt in latitu-
 dinum arteriarum ratione.

Coroll. 3. Ex iisdem quoque principiis
 elicitor regula pro comparandis sibi mutuo
 quan-

* Chem. I. p. 278.

quantitatibus sanguinis dato tempore per varias nostri corporis arterias lati^r. Sunt quippe, secundum præsentem animalium constitutionem, hæ quantitates in diametrorum arteriarum triplicata ratione, vel amplitudinum sesquuplicata.

Coroll. 4. SI ingeniosissimus noster Keilius, cujus curiosis experimentis & ratiociniis tantum debemus, præter retardationem sanguinis ex arteriosæ cujuscunque divaricationis dilatatione natam, aliam insuper attendisset, variis atque variis orientium ramorum obliquitatibus debitam; si inquam utramque hanc retardationis causam satis attendisset, vero propiorem nactus fuisset ideam variarum sanguinis velocitatum in diversis corporis humani partibus, arteriisve commeantis; perspicuus quam tarde gradiatur sanguis in exiguis arteriarum capillamentis, utcunque cordi vicinis. Ut non affirmasset^z, “ in iis
“ parvis arteriis quæ ab aorta proxime oriun-
“ tur, & post paucas divisiones in venas fluida sua transmittunt, sanguinis velocitatem
“ non multum retardari.”

O 4

Schol.

^r Vid. Prop. 10. Cor. 2.

^z Tentam. II. p. 49.

CAP. *Schol.* I. QUUM propter commodiorem

II. sanguinis ingressum paullulum quasi hient incipientium arteriarum ora; similique de causa, atque ex naturali ramosorum canalium constructione, ante divaricationem latefcant aliquantulum; hinc si arteria quævis, breviusculo post ejus ortum spatio, iterum mox divaricetur, facile adparet eam utrimque ampliata, simulque brevi comprehensam spatio, in medio quoque debito fore pauxillulo latiore, debitâque majorem sic consequi rationem ad reliquas illi continuatas arterias. Ita e. g. subclavia dextra, ante suam in Axillarem & Carotidem divisionem, nunc longiori, nunc breviori prorepens spatio, in quodam Ruyschii iconismo^a adeo curta constituitur, ut hicce truncus, spreta ordinaria arteriosi systematis lege, longe major sit unitorum ramorum capacitate. Sic quoque ipse magnus Aortæ truncus brevis existens, etiamque curvatus, longe capacior invenitur quam secundum theoriam nasci debuit. Ut tamen quamvis velocitas sanguinis per ipsum flentis parum tantummodo excedat celeritatem in ejus ramis, nulla oriatur suspicio ejus calorem in tam brevi transitu, debito licet ampliore,

^a Ep. Probl. III. Tab. III. fig. 3. Vid. & Cowp. Anat. Append. Tab. III. Verhey. Suppl. Anat. Tab. VI. fig. 5.

ore, vel hic, vel alibi corporis ex consimili
cujusvis arteriæ anomalia, ullam sensibilem
pati posse imminutionem. Quum præsertim
hic calor facile vel restitui, vel integer con-
servari possit subsequenter arteriarum di-
visionibus; parvis quoque arteriis frequenti
anastomosi ut plurimum sibi mutuo conjunctis;
atque ita æquilibrium motus & caloris sangui-
nis commodius sustentantibus. Notandum
interim comparisonem velocitatis sanguinis
in aorta vel in aliis anomalis vasis cum velo-
citate in aliis arteriis ex modo tradita regula
constitui nequire.

Schol. 2. E contrario nec teporem san-
guinis notabiliter intendi putabimus, licet
interdum arteria procerior, ex sua natura con-
vergens, paullulo celerius in fine quam in
principio movere cogat transluentem sangui-
nem.

Schol. 3. DIXERIT fortasse quispiam non
exigua duntaxat vascula, sed etiam dari quas-
dam arterias notabilis magnitudinis, quales
sunt Umbilicales foetus ab Iliacis internis, at-
que Epigastricæ ab Iliacis externis ortæ, aliæ-
que plures non exiguæ arteriæ, quæ in vul-
garibus Anatomicorum delineationibus an-
gulum

C A P. gulum satis acutum constituunt cum truncis
 II. ex quibus ortum trahunt. In tabulis equidem
 multa ex proprio deturbari situ, nec veram
 ubique repræsentare naturam, omnes agno-
 vimus. Sin. vero rem attentius examinare
 velimus, quamvis tales arteriæ in ipsarum
 cursu sanguinem vehant directione trunci viæ
 prorsus contrariâ, in ipsa tamen natura ortus
 revera observatur ad angulum cum ministrante
 trunco obtusum, & per arcûs quasi curvitatem
 suam invertere directionem. Qualis talium
 arteriarum ortûs exemplum nitide exhibitum
 videre poteris in vasorum Epigastricorum fi-
 guris Eustachianis ^b. Ex quibus & ipse edoc-
 tus eandem illorum constructionem propriis
 dissectionibus mihi confirmavi.

Schol. 4. ASSERIMUS in vasculoso sys-
 temate ramos simul sumptos amplitudine su-
 perare solere truncos ex quibus suam nancif-
 cuntur originem; hos autem truncos majores
 ubique existere quam singulos quoscunque ra-
 mulos ex ipsis pullulantes; idque ubique cum
 in minoribus tum in majoribus vasis verum
 contendimus, secundum elegantem omnium
 symmetriam & justam analogiam. Quid er-
 go

^b Tab. Anat. XIII. XIV. fig. 1. XXV. XXVII.
 fig. 12.

go dicemus de observatione quadam nobis obstante quam se fecisse perhibet curiosissimus Ruyschius^c, secundum quem “ extremæ viscerum arteriolæ ipsos ramulos e quibus “ producuntur crassitie longe superant?” Quid dicemus, inquam, de insolenti adeo observatione, & a vulgari vasculosi systematis legentantum abludente? An incusandæ veniunt ipsæ Ruyschii injectiones, quibus dilatantur minima vasa in amplam nimis molem distenta, atque intrusæ ceracæ materiæ violentiâ extra naturalem disturbantur statum, & regularem constitutionem? Certe hacce de causâ fere uniformis nasci deberet dilatatio cum majorum arteriolarum, tum extremorum ex illis nascentium ramulorum; ut sic prior & naturalis adhuc conservanda foret symmetria. Quid ergo? Anne notabiles ductus excretorios, omne quod *glandulosum* redoleret nimis exosus, tanquam extremas viscerum arteriolas spectare voluit; ut tota præclari hujus Anatomici observatio mera censenda sit hallucinatio? Ita videtur. Cunctæ quippe ipsius elegantissimæ figuræ contrarium demonstrant; in quibus arteriarum singulares quivis ramuli ministrantibus truncis sunt exiliores. Sed rem omnium optime conficit Leewenhoekius

^c Thes. Anat. VII, 4, p. 22.

C A P. hoekius longe minora contemplatus vasa,
II. quam Ruyschii pictor imitari, aut sculptor
ari incidere potuerit unquam, evanescentes
nimirum arterias & nascentes venas. Ex cu-
jus innumeris observationibus minimorum
vasculorum corporis animati novimus & in
hisce consuetam majorum vasorum servari
legem; ut nempe trunci sint ubique ampliores
singularibus ramis, in quos ipsi divaricantur.
Idemque alii confirmant: & quivis facile ex
propria confirmare possit autopsia microscopiis adjuncta.

P A U C A hæcce de præsentī Ruyschii obser-
vatione, propter magnam viri auctoritatem,
adnotasse necesse visum est. Quid si tamen
(ne inique erga tantum virum & de subtiliore
Anatome optime meritum agere videamur)
fidelissimus & dextrissimus Anatomicus nihil
aliud exprimere voluit, quam extremas arteri-
olas (licet singulatim minores, at) simul &
conjunctim sumptas ipsos ramulos, e quibus
producuntur, crassitie longe superare; nostris
& aliorum observationibus sic omnimodo
congruus?

CAPUT TERTIUM.

De Calore diversorum animalium & liquidorum natura, & solidorum fabrica similium.

PERTRACTATO *Calore* in variis corporis animati locis proxime sequitur consideratio *comparati caloris* in toto corpore diversorum animalium: quæ ob simplicitatem primo proponemus tanquam *similia*; sive, præter molem, aliasque proprietates a mole pendentes, in cunctis æqualia: ut hinc nempe de affectionibus animalium dissimilis fabricæ sibi invicem comparatis ordinatius judicium ferri possit. Sic quippe ratione inter *similia animalia*, tanquam normâ, ad quam referri queant cætera, semel stabilita, quid faciant varietates vel in fabrica, vel in operationibus commodius determinatur. Si v.g. definienda esset ratio caloris equi qui pendeat forte Lib. 600, ad calorem hominis Lib. 150 ponderantis, equini scilicet ponderis quadrantem: manifestum est (illa quamvis dissimilia agnoscamus animalia) supponi posse diversitates eorum intimæ fabricæ non esse nobis adeo perspectas, ut exinde quidpiam
de

C A P. de illorum caloris differentia dijudicare liceat.

III.

Atque secundum regulam Celsi^a, quamdiu propria quarumcunque rerum ignorantur, vel etiam quamdiu ab illorum consideratione animum abstrahimus, communia tantum intuenda sunt. Cæteris ergo in præsentī omīssis conditionibus, jam sola consideranda est diversitas magnitudinum animalium, aliarumque affectionum unice a magnitudine pendentium; atque dehinc particularia quæque investigando ex his propria determinare.

P R O P. XII.

In similibus animalibus quantitates attritus circulantium fluidorum in respondentium vasorum latera, quo illorum gignitur calor, sunt in magnitudinum ipsorum animalium ratione subsesquuplicata.

QUANTITATES attritus liquidorum in canalium continentium latera sunt^b in ratione composita horum diametrorum, simul & illorum velocitatum. At in *similibus animalibus* velocitates, quibus per similia vasa fluunt circulantes liquores, sunt^c (ut $A : a$)

in

^a Med. Præf. p. 19.

^b Prop. 5.

^c De Sim. Anim. Prop. 9.

in magnitudinum ($A^3 : a^3$) animalium ratione subtriplicata: quæ eadem est ratio^d diametrorum dictorum vasorum, quæ sibi mutuo respondent. Unde *quantitates attritus* sanguinis in respondentium *similium animalium* vasa, quo nempe ejus gignitur calor (existentes ut $A \times A \dots a \times a :: A^2 \dots a^2$) sunt in magnitudinum (A^3, a^3) animalium ratione subsesquuplicata. Q. E. D.

C A P.
III.

P R O P. XIII.

Calores uniformes sanguinis in respondentibus similium animalium vasis sunt æquales.

QUANTITATES quippe calefacientis attritus in dicta similia vasa^e, atque transversæ sectiones horum vasorum^f, sunt ambæ in data magnitudinum animalium ratione: ut facile pateat æquari propositos *calores*, qui nempe sunt^g ut illæ quantitates ad has sectiones applicatæ. Unde constat propositum. Quod etiam promptius faciliusque deducitur ex eo, quod in similibus *similium animalium* locis sanguinis velocitates sint vehentium vasorum diametris proportionales^h; ut hincⁱ

calores

^d De Sim. Anim. Prop. 2.

^e Prop. 12.

^f De Sim. Anim. Prop. 4.

^g Prop. 7.

^h De Sim. Anim. Prop. 2. 9.

ⁱ Prop. 7. Cor. 5.

C A P. *calores* ab attritu geniti reddantur æquales.

III.

Q. E. D.

Coroll. QUUM calor in variis dati animalis partibus sit ubique fere uniusmodi, hinc in univcrsum calores *similium animalium* æquari colligimus. Ut pateat quid vere sentiendum sit de *nativi caloris* animalium *symmetria*, a veteribus memorata, parum licet ab iis perspecta.

Schol. 1. CUI illustrando generali abstracto ratiocinio juvat observare quod calor in minoribus animalibus æqualis quam proxime, cæteris paribus, deprehendatur calori majorum ejusdem speciei animantium. Ita homines adulti a pueris, & viri a mulieribus, adeo parum hac ratione distinguuntur, ut dissensio inter medicos fuerit utri calidiores censendi sint; qua de re accuratius postea. Immo in confesso est animalia omnia, quæ vitalium constructione haud ita multum inter se differunt, in statu sano & vegeto caloris gradu non multum diverso potiri, uti antea^k fusius ostendimus.

Schol. 2. IN præsentī ergo quæstione quantum a vero abfuit Pitcarnius? dum ex
male

^k Prop. 1. 9.

male concepta hypothefi de celeritate sanguinis collegit animalia minora eſſe, cæteris paribus, calidiora majoribus; atque propterea mulieres præ viris, & pueros præ adultis longe magis caleſcere¹. Cui adeo abnormi ſententiæ contrarium eunt & vulgaris hominum experientia, & medicorum auctoritas; ut poſtea ſuo loco fuſius dicetur.


Schol. 3. Ex altera parte “calorem animalis” ſtatuit Hierimias Wainewright^m “eſſe in compoſita ratione quantitatis ſui sanguinis, huiusque celeritatis conjunctim.” Quæ propoſitio ſi de dato intelligatur animali, ſecundum ejus ſolidas partes vix mutato, prout voluiſſe videri poſſit auctor, eam certe parum moramur. Sin vero variis animalibus, vel eidem animali ſecundum diverſas ejus ætates & tempora applicetur (prout factum novi a quibuſdam ratiocinii mechanici ſe prædicantibus ſectatores) ut ſcilicet animantium calor ſecundum eorum moles, ſanguiniſve quantitates, huiusque celeritates varietur; ſi inquam eam propoſitionem hocce interpretatus fueris ſenſu; tum illi demonſtrationes noſtræ contradicunt, neque phænomena melius fa-

P

vent.

¹ Elem. Med. I, 4. §. 4—7.

^m Non-Natural. V, 8. p. 41.

C A P. vent. Modo vidimus quippe, & ratione &
 III.  experientia ducti, calorem animalium, dum
 partium fabrica non multum discordent,
 parum variari, magnitudine utcunque illa
 supponantur diversa. “Nequē etiam” (in-
 quit accuratissimus Verulamius ⁿ) “observa-
 “ tionem hominum fugit, quod sanguis ele-
 “ phanti omnium sit frigidissimus :” ut, si
 istud verum sit, ex illius terrestrium bestia-
 rum vastissimæ exemplo, pateat calorem san-
 guinis animalium vim aut magnitudinem
 haudquaquam sequi. Ut aliam prorsus ob-
 causam, quam eam ab eodem magno Veru-
 lamio assignatam °, parvitatem nempe cor-
 poris, Insecta deprehendantur frigida ad tac-
 tum. Præsertim quum ipse thermoscopio-
 rum ope compertum habeam Apes, mira illa
 animalia ex Insectorum genere, & corpore
 fatis pusillo prædita, nobis-ipsis haudquaquam
 frigidiores.

P R O P. XIV.

Sanguinis *per* similium animalium *ar-
 terias trajecti* velocitates *sunt ha-
 rum arteriarum diametris ubique
 fere proportionales.*

E x

ⁿ Hist. Vit. &c. III, 2. p. 390.

^o Nov. Org. II, 11. p. 167. 12. p. 186.

Ex æquabilitate caloris in variis partibus animalis sani legem stabilivimus ^p decremendi celeritatis sanguinis in systemate arterioso; hanc nempe semper sequi quam proxime rationem diametri ipsius, per quam fluit, arteriæ. Ex natura quoque *similium animalium* modo ostendimus ^q calorem in cunctis esse fere eundem; consimilemque, ac in singulari animali, dari arteriarum cum vecti liquidi velocitatibus temperaturam. Ex quibus considerationibus rite perpensis & sibi mutuo collatis, per naturam *proportionalium*, admirandam & elegantiam plenam percipere datur harmoniam in motu sanguinis fluentis per arterias variorum *animalium*, mole utcunque differentium, sed partium constitutione *similium*; *ejus* nempe *velocitates in omnibus quibuscunque similium animalium arteriis esse harum diametris fere proportionales.* Q. E. D.

Coroll. Ex hisce principiis sponte sequitur velocitates sanguinis per datæ magnitudinis arterias fluentis in omnibus, utlibet mole diversis, *similibus animalibus* esse ubique quam proxime easdem. Ut tamen anomaliis quibusdam, de quibus antea ^r, debitum semper tribuas locum.

P 2

C A P U T

^p Vid. Prop. 8. 9. 10. 11.^q Prop. 13.^r Prop. 11. Schol. 1.



CAPUT QUARTUM.

De diversitate caloris animalium secundum varietates atque mutationes solidis fluidisque nostri corporis illatas.

HACTENUS ergo de calore animalium quæ nullo modo distinguuntur, nisi magnitudine, aliisque affectionibus quæ magnitudinem immediate consequuntur. Atque nunc pergamus ad alias animantium differentias, vel nempe ratione ipsius fluentis sanguinis, vel vehentium canalium, vel etiam secundum diversitatem animalium operationum considerandas.

PROP. XV.

Cæteris iisdem positis calor sanguinis secundum pulsus arteriarum magnitudinem variatur.

QUUM magnitudo pulsus arteriæ sit ejusdem excessus quo ad finem diastoles superat ipsius in systole latitudinem, hinc etiam indicat portionem sanguinis e corde unica sua contractione projecti, quæ non simul per venas pro-

protruditur, sed in arterioso systemate quasi accumulatur, per arteriarum systolen ulterius propellenda. Quamobrem si viæ sanguinis supponantur semper æquè patulæ & expeditæ, ut satis libere ex arteriis in venas deferri possit sanguis, tunc ex pulsum arteriarum magnitudine dictam exprimente portionem, dijudicare quoque possumus de tota quantitate sanguinis unico cordis ictu expulsi. Sed cæteris paribus, atque eadem supposita pulsum frequentia, velocitas sanguinis rationem sequitur quantitatis ipsius dato temporis spatio e corde projecti. Unde Calor, velocitatis rationes subiens^a, atque sic ab illa quantitate dependens, secundum pulsum arteriarum magnitudinem mutatur^b. Q. E. D.

P R O P. XVI.

Calor sanguinis animalium, cæteris paribus, pulsum sequitur frequentiam.

D A T A quippe quantitate singulis cordis ictibus ex ipso projecta, quantitas sanguinis dato temporis spatio vasis cujuscunque sectionem transiens, & propterea ipsius velocitas,

P 3

depen-

^a Prop. 7. Cor. 3.^b Vid. Galen. Præfag. ex Puls. I, 1. 2.

C A P. dependet a frequentia, qua perpetuis vicibus

IV. illi vasi de novo subministratur. Quamobrem sanguinis per animalis vasa propulsi calor ab attritûs velocitate genitus^c, reliquis conditionibus iisdem positis, istius sequitur frequentia pulsum rationem. Q. E. D.

Coroll. 1. Ex hisce sponte sequitur pulsus consuetis & naturalibus majores ac crebriores majorem indicare calorem. Unde Galenus ex phænomenis medicis edoctus, sed causam ponens pro causato, ampliorem in corpore calorem, majorem quoque & simul crebriorem pulsum exposcere statuit^d.

Coroll. 2. CONTRA, Galeno item auctore^e, parvi rarique pulsus nativi caloris penuriam, corporisque refrigerium denunciant. Anne hinc summum refrigerium in paroxysmis hysteriis & hypochondriacis? Sydenhamus^f equidem iis pulsum, qualis sanorum, adscribit. Contrarium tamen docuere Slarius^g atque Pitcarnius^h. Harveius certe “cor
“ languidius pulsare in lipothymia & hysteri-
“ cis

^c Prop. 7. Cor. 3.

^d De Caus. Puls. I, 5. III, 3.

^e Ibid. I, 6.

^f Diff. de Affect. Hyp. p. 396.

^g In Phil. Trans. Abr. III. p. 354.

^h Elem. Med. II, 22. §. 4.

“cīs symptomatibus & asphyxia, debilioribus, C A P.
 “morituris” notavit ⁱ. Idemque ego exper- IV.
 tus sum.

Coroll. 3. HINC tristitia, ut & timorē
 frigeratis pulsus parvus est rarusque ^k:

“gelidusque coit formidine sanguis ^l.

ὁ γὰρ φοβῶ καταψυχεῖ ^m.

Coroll. 4. IRÆ vero fervore agitatis pulsus
 competit magnus & creber ⁿ. θερμότης γὰρ
 ποικίλη ὁ θυμὸς ^o. Qua etiam ratione secun-
 dum Senecam ^p “iracundos fervidi mistura
 “faciet: est enim actuosus & pertinax ignis.
 “Frigidi natura frigidos faciet; pigrum est
 “enim contractumque frigus.”

^q *Est & frigida multa comes formidinis
 aura:*

*Quæ ciet horrorem in membris & con-
 citat artus.*

Est etiam pacati status aëris ille,

P 4

Pectore

ⁱ De Mot. Cord. &c. XVII. p. 71.

^k Galen. Ibid. IV, 4. 5. Oribas. Synopf. V, 49.

^l Virgil. Æneid. III, 30. Confer & XII, 447. 905.

^m Arist. de Part. Anim. II, 4.

ⁿ Galen. Ibid. IV, 2.

^o Aristot. de Part. Anim. II, 4.

^p De Ira II, 19.

^q Lucret. III, 291.



Pectore tranquillo qui fit, voltuque sereno.

Sed calidi plus est illis, quibus acriora corda,

Iracundaque mens facile efferviscit in ira, &c.

Ceroll. 5. ^r A magna excercitatione musculorum, sanguinem velociter & magna quantitate ad cor propellente, idque in frequentes adigente contractiones, augetur sanguinis velocitas & calor. “ Nam currentes, luctantes, confricantesque, ac alio quodam modo semoventes, nihilo minus incalescunt, quam si quis in sole æstivo, & apud ignem incaluerit ^r. ”

IMMO levior, si modo jugiter repetitus, motus & humorum agitatio, frictio scilicet artuum ab Avicenna ^s, secundum Græcorum placita ^t, adnumeratur iis quæ innatum vivificant calorem. Quod confirmat & suo more exponit Bellinus ^u. Iis vero qui natura sunt calidi

^r Vid. Hipp. de Flat. XXIII, 3. De Morb. XVIII, 19. XXV, 15. Galen. de Caus. Morb. 2. Oribas. Coll. VI, 14, &c. Avicen. Can. I, II, III, 12. I, III, II, 1. Mercurial. de Art. Gymn. IV, 2. V, 2. 3. Bacon. Nov. Org. II, 13. p. 192.

^t Galen. de Trem. 6. Vid. & Cels. Med. III, 6. p. 129, 27. ^s Can. III, XI, II, 10.

^u Vid. Hipp. II. Diæt. XLII, 10. Galen. de San. tuend. II. 9. Cels. Med. II, 14. p. 90. 27.

^v De Miss. Sang. VIII. p. 133.

calidi refrigerium, aquæ potum & *quietem* C A P.
commendat Hippocrates^w. IV.

Coroll. 6. E T a quocunque pariter gravi stimulo vel doloris, vel alius cujuscunque causæ, villos in crebras & violentas deducente contractiones, motus augetur sanguinis ejusque calor^x.

Coroll. 7. H I N C si ipse sanguis quacunque peccet stimulante acrimonia, ut crebrius validiusque in contractionem deducatur cor, ex aucto sanguinis impetu ejus quoque intenditur calor^y. Unde apud Hippocratem^z
θερμοῦς δριμυτὴς σημεῖον.

Coroll. 8. A T Q U E hinc calor in motibus febrilibus ab acri quadam materia morbifica sanguini commixta productis; unde nempe crebro & violenter in motum agitur cor.

Q U A M O B R E M recte satis dixit Gometius Pereira^a “ causam caloris febrilis esse cor
“ nostrum frequentius & velocius agitatum,
“ quam tempore salutis, indeque calidius ver-
“ sum.” Cum autem veri sanguinis gyri nescius
istius

^w VI Epid. IV, 34.

^x Vid. Bacon. Nov. Org. II, 13. p. 192.

^y Back de Cord. III, 3. p. 211. III, 7. p. 227.

^z VI Epid. VI, 20.

^a Nov. Med. VI. p. 90.

Confer & Borell. de Mot. Animal. II. Prop. 225. Bel-
lin. de Febr. V. p. 287.

C A P. istius agitationis modum exponendum adgre-
 IV. {deretur, statueretque ^b istum calorem omnino
 a calefacto corde per crebrum suum motum
 cæteris corporis nostri particulis, mediante
 spiritu vitali plus justo calente, communicari;
 fatendum est ipsum non multo facilius expedi-
 tiusve nobis explicasse febrilem æstum, quam
 Galenus, hujusque, quos corrigere Pereira
 voluit, sectatores.

Coroll. 9. Ex dictis quoque facile constat
 qua ratione amara, aromatica, aliaque acria
 ingesta, piper, allium, cæpa, &c. quæ vir-
 tute pollent stimulante, præter alias attenuan-
 tes, sanguinisve mutatrices suas vires, illa im-
 primis de causâ multum calefaciant ^c. Idem-
 que effectus ex hisce exterius adplicitis ^d.

Coroll. 10. Atque hinc neque mirabimur
 quod “ in *frigidis animalibus* cor lente ad-
 “ modum rarisque ictibus pulsat, ut vix in
 “ arteriis pulsum percipias; sanguinemque
 “ transmittunt lento admodum gradu.” Ut
 magnus

^b Ibid. VII. p. 109, &c.

^c Vid. Galen. de Caus. Morb. 2. De Simpl. Med. Fac. IV, 18. 19. Oribas. Synopf. I, 2. 3. 4. 5. 6. Aët. Tetrab. II, 201. 202.

^d Cels. Med. III, 19. p. 157, 33.

magnus adnotavit Harveius^e; aliique post C A P.
ipsum confirmarunt. IV.


Schol. I. NOTANDUM non frequentiam solummodo ictuum cordis, sed & alias corporis nostri conditiones, atque imprimis ipsius pulsûs magnitudinem sedulo attendendas esse in calore hominum dijudicando. Ita quædam nobis proponit experimenta Amon-tonsius^f de frequentia pulsûs, ac elevatione fluidi in thermometro; ex quibus ipse præci-pitanter nimis concludit illam frequentiam ad calorem corporis nihil facere, neque ex ea de hoc quidquam argumentari posse. Quid si tamen tanta fuerit diversitas magnitudinis pulsuum, aliarumque corporis conditionum a pulsu pendentium, non notata, quæ a proposito canone apparentis anomalix facile in causa esse potuerit? Cockburni^g certe obser-vationes alio tendunt, nostræque theoriæ fa-cile accommodantur. Per ea quippe a calore hominis cui cor a 55 ad 65 vices tempore unius minuti primi vibrabat, elevabatur ole-um in thermometro ad gr. 16 vel $16\frac{3}{4}$; illi cui pulsus

^e De Mot. Cord. &c. IV. p. 28. XVII. p. 64. 65. Exerc. II. ad Riolan. p. 107. Vid. & Lister Exerc. II. de Buccin. p. 245. 250. 251.

^f Mem. Ac. Sc. 1703. p. 235. 236.

^g Sea Diseas. Cont. p. 24.

C A P. pulsus a 60 ad 70 ad gr. $17\frac{5}{8}$; illi vero cui

IV.  pulsus a 70 ad 80 in eodem temporis spatio ad usque gr. 20 aut $21\frac{1}{4}$. In se-ipso vero longe minorem differentiam expertus est Derhamus^h. Ex corporis quippe sui contactu quieti prorsus ac otiosi, existente elevatione spiritus in thermometro gr. 284 supra aquæ congelationis notam; eundem spiritum non ultra gr. 288 per calorem corporis violento exercitio fervefacti sursum fuisse protrusum invenit. Neque certe ego tantas atque Cockburnus caloris differentias ex diversitate frequentiae pulsuum post multa facta pericula invenio.

Schol. 2. E A D E M quoque ratione neque nostræ obstat theoriæ quod in rigoribus quibusdam febrilibus pulsus sentiatur citatissimus, solito minus interim calente corpore. Quoniam nempe exigua quantitas sanguinis e corde projecta, in istis conditionibus a pulsu arteriarum parvo & debili indicata, sanguinis velocitati, & proinde calori minuendo sufficit.

P R O P. XVII.

Astrictura & arteriarum angustia multum dependet corporis nostri calor.

QUONIAM

^h Phys. Theol. I, 2. p. 17.

QUONIAMⁱ calor liquidi per canalem moti ab ipsius in hujus latera attritu genitus est in diametri ejusdem ratione reciproca, hinc si velocitate, aliisque conditionibus iisdem positis, capacitas arteriarum immutetur, tunc pariter sanguinis per ipsas trajecti calor proportionalem subit mutationem; hancque in mutatae latitudinis ratione reciproca. Ut hinc pateat quantum pendeat calor a varia arteriarum vel amplitudine vel contractione. Q. E. D.

Coroll. 1. HINC illi, quorum vasa vel ex natura, vel per assidua exercitia constricta sunt, robusti deprehenduntur & calidi, externique frigoris patientissimi.

Coroll. 2. ET vicissim sive ex natura, sive ex otio fibras & vasa laxa sortiti facile nimis frigescent. Quamvis etiam & hi ex causa inferioris^k declaranda nimium externum calorem haud facile ferunt.

Coroll. 3. AUGETUR calor ex compressione quavis externa fibras & vasa sanguinis coarctante, ut fasciarum vestium, &c. Et mirum propter constricta omnia vasa, & propter
ter

ⁱ Prop. 7. Cor. 4.^k Prop. 23. Cor. 4.

C A P. ter sanguinem majore impetu per interiora

IV. viscera propulsum¹. Nisi tamen plus æquo
 compressa solida motum impediant fluidorum, & sic calorem imminuant.

Coroll. 4. A T Q U E etiam plurima medicamenta ficcantia & vasorum constrictoria sunt etiam calefacientia^m.

Coroll. 5. L A X A N T I A vero atque emollientia inter refrigerantia merito habenturⁿ.

Coroll. 6. H E C T I C I, ex eo quod, præter pulsus frequentiam humorumque acrem putridam corruptelam, aridiora & strictiora sint omnia solida, licet exinaniti, calescunt valde.

P R O P. XVIII.

Cæteris paribus calor sanguinis mutatur secundum varias ipsius quantitates.

S I omnibus aliis conditionibus iisdem positis sola supersit sanguinis mutata quantitas,
 tum

¹ Vid. Lower de Cord. II. p. 74.

^m Galen. de Caus. Morb. 2. De Simpl. Med. Fac. I, 33. Fernel. Therap. V, 18.

ⁿ Galen. de Caus. Morb. 3.

tum moles dato tempore a corde pulsa eandem prorsus quantitatis totius massæ sequitur rationem. Sed ex variata hacce mole e corde projecta mutatur sanguinis in omnibus vasis velocitas, secundum quam, ex natura caloris ab attritu geniti°, varius generatur calor. Ex quibus ergo concludo, cæteris paribus, calorem sanguinis directe mutari per variatam ipsius quantitatem. Q. E. D.

Coroll. I. SUPPONAMUS animal nec fabrica nec operationibus ullo modo mutatum præter solam quantitatem sanguinis in cunctis ejus vasis contentam; & propterea quantitatem e corde singulis hujus ictibus, aliove quovis dato tempore protrusam. Hocce inquam in casu, corpore nullo modo labefacto, sed nimis abundante solum bono sanguine, sive existente vera plethora, pulsuque arteriarum, præterquam ratione magnitudinis, a naturali non deflectente, ex medicorum observationibus discimus (εν θερμότερου φλεβίου αίματι πληθει ανισχειν το καυσωδες ^p) halituosum & solito majorem adesse calorem; esse nempe, secundum ipsos, πολυαιμιαν θερμότητα σημειον ^q, atque αίμα πολλον θερμασιης και τολμης εξαψιν καρτερην ^r. Quamdiu

° Prop. 7. Cor. 3.

^p VI Epid. VI, 3.^q Aristot. de Part. Anim. III, 6.

Aret. de Acut. Cur. II, 11.

C A P. diu nimirum non suffocatur cordis motus ex
IV. nimio & quasi obruente sanguine.

Coroll. 2. CONTRA in universali *κενέα*-
γεια, sive deficiente sanguine in omnibus cor-
poris animati vasis (a quacunque id fiat causa)
sed alias solidorum fabrica, humorumque
qualitate invariatis, videmus calorem defi-
cere, frigusque naturali majus succedere. Et
novi juvenem optimi habitus & temperiei
calentem ut plurimum gr. 98, ex inedia per
biduum ex consulto passa, plus quam quatu-
or caloris gradus amisisse; arteriarum quoque
pulsu multum imminuto.

Coroll. 3. HINC missio sanguinis non
laxat solummodo, veluti contra Hippocratem
statuebant Methodici^f, sed etiam vere refrige-
rat corpus. Quo consilio jure illam celebra-
bat magnus ille Medicinæ antistes, & hodie
probatissimi instituunt medici. Idemque
dictum puta de aliis evacuationibus, quæ sine
ulla calefaciente dimotione, aut fervido sti-
mulo sanguinis humorumve minuunt quan-
titem. Unde inter resolutionis *caloris*
innati causas recensentur a veteribus[†] “ eva-
“ cuationes

^f Vid. Cæl. Aurel. de Acut. III, 17. §. 155.

[†] Galen. de Nat. Fac. II, 8. Avicen. Can. III, XIV,
IV, 4.

“ cuationes superfluæ per sudorem & urinam, CAP.
 “ & solutionem ventris, & menstrua & hæ- IV.
 “ morrhoides.”

Coroll. 4. DUM novo reficimur & turgemus alimento, blando perfundimur calore; aërisque frigidi injurias facilius longe saturi toleramus, quam esurientes & inaniti.

Schol. 1. NEQUE continuo regeras hominibus quibusdam sanissimis liberaliter pastis, æstuantibus licet aliquallyter capite, facie, &c. inferiores artus non raro algescere. Quum hoc ex mechanico situ partium, & tumefcentis ventriculi in magnam descendentem arteriam compressione proveniat: quaminus sanguinis inferne, debito vero plus in superiora corporis loca adigitur: uti ingeniosissimi medici Richardus Medus^u & Jacobus Keillius^w ex parte jamdudum adnotarunt.

Schol. 2. ET quod dira fame eneçti ante mortem febrim patiantur, phrenitidem, aliaque calescentium humorum, & inflammati, sphacelatique cerebri symptomata, & carnes tabo putrido corruptas^x, id sanguinis ipsius
 Q indoli

^u Ess. on Pois. p. 138.

^w Tentam. I. p. 9.

^x Vid. Tulp. Obs. Med. I, 43.

C A P. indoli adscribas; qui, si novo non reficiatur
 IV. alimento, ex sua natura, & jugi circulari motu, in liquidum acre putredinosum, omnia corrumpens, sponte degenerat^y. Atque de hacce sanguinis putrida acrimonia exponendæ sunt veterum observationes, quando notarunt jejunantium ora male olere, sive spiritum jejuno acrem^z; nobisque ex inedia accendi calorem: sanguinemque biliosorem ac amariorum reddi; eamque biliosæ temperiei homines difficilius ferre, & ex ipsa febribus esse obnoxiores^a.

Schol. 3. NEQUE objicias homines, qui nimis abundante obruuntur sanguine, inertiores & frigidiores aliquantulum reddi. Hoc quippe ex accidenti provenit; cum illorum vasa nimis distenta sanguinem adcumulatum debita cum velocitate atque vi agere nequeant^b. Ut tales plethoram *ad vires* pati dicantur.

P R O P.

^y Boerh. Aph. 80. 83. Chem. II. Proc. 88. 95. 100.

^z Aristot. Probl. XIII, 7. Petron. Sat. 128. Martial. Epigr. IV, 4. A. Gell. Noct. Att. II, 23.

^a Vid. Hipp. de Vict. Acut. XVI, 6. 7. 8. XVII, 6. Galen. Com. in Hipp. de Vict. Acut. II, 22. De Venæsect. advers. Erasistr. 4. Meth. Med. VIII, 2. X, 4. 5. Oribas. Synops. VI, 6. Confer & Willis de Febr. I. p. 102.

^b Vid. Lower de Cord. II. p. 84.

P R O P. XIX.

Sanguinis calor variationes subit secundum varietatem ipsius crassitie etque mobilitatis.

CÆTERIS iisdem positis facilitas motus sanguinis dependet ad ipsius fluiditate, aut componentium particularum minima tenacitate. Atque celeritas ejus a corde versus reliquas corporis partes propulsi, vel etiam ab hisce per venas ad illud reflui variatur aliquomodo per istam ad motum promptitudinem. Unde calor, per attritus celeritatem mutabilis^b, variationes subit secundum varios ipsius sanguinis fluiditatis aut mobilitatis gradus. Q. E. D.

Coroll. 1. HINC acria, alcalica, urinosa, omniaque putrida, aliaque sanguinem attenuantia, præter stimulantem suam vires, ab hocce etiam effectum calida sunt.

Coroll. 2. E contrario austera, acida, coagulantia, eaque quæ sanguinem incrassant, immobilioremve reddunt, in frigefacientium classem referuntur.

Q. 2

Coroll.

^b Prop. 7. Cor. 3.

C A P. *Coroll. 3.* HINC etiam homines qui
 IV. promptitudine, festinatione, & actionum suarum fervore tenuia facileque mobilia sua testantur fluida, acres sunt & calidi jure nuncupantur.

E T vicissim frigidi dicuntur hebetiores illi qui ex inertioribus constant particulis tam solidis quam fluidis: quibus nempe, ipsis minus favente natura,

*Frigidus obstiterit circum præcordia
 sanguis:*

Coroll. 4. ALIMENTA ex blanda, inertia, neque ullo modo acri, vegetanti materie, & lac animalium herbis pastorum, moderata omnino sunt, vel frigida. Quoniam sanguis ex iis genitus non est elaboratus adeo, nec a crassitie & particularum cruditate adeo immunis, nisi post diuturnam in animalium vas circulationem.

Coroll. 5. VICTUS autem carneus, vel ex animalium succis bene præparatis, corpora nostra roborat, iisque calorem conciliat. Hic quippe chylum generat, qui in bonum, fluidum, perfectumque sanguinem, & multo subacto oleo divitem facile facessit. Seposita quoque

quoque hac consideratione^d quod diathesin C A P.
ad acrimoniam calidam alcalescentem vi vi IV.

tæ facilius adquirat sanguis ex materia ani-
mali confectus, quam illorum inertium vege-
tantium blanda soboles. Atque hinc apud
Hippocratem^e αἱ ασθενεὲς διαταί ψυχραὶ αἱ δὲ
ισχυραὶ θερμαί.

Schol. “ TANTA profecto carniū in ca-
“ lesfaciendo corpore vis est, ut ipsum quo-
“ que animum in evidentissimum trahat
“ sympathiam. Si namque (ut Galenus,
præeuntibus etiam veteribus, “ author est)
“ animi mores temperaturam corporis imi-
“ tantur, quid adeo mirum sit homines a cre-
“ bro carniū esu, ut corpore magis calidos,
“ sic animo ferociores reddi. Ostendit hoc
“ Anthropophagorum ac gentium Libyæ ef-
“ fera sævities, quorum venter crudis homi-
“ num artubus, & obscœnis onagrorum,
“ leonumque visceribus saginatur. Sane im-
“ pulsum hac esse causa Pythagoram existi-
“ mo, quod tantopere carnes horruerit. Ni-
“ mirum is tanta fretus sapientia perspexit
“ ex hoc genere victus mortalium animos
“ efferari, ac nescio quid pecuinæ atrocitatis
“ inducere.” Hæc subactissimi ingenii vir

Q 3.

“ Jodocus

^d Vid. Boerh. Aph. §. 78. 79.

^e VI Epid. IV, 37.

C A P. Jodocus Lommius^f. Atque ea, nostramque

IV.

simul doctrinam optime illustrant conspicuæ differentia, quarum ratione discrepare notantur æstuantēs & immites illæ feræ, leones, lupi, tigrides, &c. quæ cruentum sibi quarunt victum, ab aliis magis mansuetis animalibus, ut sunt cervi, oves, lepores, equi, boves, &c. quæ graminis esui, eorumque, quæ sponte sua profert terra, provida destinavit natura. In cujus rei confirmationem ait Arbuthnotus^g, *I know more than one instance of irascible passions being much subdued by a vegetable diet.*

P R O P. XX.

Sanguinis calor variationes subire possit ex variis aliarum rerum cum ipso miscelis.

V A R I O S frigoris atque caloris intendendi modos observarunt antiqui. Vide Galenum de Caus. Morb. 2. 3, aliosque. Ast recentior detexit ætas ex simplici rerum diversarum miscela utrumvis produci posse. Ex physicorum quippe & chemicorum experimentis liquido discimus vel intendi vel minui posse corporum

^f De San. tuend. p. 214.

^g Ess. of Alim. p. 219.

corporum mistorum calorem secundum vari- CAP.
as ipsorum naturas atque proprietates. IV.

EXEMPLA aucti caloris ex corporibus sibi
mutuo admistis suppeditarunt

BACONUS in Nov. Org. II, 11. p. 167.
12. p. 186. 13. p. 190. 20. p. 219.

GASSEND. in Epicur. Philos. p. 547.

BOYLE Usef. of Exp. Phil. Abr. I. p. 35.
Ess. on Nitre, p. 299. Orig. of Heat, &c. p.
554. 555. 557. 558. 561. 562. 566. 567.
568. 569. 570. 571. Of Qualit. Abr. III. p.
436. Hist. Hum. Blood, p. 453. 477. of the
Wholesom. of the Air, p. 541.

SLARE in Philos. Transf. Abr. III. p. 352.
353. 358. 359. 360.

TENT. Exp. Acad. del Cim. II. p. 130.
131.

DEL Papa Lett. del Caldo, &c. p. 95.
Del' Umido, &c. p. 177. 178. 179.

BORELLUS de Incend. Aetn. p. 54. De
Mot. Anim. II. Prop. 27. 291.

ROHAULT Phys. I, 23. §. 14. 16. 17.

DU Hamel Hist. Acad. Reg. Sc. an. 1676.
p. 142.

GEOFFROY in Mem. Ac. Sc. 1700. p.
144. 146. 147. 155.

GEOFFROY jun. Ibid. 1713. p. 69. 70.
71. 1723. p. 166. 167.

CAP. AMONTONS Ibid. 1705. p. 116.

IV. NEWTON Opt. p. 315. 352. 363. 354.

BOERHAAVE Chem. I. p. 365. 366.
367. 372. 373. 374. 375. 376. 377. 378. 386.

MUSSCHENBROEK Tent. Ac. Cim.
Add. p. 191. II. p. 134. 135. 136. 137.
138. 139. 140. 141. 143. 144. 145.
146. 147. 148. 149. 150. 151. 152. 153.
154. 155. 156. 157. 158. 159. 160. 161.
162. 163. 164. 165. 166. 167. 168. 169.
170. 171. 172. 173. 174. 175. Ess. de Phys.
§. 917. 983.

EXEMPLA diminuti caloris ex mixtura
corporum videtis apud Baconum De Augm.
Scient. V, 2. p. 146. Hist. Vitæ, &c. p.
423. Sylv. Sylv. 73.

SANCTOR. Com. in Avicen. Can. p. 232.

GASSEND. in Epicur. Philos. I. p. 174.
522. 573.

BOYLE Orig. of Heat, &c. Abr. I. p.
550. 551. 552. 553. 554. 555. 556. 557. 558.
559. 563. 567. 570. 572. Exp. of Cold, p.
586. 587. 588. 589. 590. 591. 592. 593.
596. 597. 599. 600. 601. Hist. Hum. Blood.
Abr. III. p. 453. 477. 478. Phil. Transf. Abr.
II. p. 161. 162. 163.

SLARE in Phil. Transf. Abr. Abr. III. p.
354. 355.

SYLVII Prax. Med. I, 14. §. 18.

TENT. Exp. Acad. del Cim. I. p. 126.

128. 129. 130. 131. 132. 133. 140. 173.

177. 178. II. p. 88. 131. 132.

BORELL. De Mot. Anim. II. Prop. 228.

DEL Papa del' Caldo, &c. p. 130. 131.

DU Hamel Hist. Acad. Reg. Sc. p. 314.

GEOFFROY Mem. Ac. Sc. 1700. p. 143.

144. 145. 146. 148. 150.

GEOFFROY Jun. Ibid. 1713. p. 69. 70.

1727. p. 162. 165. 166. 167. 168.

AMONTONS Ibid. 1705. p. 112. 113.

114. 115.

DE Reaumur Ibid. 1734. p. 234. 238. 239.

241. 242. 247. 248. 249. 250. 252. 253.

254. 262. 264.

BOERHAAVE Chem. I. p. 159. 162.

163, 164. 375. 376. 377.

MUSSCHENBROEK Tent. Exp. Ac. Cim.

Add. I. 174. 176. 181. 187. 191. 192. II. p.

133. 134. 135. 136. 140. 141. 142. 143.

144. 150. 172. 173. 175. Ess. de Phys. §.

909. 910. 917. 920. 948. 949. 999.

HORUM experimentorum, & similium
quæ apud auctores occurrunt, longe plurima
talia quidem sunt quæ in corpore humano
feri non possunt. Ast ex iis luculenter con-
stat quam varia & caussarum foecunda sit ipsa
natura ;

C A P. natura; & aliquid horum quibusdam non
 IV. absimile etiam in nobis interdum contingere
 posse. Q. E. D.

P R O P. XXI.

*Calor sanguinis iisdem motibus agitati
 quodammodo mutatur secundum sul-
 phuream particularum constituentium naturam.*

MAGNUS ille, cui tanta tamque multa debemus, Newtonus^h, comprobavit vires mutuas corporum in lucis & ignis radios, horumque in illa, sequi rationem ipsorum veræ oleositatis, seu sulphuræ naturæ. Ut hinc quoque talia ex dato attritu facilius calefcere debeant quam macra & terrestria corpora. Unde videtur calorem sanguinis ab illa ipsius sulphurea conditione pendere quodammodo debere. Q. E. D.

Coroll. I. PRÆTER rationem stimuli & stipticitatis in villos corporis animalis, & præter fervorem quem ex miscela cum rebus aquosis & liquoribus animalibus sponte concipiuntⁱ; & hinc etiam vina & hujusmodi
 arte

^h Opt. II, 3. Prop. 10. ⁱ Vid. Slare in Phil. Trans. Abr. III. p. 360. Geoffr. Mem. Ac. Sc. 1713. p. 69. 70. Boerh. Chem. I. p. 366. 367. 375. Muschenbr. Tent. Acad. Cim. Add. II. p. 138. 140. 141.

arte præparati spirituosæ liquores sunt calidi; & quo meraciores eo magis; multo quippe attenuato & subactæ gaudentes oleo^k. CAP. IV.

Coroll. 2. HINC etiam percipitur quare ipsum sulphur, five intro sumptum, five corpori exterius adplicatum, calefaciendi virtute præditum invenitur^l.

Coroll. 3. ET ex iisdem principiis patet ratio quamobrem macra, acida, acerba, aliæque olei quasi absorbentia (modo non nimis sint acria, magnæve stimulantæ vi prædita) pro frigidis habentur^m.

Schol. HISCE interim non obstantibus notandum hanc propositionem non adeo universaliter obtinere, quin supponere possumus sanguinem ita multo crasso obrutum oleo, ut vasa laxentur; illiusque in horum latera attritus aliquantulum suffocetur; atque sic calor diminutionem potius quam augmentum hinc patiatur, prout in valde obesis experimur. Propositio ergo iis duntaxat est adpli-

^k Cels. Med. I, 3. II, 27. Galen. de Caus. Morb. 2.

^l Dioscorid. V, 83. Galen. de Simpl. Med. fac. IX, 3. §. 9. De Comp. Med. per gen. VI, 2. Oribas. Synopf. I, 2. 5. Aët. Tetrab. II, 198.

^m Cels. Med. I, 3. II, 27. Galen. de Simpl. Med. fac. I, 19. IV, 7.

C A P. adplicanda, qui sanguinem bene constitutum,
IV. ejusque partes rite subactas possident.

P R O P. XXII.

Calor sensibilis corporis animalis mutatur secundum particularum sanguinis constituentium variam densitatem.

R E R U M physicarum experti invenerunt corpora igni cuicunque exposita, cæteris paribus, quo solidiora eo majorem videri concipere caloris formam, atque ut plurimum obstinatius diutiusve conceptum retinere calorem; sive “ a laxis & mollibus molliorem
“ quoque oriri calorem, a duris & densis vehementiorem,” ut habet Theophrastusⁿ. Sic apud Perciram^o “ densiora majorem formæ
“ caloris copiam habentia plus urere quam
“ rariora & vaporosa valent: ferrum enim ignitum potentius quam stupæ aut paleæ ad
“ urendum est.”

*In stipulis magnus sine viribus ignis.
Incassum furit^p.*

S A N G U I S autem ratione densitatis constituentium particularum satis est variabilis,

ⁿ De Igne p. 139.

^o Nov. Med. XXII. p. 359.

Confer & Bacon. Nov. Org. II, 13. p. 197. Del Papa

del Cald. &c. p. 27.

^p Virgil. Georg. III, 99.

bilis, & nempe ex ingestorum varietate, & ratione operationum animalium liquida nostra diversimode subigentium. Unde tuto concludere possumus ipsius quoque sensibilem calorem hocce respectu debere mutari. Quod ostendendum erat.

Coroll. I. Ψυχρότερον φύσει τὸ φλέγμα, θερμότερον δὲ τὸ αἷμα, inquit Hippocrates⁹. Hinc exercitati, fortes, athletici, & diviti, vulgo dicto fibroso, florentes sanguine, id est, insigni magnorum & densorum globulorum quantitate saturato, calidiores, frigorisque patientissimi censentur. Quales hujusce constitutionis effectus neque ignoravit sedulus naturæ indagator scholæ Peripateticæ princeps, uti sequentia clare testantur^r. “ Quorum sanguis fibris admodum multis crassisque refertus est, hæc terrena magis constant natura, & moribus ferocia sunt, atque ex ferocitate ecstatici: ferocitas enim calorigifica est. Solida autem firmioraque omnia concalefacta vehementius quam humida calefaciunt. Fibræ vero solidæ terrenæque sunt, itaque quasi vaporaria (πυρρὰ) in sanguine efficiuntur, fervoremque in animis excitant. Ex quo fit ut tauri & apri feroces

⁹ I De Morb. XXII, 11. ^r De Part. Anim. II, 4.

C A P. " ces & ecstatici sint: sanguis enim eorum
IV. " fibris refertior est."



Coroll. 2. CONTRA in exercitatu, debiles, cachectici, leucophlegmatici, hydropici, minusque cruento potiti sanguine, frigidi deprehenduntur; æstusque facile tolerantes, frigus ægre ferunt. Unde recte Aristoteles^f,
του γὰρ αἵματός το μεν ὑδατώδες μαλλον ψυχρον εστι.

Coroll. 3. UT ergo nec contradicendum Hippocrati^s afferenti locum quemvis corporis animalis firmiorem, biliosiore & sanguinolentiore, calidiore pariter esse. Et antiquis concedendum partes sanguine rubro saturas albis aliisque minus coloratis quodammodo esse etiam calidiores; quanquam, ex antea dictis, differentiâ satis exiguâ, longe certe minore quam illi veteris medicinæ patres statuebant.

Coroll. 4. METALLICA, salina, aliaque sanguinem gravi onerantia materie ipsius impetum & calorem pariter augent.

Coroll. 5. AS traquosa (præterquam quod solidis laxitatem inducant) sanguine quum
sint

^f De Part. Anim. II, 4.

^s VI Epid. II, 86. Vid. & IV de Morb. XXV, 9.

sint leviora, frigidis rebus adnumerantur^t. C A P.
 Et præcalidis tenuem diluentemque aquæ IV.
 potum commendat Cous Præceptor^u. A
 magna quippe humiditate solvitur calor^w.

Coroll. 6. C U M Andreas Cæsalpinus^x
 multorum animalium sanguinem hominis
 sanguine calidiorem prodit, illum simul recte
 animadvertit crassiores, sicciorem ac turbu-
 lentiores existere.

Coroll. 7. E x altera parte inter alias fri-
 giditatis piscium causas & hanc adnumerabis,
 quod sanguinem habeant aquosiores, & mi-
 nore rubrarum particularum numero divi-
 tem^y quam crassus hominum & similibus ter-
 restrium animalium sanguis, & ad grumes-
 centiam pronior præ frigidorum animalium
 sanguine^z.

Schol. Q U U M autem varia corpora den-
 sitate diversissima, aër v. g. alcohol, aqua,
 argentum vivum, &c. dato modico calori
 exposita æque calefiant, uti thermometris
 com-

^t Galen. de Simpl. Med. fac. I, 4. 6.

^u VI Epid. IV, 34. ^w IV De Morb. XIX, 6.

^x Quæst. Peripat. V, 6. p. 132.

^y Vid. Leewenhock Arcan. Nat. detect. Ep. 67.
 p. 204.

^z Thruston de Respir. Resp. ad
 Animadv. p. 196. Lister de Cochli. p. 167. De Buccina
 p. 244. 246. 248. 253. 254.

C A P. comperit Boylius^a, & alii^b uberius confirmā-

IV.

tunt, refragante utcunque fallaci hominum tactu; hinc, quæ modo diximus de mutatione caloris animalium ex variata constituentium particularum densitate, intelligenda præcipue putes non adeo de mutata ejus intensitate (nisi quatenus ex mutato moventium corporum pondere eorundem mutatur momentum aut impetus; & vis adquisitum calorem conservans) quam de aucta vel imminuta quantitate calidi, vel ignis in dato spatio, seu sub dato volumine comprehensa. Quæ ignis quantitas, vera caloris intensitas utlibet parum varietur, ex variata corporum calentium densitate aliter atque aliter sensus nostros, solidaque nostri corporis afficit, hosve aliosve edit effectus. Ένα μιν δη τροπὸν λεγεται μαλλον θερμὸν ὑφ' οὗ μαλλον θερμαινεται τὸ ἀπτομενόν· ἄλλου δέ, τὸ μαλλον αἰσθῆσιν ἐμποιοῦν ἐν τῷ διγγανεῖν^c.

P R O P. XXIII.

*Calor corporis humani ejusque partium
secundum varias anni tempestates
mutatur, aërisque nos ambientis vicissitudines.*

DIVERSUS

^a Exp. of Cold Abr. I. p. 574.

^b Boerh. Chem. I. p. 187. 188. 281. Musschenbr.: Eff. de Phys. §. 961.

^c Aristot. de Part. Anim. II, 2.

DIVERSUS fit animalis calor non solum ex varia humorum quantitate & qualitate, ex vario solidorum statu, atque variis circulationis viribus quæ ex ipsius animantis dependent natura & conditione, prout in prægressis jam fuisse exposuimus; sed præterea a varietate ejus, quo cingimur, medii haud exiguam subit mutationem: Quanquam in locis nostri corporis bene contactis, æstate hiemeque eandem quasi caloris intensitatem vigere ex suis experimentis credidit Derhamus^d, & nos sexcentis confirmavimus periculis. Novimus interim ex contactu rei frigida corpus quodvis calens aliquantulum sui caloris remittere: quemadmodum contra ex applicatione calidorum frigida paullulum incalescunt. Neutrum tamen fit subito; sed per gradus procedunt hæ mutationes; ita ut post notabilem satis temporis moram utraque contingentia corpora, si prorsus inertia, utroque in casu eodem tandem afficiantur caloris gradu. Hinc ergo, ut generatim id notemus, nil mirum corporum nostrorum partes externas, nisi bene contactæ sint, aliorum corporum ritu, hiemali tempestate algidas reddi, atque rursus æstivo calore tepescere; mediis temporibus,

R

bis,

^d Phys. Theol. II, 2. p. 18.

C A P. bus, vere & autumnno, media ratione nosmet
IV. habere.

2. A S T corpora humana haudquaquam inertia & mere passiva sunt. Longe major portio caloris animalis neutiquam est adventitius, sed vitalis, ex interno quodam principio fluens, circulatione nempe & perenni motu sanguinis. Ut jam spectandum sit quid profluere debeat ex combinatione causarum tam extra quam intra diverse nos afficientium. Universalis ergo proprietas caloris est corpora tam solida quam fluida rarefacere & dilatare, prout frigus e contrario illa constrictiora reddit^e. Si quando igitur ex ambiente aëre frigescat cutis, totaque constringatur^f, magis impeditus redditur versus superficiem corporis commeatus sanguinis. Unde itaque major erit ejus impetus in omnia interiora viscera, ut hinc, præter expirantis calidi præpeditas vias, percipiamus nec interna corporis eodem semper constanti gaudere caloris gradu : palam declarante Hippocrate^g “ una cum temporibus & ventricu-
“ los

^e Hipp. de Princip. IV, 6. 7. De Loc. in Hom. XV, 3, &c. VI Epid. III, 22. I de Morb. XXIII, 8. 10. Aristot. Prob. XIV, 8. Galen. de Us. Part. XVI, 14. De Simpl. Med. fac. IV, 2. Cass. Probl. 39. Cœl. Aurelian. de Morb. Acut. I, 9. §. 58.

^f Vid. Galen. de Plenitud. 10.

^g De Aëre, &c. II, 2. Confer & Bacon. Nov. Org. II, 13. p. 193.

“*ἰος* (κοιλίας) in hominibus mutari;” quamvis C A P.
 non secundum eandem, qua exteriora, re- IV.
 gulam; sed “hieme & vere ventres calidif-
 “*simos esse*”^h. Cujus axiomatis veritatem ex
 ipsa rerum constitutione deducimus, non ex
 philosophica hypothesi; quod Hippocratem
 fecisse voluit Pitcarniusⁱ. Et videmus quan-
 ta cum ratione dixerit Theophrastus^k quod
 “hieme circumdatus aër contrahit & conclu-
 “dit calorem, & corpora cibos melius con-
 “coquant, & frigoribus omnino robustiora
 “sunt, quod unitus sit calor, & compulsus
 “undique teneatur.” Quam rem elegantis-
 sime cecinit Thomsonus noster in divino ejus
 de *Anni Tempestatibus* opere^l.

*Close crouds the shining atmosphere; and
 binds*

*Our strengthen'd bodies in its cold embrace,
 Constringent; feeds and animates our blood;
 Refines our spirits, thro' the new-strung
 nerves*

*In swifter sallies darting to the brain:
 Where sits the soul, intense, collected, cool,
 Bright as the skies, and as the season keen.
 All nature feels the renovating force*

R 2

Of

Aph. I, 15. De Humor. V, 4.

^h Diff. de Mot. Ventric. §. II.^k De Ignē, p. 134.^l Winter. 561.

C A P. *Of Winter; only to the thoughtless eye*
 IV. *In desolation seen.*

3. QUALES, aliique hisce similes hiberni frigoris effectus prompte observari debuerunt in Græcia, Theffalia & finitimis locis, in quibus artem exercuit suam Hippocrates; priusquam Persarum luxus corruperat adhuc integras mentes hominum, corporaque emollita nimis effæminaverat. Immo adeo proficua nobis reddi possit sæva hiems, ut, si tunc temporis exercitio, natura, aliove modo sanguinis intendatur celeritas, tum ex fluidis pernici motu actis, simulque cunctis solidis magno se contrahentibus vigore, omnium maximus undique fiat attritus & calor, vivida vis corporis & animi, incredibilis lætitia, voracitas, magna perspiratio, &c. quæ ex aucta salubri vi vitæ dependent^m. Uti præsertim in Hollandia aliisque quibusdam conspicitur locis, ubi media hieme, omnibus rebus nive & gelu constrictis, homines alias minime leves omni lætitiæ modo gestiunt, quasi bacchanalia agentes, dum aliis otiosioribus populis

Bruma recurrit inersⁿ.

&

^m Vid. Hipp. Aph. III, 17. Cels. Med. I, 9. p. 39. II, 1. p. 44. Sanctor. Med. Stat. II, 1, 7. Boyle Exp. of Cold, Abr. I. p. 669.

ⁿ Horat. Carm. IV, 7.

& hi focis furnisque assident, salutarem modici frigoris virtutem nec curantes nec experti. C A P. IV.

Χειμα δυσεργον· επει και χειματι πολλοι
Θαλπομενοι θελγουνται αεργιη τε και οκνω °.

Quinimo ad otium & focum, & genium indulgendum invitat impiger alias & actuosus ipse Hesiodus ^P.

Παρ δ' ἰθι χαλκείου θωκον και επ' αλεα λεςχην
Ωρη χειμεριη, οποτε κρυθ ανερως ειργον
Ισχανει· ενθα κ' αοκνθ ανηρ μεγα οικον οφελλει.

^a *Hiems ignava colono.*

Frigoribus parto agricolæ plerumque fruntur,

Mutuaque inter se læti convivia curant.

Invitat genialis hiems, curasque resolvit.

4. SIN contra per infortunium quoddam corpore ab aëris injuriis non satis munito, propter nimiam animalis inertiam, minutasve circulationis vires, majus extus adveniat frigus, quam domare possit impetus cordis, & sanguinis in motum acti; tum primum extrema corporis membra vim frigoris passa commeatu sanguinis & vita destituuntur: miseranda quoque hac labe ulterius introrsum

R 3

serpente,

° Bion. Idyll. p. m. 310.

^P Oper. &c. II, III.

^a Virgil. Georg. I, 299. Confer & Horat. Carm. I, 9. III, 17.

C A P. serpente, donec tandem fatiscentibus cerebro,
 IV. { atque corde, sævo frigore cuncta figente, contractis solidis, & liquoribus omnino fixis & congelatis totum penitus obruatur animal.

On every nerve

*The deadly Winter seizes; shuts up sense,
 And o'er his stronger vitals creeping cold
 Lays him along the snows a stiffen'd corse,
 Unstretch'd and bleaching in the northern
 blast.*

prout in borealibus Europæ, Asiæ, Americæ-
 que locis sæpius contigisse ex historicorum &
 perigrinantium fide non sine horrore atque
 miseratione accepimus.

5. AESTATE vero ex ambiente calore
 cum fluida tum solida, præsertim exterius lo-
 cata, aërique fervido exposita rarefiunt & dila-
 tantur; circulatio cutanea augetur, hucque
 ruit sanguinis impetus. Unde minor reddi-
 tur vis motusque liquidorum in visceribus par-
 tibusque intimis nostri corporis; ut vis vitalis
 deficiat, internusque calor; toto corpore in-
 erte, & interdum, si æstus nimis urgeat, qua-
 si diffuente. Unde prout est apud Vitruvium^f,
 “ calor cum excoquit ac rebus firmitatem
 “ eripit, & vaporibus fervidis exfugendo na-
 “ turales

^r Thomson. Wint. 299.


^f Archit. I, 4.

“ turales virtutes, dissolvit eas, & fervore C A P.
 “ mollescentes efficit imbecillas. — Licet IV.
 “ considerare hæc ita esse ex eo quod æstate
 “ non solum in pestilentibus locis, sed etiam
 “ in salubribus omnia corpora calore fiant
 “ imbecilla : & per hiemem etiam quæ sunt
 “ pestilentissimæ regiones, efficiantur salu-
 “ bres, ideo quod a refrigerationibus soli-
 “ dantur.”

Ex quibus omnibus satis confici puto calo-
 rem humani corporis ejusque partium, secun-
 dum varias anni tempestates mutari, aërisq; re-
 vicissitudines. Q. E. D.

Coroll. 1. HINC concipitur qua ratione
 corpus nostrum per artificiosam ejus construc-
 tionem tantis tempestatum varietatibus feren-
 dis par fiat. Aër quippe gelidus, prout fri-
 gus externum auget, sic interni caloris caus-
 sas intendit. Et contra in atmosphæra tepe-
 cente, dum adventitium minuitur frigus, in-
 terior simul remittit animalis calor. Ut in
 omni aëris conditione (nisi nimium peccet)
 justum conservetur caloris corporis nostri
 æquilibrium, & quasi attemperamentum.

Coroll. 2. QUUM ex admoto calore fluida
 quam solida magis dilatentur, hinc in debili-

C A P. bus & $\kappa\epsilon\upsilon\epsilon\alpha\lambda\gamma\epsilon\iota\alpha$ laborantibus per externum
 IV.  calorem illa magis erunt æquilibrata, virium-
 que procuretur refectio: Sive per artificialem
 ignem calefiat æger, sive illum foveat tepor
 vernalis, suscitetur intensior æstivus sol^t.

^u *In these green days
 Sad-pining sickness lifts her languid head,
 Life flows afresh; & young-ey'd Health
 exalts
 The whole creation round.*

Coroll. 3. IMMO in omnium animantium
 genere grate advenientis veris post frigidantem
 sævamque hiemem geniales atque instaurato-
 rii sentiuntur effectus: dum

*Solvitur acris hiems grata vice veris &
 Favoni^w:*

omnis turgescit & quasi efflorescit natura.

^x *Nam simul ac species patefacta est verna diei
 Et reserata viget genitalis aura Favoni;
 Aëriæ primum volucres te, Diva, tuumque
 Significant initum percussæ corda tuâ vi.
 Inde feræ pecudes persultant pabula læta,*
 Et

^t Vid. Cheyne of the Gout, § 9. p. 10.

^u Thomson. Spring, 850.

^w Horat. Carm. I, 4.

^x Lucret. I, 10. Confer & Virgil. Georg. III, 272.
 Thomson. Spring 534, &c.

Et rapidos tranant amneis; ita capta lepore,
Illecebrisque tuis omnis natura animantum
Te sequitur cupide, quo quamque inducere
pergis.

C A P.

IV.

⁊ Hail bounteous May, that dost inspire
Mirth and youth and warm desire.

NEQUE tamen post intensius ac diuturnum frigus subitum magnumve desideres aëris calorem, hominum corpora subito nimis rarefacientem. Talem enim blandientem temperiei aëris mutationem magnorum quorundam morborum esse generatricem, uti sunt peripneumonia, pleuritis, angina, synochi putres, & reliquæ hujusce generis affectiones, notarunt nonnulli, qui epidemicos morbos accurate observarunt & descripserunt^z.

Coroll. 4. Ex supra dictis intelligitur quare multi qui debilibus gaudent vasis, parumque contractilibus, & semet ægre restituentibus multum caloris externi haud facile ferant. In talibus quippe prolectato extrorsum fluidorum

rum

^y Milton on May Morn. p. m. 217.

^z Vid. Hipp. Aph. III, 11. De Aëre, &c. XXV, 7. Cels. Med. II, 1. Sydenh. Oper. p. 41. 105. Boerh. Aph. §. 799. Musschenbr. in Phil. Transf. N. 425. p. 362. 364. 368. 374. N. 426. p. 418. 419. 421. 422. Winteringh. Com. Nosol. p. 132.

C A P. rum cursu interiorum vasorum æquilibrium
IV. destruitur, viresque imminuuntur vitales.

Coroll. 5. QUUM calore rarefiant fluida, simulque debilitetur fibrarum contractilitas; hac quoque ratione æstivo tempore justum tollitur æquilibrium inter solida atque liquores nostri corporis, illis nimia horum mole quasi oppressis. Quæ mutatio in debilioribus, laxioribusve magis erit sensibilis, modo sat magna adsit fluidorum copia. Debilitatis ergo istius, quæ ab æstuante nascitur calore; probabiliorem rationem ex hisce principiis deduxisse videmur, quam si cum Josepho Del Papa^a, Leonardo de Capua^b, aliisque illam attribuissemus jacturæ nimiae particularum ignearum nostri corporis cum perspiratione avolantium.

Coroll. 6. QUONIAM ex multo calore etiam solida corporis nostri laxa & debilia fiunt, minusque contractilia, hinc æstivo tempore magnas subitasque evacuationes non facile ferunt vasa haud prompte se restituentia. Unde in missione sanguinis, aliisque evacuan-
di modis æstate & diebus præsertim canicularibus experientia cautos factos agnoscimus
veteres

^a Lett. del' Caldo, &c. p. 58.

^b Parere IV. p. 301.

veteres in Græcia, Asia, Egypto & Italia medicinam exercentes^c. Qualem tamen exquisitam cautelam in regionibus magis temperatis non adeo necessariam recte judicat Hollerius^d. Immo nec in fervidioribus terræ locis, si ad corpus evacuandum usurpare volueris leniora illa pharmaca priscis quidem Græcis ignota, quæ Arabes & recentior ætas in medicinam invexerunt^e.

Coroll. 7. CUM quietus aër in loco non perflato ex directâ æstuantis solis vi interdum magis quam corpus caleat, non mirabimur homines ex insolatione tantum pati calorem; eorumque sanguinem ita fervifieri, ut in febres incidant. Quæ tamen in bene temperatis haud ita mali moris esse solent^f; sanguine nimirum sponte defervente.

Coroll. 8. Quo sub ampliore superficie comprehenditur corpus quodvis, eo promptius & facilius caloris frigorisque subit vicissitudines. Ut manifestum fiat duplici de causa extantes corporis nostri partes, digitos præsertim pedum manuumque, omnium
promp-

^c Vid. Hipp. Aph. IV, 5. De Purg. V, 8. Galen. Meth. Med. XI, 14. De Art. Cur. ad Glauc. I, 13.

^d Com. in Hipp. Aph. IV, 5.

^e Vid. Laurent. in Hipp. Aph. XVII. p. 210. 212, &c.

^f Vid. Cels. Med. III, 5. p. 124, 1. Galen. de Art. Cur. ad Glauc. I, 2. Aët. Tetrab. V, 58.

C A P. promptissime & vividissime penetrantia sentire hiberni aëris frigora^s. Quoniam nimirum & ibi langueat vis longe distantis cordis; & hæc insuper membra in digitos fissâ magnam patiantur superficiei ampliacionem.

Coroll. 9. EADEM de causâ diros rigidi gelu effectus citius subeunt infantes quam viri; & generatim minora quam majora animalia facilius penetrabile frigus adurit. Quoniam nimirum in illis quam in his superficies, quibus frigori fiunt obnoxia, majorem habent rationem ad ipsorum soliditates, quarum virtute actioni frigoris resistunt. Sic apes fati vivos, per irritationem extra alveare, dum gelabat, erumpentes, unius quasi brevis momenti spatio penetranti frigore interceptos & obrutos, mortuos concidere observavi.

Coroll. 10. QUUM in caloris frigorisque communicatione multum dependeat a densitate corporum contingentium, hinc effectus frigidi aëris in animalia multum intenditur ab ejus humiditate. Prout scilicet videmus uliginosum cænosumve tempus nos magis affligere

^s Vid. Boyle Exp. on Cold. Abr. I. p. 605. 609. 668. 670.

gere quam gelidam tempestatem cum serenitate aërisque puritate conjunctam^h

C A P.

IV.

Coroll. II. ⁱ HUIUS affini de causa aër cætera similis magna vi, id est, vento delatus corpus nostrum suo frigore longe magis afficit quam ejusdem temperiei quietus aër. Corpus quippe nostrum circumdat atmosphæra materiæ perspirabilis, & particularum caloris avolantium; “ ut propriis spoliis, ceu ver-
“ naculo quodam Laconico, cingi videamur^k.” Quæ atmosphæra, si superficiæ corporis adhærere permittatur; siue illam non detrudat quietus aër, siue detineatur & quasi irretiatur vestibis, pellibus, pilis, plumis, aliisve integumentis, placidi degimus, & ab acri frigoris sensu prorsus immunes. Sin contra aliqua nostra iniqua conditione, vel nimirum propter nimiam sui perflantis vim, vel propter nimiam nostræ cutis nuditatem, circumdans aër dictam tepentem atmosphæram facile nimis everrat & dissipet, diros ejus effectus, & penetrabile frigus cito sentiunt hominum, aliorumque animantium corpora, ejus arcendis injuriis, & suæ conservandæ atmosphære
non

^h Vid. Sanctor. Med. Stat. II, 4. Boyle Exp. on Cold Abr. I. p. 576. Del Papa dell' Umid. &c. p. 96.

ⁱ Vid. Boyle Ibid. p. 715. Del' Papa Ibid. p. 91. Boerh. Chem. I. p. 192.

^k Pechlin. de Purg. 25. p. 334.

C A P. non satis pollentia. Quam etiam considera-
 IV. tionem de minore aut maiore ventorum vi
 in constitutionibus aëris, ejusque in corpora
 humana effectibus dijudicandis, magni facien-
 dam esse cautus monet solertissimus Epidemi-
 corum historicus Winteringhamus¹.

Coroll. 12. Ex observatis effectibus aëris
 in corpus humanum secundum varias illius
 temperies, intelligimus^m quare homines fer-
 vida telluris loca incolentes, & beato gauden-
 tes solo, molliores sint minusque firmi, at-
 que ingenio rerumque scientia aliis gentibus
 interdum imperantes. Dum contra viri in-
 clementiori coelo obnoxii firmi fortesque
 evadunt, & ingenio minus confici, mera
 armorum vi, caecoque impetu aliorum im-
 periorum everfores, Aeacidis similes, “ bel-
 lipotentes magis quam sapientipotentesⁿ ;”
 ut Scytharum, Tartarorum & Hyperboreo-
 rum Balthici maris accolarum historiae do-
 cere videntur. Quod item harum rerum
 optimus arbiter Gualterus Raleghius^o verum
 perhibet de suis Anglis, borealium gentium,
 Britonum, Gallorum, Teutonum, Danorum,
 Nor-

Com. Nofol. p. 23. 39.

¹ Vid. Hipp. de Aër. &c. 33. 39. 54. Aristot.
 Probl. XIV, 8. 15. 6.

ⁿ Ennius apud Cicer. de Divin. II, 56.

^o Hist. of the World, V, 1. §. 1. p. m. 265.

Normannorum, aliorumque quasi compendio. Ut tamen videamus homines temperata incolentes climata omni ratione, & animi & corporis viribus, præstare solere infelicioribus illis versus utrumvis extremum degentibus: vel nimirum quos hinc vicinior polus nimio frigore hebetat, vel quos illinc intensior sol torret incumbens. “ Quis per deos
 “ immortales” (inquit Galenus^p) “ non vi-
 “ deat hominum sub urfis degentium cor-
 “ pus atque animum alienissime ab illis, qui
 “ prope deustam zonam incolunt sese ha-
 “ bere? Aut quem lateat homines inter il-
 “ los medios temperatam regionem habitan-
 “ tes, & corporibus, & animi moribus, &
 “ intelligentia & prudentia longe illis ante-
 “ cellere?” “ *Arts and sciences have hardly*
 “ *ever appeared in very great or very small*
 “ *latitudes.*” Uti scite annotavit omni ele-
 ganti doctrina ornatissimus noster Arbuth-
 notus^q.

Schol. I. MULTAS ex hisce rerum tem-
 porumque mutationibus, harumque mutatio-
 num effectus in primis adnotarunt Poetæ, atque
 (ut

^p Quod Animi mores, &c. 9. Vid. & Arist. Ibid. XIV, I.

^q Ess. on the Air, VI, 17. p. 148.

C A P. (ut est id ingeniosum, perspicax & vividum
 IV. genus hominum) omnium curiosissime de-
 scripserunt. Ut in hisce & quibusdam aliis
 elegantius illustrandis dulcem nobis opem
 præbuerint.

Schol. 2. IN hisce quoque facem nobis
 prætulisse videri possit Galenus^r, dum prædic-
 tum exponens Hippocratis Aphorismum,
 “ quod,” inquit, “hominibus aqua frigida lotis
 “ tale etiam accidit animalibus hieme. Con-
 “ tigit autem hominibus qui aqua frigida
 “ perluuntur, si debile corpus habuerint, re-
 “ frigerari atque offendi: si vero robustum,
 “ primum quidem innatum calorem ad in-
 “ teriora refugere, ibique se ipsum colligere;
 “ postea vero ad exteriora remeantem, mul-
 “ to quam prius erat fieri fortiolem. Sic &
 “ animalia quæcunque sunt natura frigidiora
 “ iis calor innatus a frigore hiberno supera-
 “ tur, adeo ut fere extinguatur, quare pluri-
 “ ma ipsorum similia mortuis conspiciuntur,
 “ cum sine sensu & motu in latebris jacent:
 “ quædam vero prorsus in hoc ipso effectu
 “ moriuntur. Quæ autem plurimo sanguine
 “ abundant atque calore tale quiddam hieme
 “ patiuntur, quale accidit corporibus forti-
 “ bus

^r Com. in Hipp. Aph. I, 15.

“ bus aqua frigida lotis. Nam calor eorum C A P.

“ ad interiora se colligit, non (per Jovem) IV.

“ carnibus ad hæc, prima sede derelicta, re-

“ fugientibus, sed spiritu una cum sanguine.”

Hæc, ut tum ferebant loquendi formæ, ap-
positissime Galenus. Videſis & Hipp. Aph.

I, 25. 28. 29. V, 21. Aristot. Probl. II,

33. Sanctor. Med. Stat. I, 68. II, 1. 7. 8.

12. 25. 27. 31. 52.

P R O P. XXIV.

*Calor exteriorum partium in vigilantibus,
internarum vero in dormientibus
aliquaſiter intenditur.*

Hoc ex ſupra dictis, iisquæ quæ vulgo traduntur de Somno & Vigilia, atque diverſitate circulationis in diverſis hiſce corporis locis facile intelligitur. Quum nempe dormientibus humorum vitalium in internis præcipue partibus vaſisque majoribus circuitus ſit validior; τὸ αἷμα ἐν ὕπνῳ εἰσὼ μᾶλλον φεύγει^u : in vigilantibus contra motus ad muſculos voluntarios, exterioraque corporis loca magis determinatus ibi promptior ſit expeditiorque. Ut pateat calorem ſecundum diverſos hoſce

S

ſtatus

^t Vid. Galen. de Cauſſ. Pulſ. III, 9. Boerh. Inſt. §. 596. 597.

^u Hipp. VI Epid. V, 46.

CAP. status hic aut illic intendi, quamvis differen-
 IV. tiâ satis exiguâ propter sanguinem assiduo
 gyrantem & loca mutantem. Q. E. D.

Coroll. HINC laborem articulis & carni-
 bus, cibum vero atque somnum visceribus
 commendat Hippocrates ^w.

Schol. CURTO suo loquendi modo ait
 Hippocrates ^x εμφανεως, εγγρηγορως θερμολεγεσθαι τα εξω,
 τα εσω δε ψυχροτερος καθευδων τ' αυανλια. Et forte
 ex hisce non recte intellectis, apud Verulamii-
 um ^y “lac, sanguis, sperma, ova inveniuntur
 “ gradu modico tepida, & minus calida quam
 “ ipsa caro exterior in animali, quando move-
 “ tur aut agitur.” Quod non facile verum
 crediderim, neque Hippocratis menti con-
 gruum. Quem puto concisa, ut solet, ista
 oratione designare tantum voluisse calorem
 externi corporis propius accedere ad statum
 internarum partium & viscerum in vigilan-
 tibus quam in dormientibus: vel exteriorum
 partium calorem vigilantibus, internorum
 vero dormientibus potius intendi; ut modo
 in propositione asseruimus. Unde quum
 alias idem Hippocrates ^z per somnum refrige-
 rari

^w VI Epid. V, 16.

^x VI Epid. IV, 33.

^y Nov. Org. II, 13. p. 193.

^z De Flat. XX, 9.

rari prodat sanguinem; “ non omnem ta- CAP.
 “ men,” adjicit Avicennæ scholiastes^a, “ sed IV.
 “ qui in corporis ambitu, atque in artubus,
 “ & extremis est partibus.” Quo sensu o-
 lim dixerat Aristoteles^b “ somnum esse coi-
 “ tum quemdam caloris ad intima refu-
 “ gientis.”

P R O P. XXV.

*Expenduntur caloris animalium diffe-
 rentiæ secundum varias ipsorum
 ætates.*

AB ætatis diversitate magnas oriri caloris
 differentias mortalium quemquam latere ne-
 quit. Senectutem enim cunctis prægressis
 statibus esse frigidiorē confirmant & medi-
 corum & vulgi observationes, atque loquen-
 di modi universe recepti.

*Gelidus tardante senectâ
 Sanguis hebet, frigentque effætæ in corpore
 vires^c.*

2. “ VERUM non perinde de puerorum
 “ & ætate florentium caliditate inter medicos

S 2

“ con-

^a Not. in Can. I, II, II, 13.

^b De Somn. &c. 3. Probl. XXXIII, 15.

^c Virgil. Æn. V, 395. Vid. & Juvenal. Sat. X, 217.

C A P. “convenit,” inquit Galenus^d, adjicitque,

IV. “sed nec dirimere inter eos litem est promp-

“tum: probabiles enim sunt utrorumque
 “rationes, tum eorum qui pueros calidiores
 “esse, quam florentes ætate censent; tum
 “eorum qui contra florentes calidiores pue-
 “ris esse contendunt.” Hæc ille, argumen-
 torum & disputationis summam utrique sectæ
 familiarem simul adjungens.

3. SECUNDUM primam ætatem pronun-
 ciasse censentur oracula Hippocratica. Per-
 celebris est ejus aphorismus^e τα αυξανόμενα πλει-
 στον έχει το εμφύλιον θερμόν, quem passim alias
 confirmat. Ita “post mictionem, concre-
 “tionem pueris magis frequentem” obser-
 vans rogat η ῥ’ οτι θερμότερα^f: Planiusque ad-
 huc^g “ob corporis calorem pueris calculos
 “fieri; virisque pariter calculos non adeo
 “generari, idque propter corporis frigidi-
 “tatem” contendit, adjungens ευ γαρ χρη ει-
 δέναι, ότι ο αυθροπ^h τη πρώτη των ήμερων θερμότεα^h
 εσιν αυτ^h εωυτου, τη δε ύστατη ψυχροταλ^h, &c.
 Similiterque alias ætates sibi-invicem confe-
 rens^h, “humidissima calidissimaque” pronun-
 ciavit “corpora generationi proxima.” Pue-
 risque plurimum caloris inesse confirmat alter
 Hip-

^d De Temperam. II, 2.

^e Aph. I, 14.

^f VI Epid. III, 25, 26.

^g De Nat. Hum. XXIV, 5, &c.

^h I De Diæt. XXVIII, 5.

Hippocratis genius Aretæusⁱ. Quam Hippocraticam sententiam sequitur & acriter defendit Galenus tum alibi, tum libro de *Temperamentis*, satis fuse in modo enarrati aphorismi commentario, & prolixissime in libro contra *Lycum*, quo huncce propugnat aphorismum. Nec aliter fere sentiunt qui Galenum sunt secuti, illorum artis medicæ principum auctoritate, ut solent, permoti. Atque nuperrime Pitcarnius^k, aliam quamvis insistens viam, nec principia respiciens vel Hippocratis vel Galeni, diserte affirmavit “unum-
“ quemque, cæteris paribus, esse calidiorē
“ cum puer est, quam cum adolescens est,
“ nondumque augmenti finem attigit, quam
“ postea cum augmento finito juventutem
“ agit.”

4. Ex adverso alteram ætatem pronunciarunt calidiorē quotquot & paullo ante Galenum, & ætate ipsius vixerunt cum Philosophi tum Medici. Diserte siquidem Galenus^l talem omnibus sermonem attribuit.
“ Sicuti flammæ ubi in humida inciderint
“ ligna, &c.—— eodem modo calor qui in
“ nobis est, corpori tanquam materiæ cuidam
“ inditus, principio quidem humidus ac im-

S 3

“ becillus

ⁱ De Acut. Causs. &c. I, 9.^k Elem. Med. I, 3, §. 15.^l De Marasm. 3.

C A P. " becillus est; deinceps vero usque ad vigen-
 IV. " tem ætatem increfcens, tum splendet, tum
 " augetur, ac in ampliffimam elevatur mag-
 " nitudinem, ignis flammam imitatus: ab-
 " hinc alimenti penuria paulatim marcefcit,
 " idque est senium; mox vero jam prorfus
 " extinguitur, quod est mors." Hæc illi;
 atque huic ab iis ufurpatæ comparationi alia
 fimillima proftat in eleganti oratione Pytha-
 gorica apud Ovidium ^m.

*Quid? non in species succedere quattuor
 annum*

*Adspicis, ætatis peragentem imitamina
 nostræ?*

*Nam tener & lactens puerique similli-
 mus ævo*

*Vere novo est. tunc herba nitens, & ro-
 boris expers*

*Turget & insolida est; & spe delectat
 agrestem.*

*Omnia tum florent; florumque coloribus
 almus*

*Ridet ager: neque adhuc virtus in fron-
 dibus ulla est.*

*Transit in æstatem post ver, robustior
 annus:*

Fitque

^m Metamorph. XV, 199. Confer & Diog. Laert. in
 Pythag. VIII, 10.

Fitque valens juvenis. Neque enim CAP.
robustior ætas IV.

Ulla nec uberior: nec, quæ magis æstuat, ulla est.

Excipit Autumnus, posito fervore juvenatæ,

Maturus, mitisque, inter juvenemque senemque;

Temperie mediis spasms per tempora canis.

Inde senilis hiems tremulo venit horrida passu;

Aut spoliata suos, aut, quos habet, alba capillos.

Et hisce conveniens Serviusⁿ, “secundum
 “Physicos—in senibus sanguinem jam frigere, in pueris autem necdum calere” perhibet. Atque, ut est apud Prudentium^o,

Sanguine præcalido fervet nervosa Juventa.

5. ATQUE hæc omnia hinc inde dicta forte respiciens Franciscus Vallesius^p, ne plus uni præ altera sectæ tribueret, maluit affirmare in utraque ætate æqualem esse caloris intensiorem. Cui nec multum adversantem

S 4

diceres

ⁿ In Virgil. Georg. II, 484.

^o In Symmach. II, 1129.

^p Contr. Med. I, 8.

C A P. diceres Galenum; dum^a singularum ætatum

IV. temperamenta tactione explorans, cum pue-
 ros, juvenes, adolescentes millicies consideras-
 set; præterea eundem infantem, puerum
 adolescentemque factum, hunc nihilo cali-
 diorem deprehensum confirmat, nec puerum
 quam ætate florentem, nec ætate florentem
 quam puerum. Ita Galenus. “ Quamvis
 “ fieri posse se vix intelligere” profiteatur
 Fernelius^r, “ ut qui infantes, pueros, ætate
 “ florentes tactu expenderit, nihilo sit ipse
 “ tot annorum prolapsione, vel tempera-
 “ mento, vel tactu immutatus: aut si qua
 “ illi mutatio incidit, quomodo tactu tan-
 “ quam firmo & constanti iudice uti potuit
 “ ad ætatum secretionem.”

6. QUUM vero, secundum principia utra-
 que ex parte tunc stabilita, hominis tactus
 discernendi temperamenti lex sit atque iudex^s;
 calidum passio quædam sensus est, ut ait Ari-
 stoteles^t; hinc accedendum videtur iis Galeni
 cœvis, qui florenti ætati priora deferunt.
 Idque etiam si modo ipsius Galeni experimen-
 tis, teste semetipso hac in re expertissimi, fi-
 dem habeamus. Secundum ipsum quippe
 “ dissident

^a De Temper. II, 2. Vid. & Avicen. Can. I, II, III, 7.

^r Physiolog. III, 10.

^s Vid. Galen. De Temp. II, 3. Fernel. Physiolog. III, 5.

^t Meteor. I, 3.

“ dissident eorum calores qualitate—Est C A P.
 “ enim puerorum calor magis halituosus & IV.
 “ copiosus & tangenti blandior; ætate flo-
 “ rentium vero subacre quiddam habet, ac
 “ non suave.” Unde optimo jure rogat
 Conringius “, “ quo alio signo quam blan-
 “ ditie solet ab hominibus minor intensio
 “ caloris tactu deprehendi? sane omnis sen-
 “ sibilis qualitas blande sensus afficiens mi-
 “ nor ab omnibus censetur illa quæ sensum
 “ ferit: & recte quidem. —Blandities ita-
 “ que illa, & illud subacre omnino indicant
 “ minorem majoremque caloris intensio-
 “ nem: ac proinde sensu omnino constat
 “ illa adultioris ætatis præ puerili caliditas.”
 Cui sensus fidei adjecit Helmontius * thermo-
 metri testimonium, quo reperisse se perhibet
 “ virum triginta annorum quovis puero cali-
 “ diorem.” Ut minus credendum sit Lam-
 berto Velthufio^y secundum quem “ experientia
 “ docet infantes omnes ad tactum magis ca-
 “ lere quam homines provectæ ætatis.” Exi-
 guam certe iis inesse differentiam ex thermo-
 scopiorum periculis compertum habeo; adul-
 tis pauxillum tenellos calore ut plurimum su-
 perantibus.

7.

ⁿ De Temp. II, 2. ^w De Calid. Innat. 22. p. 235.

^x Humid. Rad. p. 574. ^y De Liège 4. p. 83.

C A P. 7. IMMO usque adeo clarescit præpollen-

IV. { tia caloris adultæ ætatis, ut ipse Galenus, ejusdem quasi conscius, amore tantum sectæ, & hypotheseos ergo, ductus, videatur pueros statuisset calidiores: iis scilicet tribuens^a majorem caliditatem; non quidem verum calorem, sed *innatum* solum Hippocraticum (το ἐμφύλιον θερμόν) ratione nempe vigoris & agendi roboris: simul ex phænomenis agnoscere coactus juvenes absolute (ἀπλως) & secundum qualitatis intensiorem calidiores esse, hisce redundantiam *adventitii* caloris (ἐπιχρήτης θερμότητος) palam concedens^a. Cumque idem Galenus^b, antiquorum medicorum optimus interpres nos moneat Hippocratem temperamento *calidos* ab intensiore qualitate denominasse, “ per calidas nimirum naturas appellare eas consuevisse, quæ non *ingenito calore* (συμφύλω θερμῷ) sed acri & mor-
daci abundant; quem *adventitium* (ἐπιχρήτιον) & non naturalem esse arbitratur:” Hinc si vulgaribus passimque receptis medicorum loquendi formulis adhærescere velimus, ab omni parte palam est ætate florentes, teste ipso Galeno, acriore calore præditos, temperamento calidiores pariter esse pueris, mitius
blan-

^a Com. in VI Epid. I, 5. III, 15.

^a De Puls. Caus. III, 5.

^b Com. in Hipp. VI Epid. IV, 15.

blandiusve naturaliter calentibus. Nihili vero est quod iste illorum calor adventitius & non naturalis dicatur. Nititur quippe hæc distinctio præjudicatæ de *calido innato* Hippocratis opinioni. Neque in præsentia moramur aliâs a nobis^c examinatam Pitcarnii hypothesin de variorum animalium, prout magnitudine discrepant, calore.

8. QUUM vero teste Galeno^d, & vulgari medicorum experientia pulsus puerorum sint omnium creberrimi, hinc etiam ex nostra theoria objicere forte poteris majorem illis quam adultis calorem nasci debere, si utrique similes sibi mutuo supponantur. Sed & simul meminisse convenit alias puerorum atque adultiorum hominum conditiones atque discrimina: veluti sunt major sanguinis horum densitas atque perfectio, minor ejus aquositas^e, & super omnia maxima firmitudo vasorum, majorque & vehementior longe articularum pulsus^f. Quibus de causis^g nedum suppletur iste frequentia pulsuum defectus, sed & exsuperanti humorum solidorumque attritu calidiores fieri queunt consistentis ætatis homines; exigua tamen iis intercedente disse-

^c De Sim. Anim. Prop. 9. Sch. 1.

^d De Puls. Caus. III, 5.

^e Aret. de Acut. Caus. &c. I, 10.

^f Galen. Ibid. ^g Vid. Prop. 15. 17. 20. 21.

C A P. differentia, quantum ipse thermometris dijudicare possim.

IV.

9. Ex quibus omnibus, ut & cunctorum de frigore senii confessione (quod ex debilitata vi vitæ per noxiam solidorum rigiditatem, fluidorumque marcorem & inertiam profuit) omnino adprobanda videtur illa supra memorata, quam Galeni ævo passim philosophi & medici usurpabant, elegans comparatio, ab ipso quamvis improbata. Quæ nempe calorem hominis similem statuebant humidorum lignorum combustioni, quæ primo debilis & quasi suffocata, postmodum paulatim accrescens, donec in maximum attollatur fulgorem; qui post aliqualem moram minui incipit, tandemque alimenti penuria marcescit atque extinguitur. Sic pariter experimur calorem hominis primo lenem atque blandum, progressu temporis acriorem redditum, usque dum in consistenti ætate maximus fiat. Tumque, deficientibus ipsius animalis viribus, primum in senio langueat, atque tandem morte naturali & senili in integrum aboleatur; & instar flammæ extinguatur ignis ille vitalis

omnis & una

*Dilapsus calor, atque in ventos vita
recedatⁿ.*

Est

Virgil. Æneid. IV, 704.

Est etenim calor ac ventus vitalis in ipso Corpore qui nobis moribundos deserit artusⁱ. C A P. IV.

U T jam satis pateat qua ratione varius fit animalium calor secundum varia ipsorum tempora aut ætates. Q. E. I.

Schol. NOTANDUM interim hæc omnes comparationes ætatum intelligi debere vel de eodem homine, vel saltem de similis, aut quamproxime ejusdem constitutionis hominibus. Qua de re omnino audiendus est Galenus, qui eandem optime hunc in modum exponit^k. “ Quod si plures pueros pluribus
“ conferre florentibus ætate velis, graciles
“ gracilibus, quadratos quadratis, & crassos
“ crassis conferes; æque vero & qui colore,
“ & reliquis omnibus, quoad fieri potest,
“ similiter se habeant : quippe si differentiam
“ in ætatibus invenire studeas, in similibus,
“ quam maxime licet, naturis eam inquisitionem
“ tutius facies. Porro in contrariis naturis
“ hanc disquirere non parvi erroris est occasio,
“ cum interim non tam exploratorum corporum
“ ætatis, quam naturalis temperamenti gratia,
“ differentia existat. Ad eundem modum tum victu
“ universo, tum tempo-
“ rum,

ⁱ Lucret. III, 129.

^k De Temper. II, 2.

C A P. “ rum, quibus exploratur, statu, pari modo
 IV. “ se habentia corpora eliges, non exercita-
 { “ tum requieto comparans; non balneo usum
 “ ei qui ex frigore riget; non cum qui vigi-
 “ lavit ei qui dormivit; nec denique eos qui-
 “ bus contraria est vel natura, vel victus ra-
 “ tio, vel quælibet rerum circumstantia, sed
 “ reliqua omnia sint, quam fieri licet, paria,
 “ una ætate excepta.”

C A P U T Q U I N T U M.

*De Caloris animalium differentia
 secundum sexus varietatem.*

H A C T E N U S ergo de varietate caloris animalium quatenus dependet a sanguine, vasis, eorumque operationibus; item secundum varias tum aëris constitutiones annique tempora, tum ipsius animalis ætatis & periodos, quibus solida fluidaque insignes patiuntur mutationes. Superest jam consideratio caloris animalium secundum invariabiles & quasi connatas quasdam ipsorum conditiones, quibus nempe mares & fæminæ a seinvicem distinguuntur.

P R O P.

P R O P. XXVI.

Viri mulieribus sunt calidiores.

SEXUS inter se ratione caloris aliquatenus differre nemo est qui ambigat ; & tamen quis horum prævaleat, disputant. Neque sane nova est controversia. “ Parmenides enim,” ut videmus apud Aristotelem^a, “ mulieres
 “ esse viris calidiores autor est: quod idem
 “ quibusdam etiam aliis placuit, argumento
 “ copię sanguinis, qua menstrua fiunt. Em-
 “ pedocles contra opinatur.”

Εν γὰρ θερμότερῳ τὸ κατ' ἀρρενα ἐπλετο γαίης·
 Καὶ μέλανες διὰ τοῦτο, καὶ ἀνδρωδέστεροι ἀνδρες,
 Καὶ λαχυνεύτες μάλλον.

Diceresque Hippocratem hac in re vix sibi fuisse satis constantem ; si quidem opera Hippocratica dicta ipsius sunt. Libri quippe *de Morbis Mulierum* auctor, sive sit ipse Hippocrates, sive ejus filius Thessalus, sive gener Polybus, sive quis alius Hippocraticę scholę magister, Parmenidem secutus, “ mu-
 “ lierem” affirmat^b “ sanguinem habere ca-
 “ lidiores, & propterea ipsam calidiores
 “ esse quam virum.” Quum contra alias in tractatu

^a De Part. Anim. II, 2.^b I De Morb. Mul. II, 9.

CAP. tractatū *de Dieta*^c Empedoclis proferat

V. sententiam; “ universaliter masculos calidi-

“ ores esse & sicciores, fæminas vero humi-

“ diores ac frigidiores.” Hicce autem liber^d,

si non Hippocratis, est forte vel Philistionis,

vel Aristonis, vel Euryphontis, &c. vel sal-

tem alicujus Hippocratici ævi scriptoris. At-

que hæc apud posteros invaluit Empedoclis

opinio, mares nempe, in genere præsertim

humano, ratione hujus qualitatis fæminis

præstare: uti videri est apud Aristotelem mul-

tis in locis^e. Quam amplexus Galenus quasi

indubitata tradidit succedentibus Medicinæ

professoribus. Nam Horum philosophum

Cynicum apud Macrobiū^f non moramur

dum statueret, “ quod cum calor semper

“ generationis causâ sit, fæminæ ideo cele-

“ rius quam pueri fiunt idoneæ ad generan-

“ dum, quia calent amplius.” Cumque post

ea quæ alias^g attulimus, exigui sit momenti

hypothesis Pitcarnii^h, qua dicit se contra

omnes quod sciat medicos, statuere fæminas,

quoniam corpore minus proceras, viris ideo

esse

^c I De Diæt. XXVIII, 23.

^d Vid. Galen. Com. in Hipp. Aph. VI, 1. Com. in Diæt. in Acut. I. Le Clerc Hist. de la Med. p. 186.

^e De Gen. Anim. IV, 1. 2. 6. Probl. IV, 26. De Long. Vit. 5, &c. ^f Saturnal. VII, 7.

^g De Sim. Anim. Prop. 9. Schol. 1.

^h Elem. Med. I, 3. §. 19, &c.

esse calidiores: cum inquam hujus hypotheseos fundamentum alias eversum dederimus; hinc illis principibus in arte nostra viris assentiri cogit consideratio magis aquosi, levis & rari sanguinis, majorisque laxitatis atque molitiei fibrarum & vasorum, uno denique verbo majoris debilitatis & solidorum & fluidorum corporis muliebris, ratione firmæ robustæque compagis, & densi sanguinis virorum. Undeⁱ hos illis calidiores judicamus. Q. E. D.

Schol. I. “ VERAM esse sententiam communem,” inquit Conringius^k, “ tum ipso tactu deprehendere est, tum patet ex iis quæ circa mares & fæminas est observare, siue mentis actiones spectes, siue corporis constitutionem. Robustum enim——est corpus virorum.——Moribus porro mas est liberalior, generosior, constantior, audacior: quibus conducere calorem argumento vel illud est, quod unus idemque homo per calorem sentiat ejusmodi animum quasi addi, per frigus dimitti,” &c.

T

Schol.

ⁱ Vid. Prop. 17. 22.

^k De Calid. Innat. 22. p. 232.

CAP. Schol. 2. QUÆ diximus respiciunt imprimishomines, eaque animalia, quæ juxta nostram naturam, nostrasque conditiones sexu discrepant. Nonnulla quippe dantur, ut accipitres, milvi, &c. omne denique aquilinum genus, quorum fæmellæ, tum mole, tum vi, tum, ut videtur, calore maribus præpollent.

Schol. 3. QUEMADMODUM comparationem ætatum intelligi debere notavimus¹ vel de eodem homine, vel de similis naturæ hominibus; ita pariter accipienda est hæc comparatio masculini & fæminini sexus de viris & mulieribus, quantum fieri possit, præter unicum sexum & sexui propria, similibus. Id est ut viri graciles gracilibus fæminis, crassi crassis, juniores junioribus, vigilantes vigilantibus, &c. sibi mutuo comparentur: ita nimirum ut perfectissima, quam fieri queat, obtineatur similitudo. Sine dubio quippe dari possit mulier robusta, carnosa & virilis quasi habitus, calore præstans viro cuidam molli, delicato, atque, genitalibus exceptis, naturæ forte fæminioris: γυναικες γαρ γυναικες τε αρρενωποι, και ανδρες δηλωτοι^m.

Atque

¹ Prop. 25. Schol.

^m Aristot. de Generat. Anim. II, 7.

Atque hoc quanquam, generatim loquendo, C A P.
tuto pronunciare liceat viros præ mulieribus V.
magis calere. Quemadmodum generatim
dicimus viros feminis esse proceriores, quan-
quam non paucæ sint mulieres plurimis alte-
tius sexûs statura præstantes.

F I N I S.



ERRATA.

PAG. 5, lin. penult. lege nonnulli. p. 11, 7. l. magnitudinum.
 p. 19, 11. l. Reverborstius. p. 21, 7. l. liquorem. p. 23,
 22. l. domesticis occupatæ. p. 28, ult. l. brevioris. p. 61,
 22. l. sint. p. 65, 1. l. permeabiles. p. 68. Marg. 3. l. Pby-
 siolog. p. 75, penult. l. quarundam. p. 83, 10. 11. l. ? p.
 98, 6. l. adnoto. p. 100, 10. l. propterea. p. 102, 14, l pro-
 ductæ. p. 112, 1. pro $\sqrt{a^1}$ l. $^2 \sqrt{a^{\frac{1}{3}}}$. p. 129, 14. l. nulla-
 que. p. 133. Marg. 3. l. Aërochal. p. 137. Marg. 4. l. Sea
 Diseas. p. 172, 20, pro sanguini l. calorem sanguini. p. 178.
 Marg. 2. l. Coac. p. 202, 5. vero l. igitur. p. 206, ult. l.
 $A^{\frac{1}{3}} \dots a^{\frac{1}{3}}$. p. 207, 1. l. A, a. p. 207, 7. l. $A^{\frac{1}{3}} \times A^{\frac{1}{3}} \dots a^{\frac{1}{3}} \times$
 $a^{\frac{1}{3}} :: A^{\frac{1}{2}} \dots a^{\frac{1}{2}}$. p. 207, 8. l. A, a. p. 221. penult. l. fascia-
 rum, vestium. p. 223. Marg. 3. l. r Aret. p. 232, 2. pro 363
 l. 353. p. 243. Marg. 1. l. b Aph. Ibid. 2. l. i Diff. p. 254,
 15. l. confisi. Ibid. Marg. 1. l. l Com. Ibid. 2. l. m Vid.
 p. 263, 9. l. sparsis. p. 270, 17. l. ætates.

